

## कुल्मिंबै चेला चिब्लैए केमै (प्रेरित)

चु कितब लूकाइ फ्लिब् ग । लूकाइ ओसों सैं तोंबै ताँए बारेर फ्लिडमुँ, धै चु कितबर बिब् म्हैबै ताँ येशूए ओसोंबै च्युसे ड्हं चेलामैइ लबै केमैए बारेर फ्लिडमुँ । पबित्र प्ल्हजी लोमिंमा चमैइ यरूशलेम, यहूदीया, सामरिया नेरो पृथ्वीए कुना-कुना समा येशूए सैं तोंबै ताँ खैले बिप्रइ बिसि फ्लिब् ग । परमेश्वरजी चु सैं तोंबै ताँ येशूउँइले युम् बिसि ओसों यहूदीमैने बिइ । चु ताँ ओसों यहूदीमैने बिइ, धै लिउँइ ताँन् ह्युलर बिमिंइ । छले तियाँ ताँन् म्हिमैइ चु सैं तोंबै ताँ थेल् योंब् ग । लूकाइ अर्को ताँ ड्हं बिमिंइमुँ: “ख्रीष्टियानमै रोम ग्याल्सबै न्होह्रों लब्लै आडिं,” धै “येशूए फिर बिश्वास लबइले यहूदी धर्म पूरा तइ ।”

कुल्मिंबै चेला चिब्लैइ लबै केमै भाग सोंर चुल् खाँम:

१. येशू स्वर्ग ह्याबै लिउँइ यरूशलेमर मुँबै खीए फिर बिश्वास लब्लैए फिर खबै दुःख (अध्याय १-७)
२. प्यालेस्टाइनबै अरू कल्ह्योजरे या सै तोंबै ताँ फेनेब (अध्याय ८-१२)
३. पृथ्वीए म्हाँजोबै मा ड्युँइए खागुबै ह्युलजरे रोम समन् सैं तोंबै ताँ फेनेइ । (अध्याय १३-२८)

चु कितबबै सेलन् त्हुबै ताँ पबित्र प्ल्हजी लबै केमै ग । पबित्र प्ल्ह पेन्तिकोसए त्हिंइर यरूशलेमबै येशूए फिर बिश्वास लब्लैए फिर शक्ति पिंवर युइ (२:१-४) । धै पबित्र प्ल्हजी खीए के लबै ल्हागिरि येशूए फिर बिश्वास लब्लै नेरो चमैए चिब्लैलाइ बिश्वासर भोंब् लमिमल । चु कितबर चेला चिब्लैइ ख्रीष्टए बारेबै सैं तोंबै ताँ खोल्दिमिंइमुँ । परमेश्वरए फिर

बिश्वास लब्लैए छह नेरो परमेश्वरए मिंर चमैइ लबै संगतिरि  
परमेश्वरए शक्ति खैब मुँ बिसि चु कितबर्बै ताँमैइ उँइमिंइमुँ ।  
**चु कितबर मुँबै ताँमै**

प्रचार लबै ल्हागिर तयार तब १:१-२६

यरूशलेम सहरर प्रचार लब २:१—८:३

यहूदीया नेरो सामरिया ह्युलर प्रचार लब ८:४—१२:२५

पावलइ लबै के १३:१—२८:३१

क. पावल ओसों प्रचार लबर ह्याब १३:१—१४:२८

ख. यरूशलेमबै म्हि च्हों १५:१-३५

ग. पावल धबै प्रचार लबर ह्याब १५:३६—१८:२२

घ. पावल सोखेबै लार प्रचार लबर ह्याब १८:२३—२१:१६

ङ. पावल निसाफ म्हेबर यरूशलेमउँइले रोम सहरर ह्याब  
२१:१७—२८:३१

1 ओ थियोफिलस, येशूजी सुरु लबै के नेरो लोमिंल म्हेबै ताँए  
बारेर डइ “लूका” बिबै कितबर ओसोंन प्हिथेंइमुँ ।

2 च के लब नेरो ताँ लोमिंर होबै त्हेउँइले खीलाइ स्वर्गर  
बोह्याबै त्हे समाबै ताँन ताँमै डइ चर प्हिथेंइमुँ । स्वर्गउँइ बोयाब्  
भन्दा ओसों येशूजी त्हाँबै कुल्मिंबै चेला चिब्लैलाइ खीजी पबित्र  
प्हउँइले “छ-छ लद्” बिइ ।\*

3 येशूजी त्हे दुःख नोबै लिउँइ खीजी “ङ सोगों मुँ” बिसि  
खाबज्यै या थोल् आखाँबै त्हे थैबै प्रमाणउँइले चमैए उँइर  
उँइमिंइ । प्लिच्यु तिहंइ समा खी चमै डार मोखब्रें लइ धै  
परमेश्वरए ग्याल्सए ताँ चमैने बिमिंइ ।

4 झाइले तिखे चमैने बालु चब् चबर टिमा खीजी चमैने बिइ,  
“क्हेमै यरूशलेमउँइले खनिरै आह्याद् । दिलेया डए आबाजी  
बाछ्हा फैसि पिंम् बिबै बरदान पैसि टिरिद् । च बरदानए ताँ डउँइले  
क्हेमैइ थेल् खाँइमुँ ।\*

5 तलेबिस्स्याँ यूहन्नाइमि क्युइ बप्तिस्मा पिंड, तारे दे त्तिहंइ लिउँइँ पबित्र प्न्हउँइँले क्हेमैंए बप्तिस्मा तब्मुँ।”☆

????????? ?????????? ?????????? ??????????  
 (????????? ??:??-??; ?????? ??-??-??)

6 छतसि कुल्मिबै चेला चिबॅ खगु तसि, “ओ प्रभु, किहजी तोगोन् इस्राएलबैं ग्याल्स धबै बनेमिंम्मा?” बिसि खीने डचोएइ।

7 खीजी चमैंने बिइ, “परमेश्वर आबाजी ह्तोसए हगउँइँले तोक्दिबै त्हे खीजीन् सेमुँ, क्हेमैंइ सेल् आत्हु।

8 दिलेया पबित्र प्न्ह क्हेमैंए फिर युबै लिउँइँ क्हेमैंइ शक्ति योब्मुँ। धै क्हेमैं यरूशलेमर, ताँन् यहूदीया नेरो सामरियार, धै ह्युलए कुना-कुना समा डए ग्वाइ पिंब्मैं तब्मुँ।”☆

9 खीजी चु ताँ बिबै लिउँइँ चमैंइ इह्योना इह्योन् खी कैडो क्वेयाइ, झाइले न्हाँम्स्योइ हुवाइ। छले चमैंइ खीलाइ मोल् आखाँ।☆

10 चमैं खी मुउँइँ ह्यारिबु इह्योरिमा ताग्या क्वे खिबै मिह डिहं चमैं डाँर रायुसि बिइ,

11 “ओ गालीलथेमें, क्हेमैं तले मुउँइँ इह्योसि रारिल? चुन् येशू, क्हेमैंउँइँले परमेश्वरजी स्वर्गर बोयाइ। तोगो खी खैले स्वर्गर ह्यारिबु क्हेमैंइ मोइ छलेन खी धबै युब्मुँ।”

?????? ?????????????????? ?????????????????? ??????????  
 ??????????

12 च लिउँइँ चमैं जैतून बिबै कोउँइँले यरूशलेमर एखइ। यरूशलेमउँइँले चु को किलोमिटर घि दे हेंगो मुँल।

13 चमैं सहरर ह्याबै लिउँइँ खेमें टिबै धिंए आटिफिर ह्याइ। चमैं पत्रुस, यूहन्ना, याकूब, अन्द्रियास, फिलिप, थोमा,

☆ 1:5 1:5 00000 0:११; मर्क १:८; लूक ३:१६; यूह १:३३ ☆ 1:8 1:8 00000 00:१९;  
 मर्क १६:१५; लूक २४:४७,४८ ☆ 1:9 1:9 00000 00:१९; लूक २४:५०,५१

बारथोलोमाइ, मत्ती, अल्फयसए च्ह याकूब, नेरो ह्नांसए ह्युल  
म्हाँया लबै सिमोन, नेरो याकूबए च्ह यहूदा मुँल ।\*

14 कोइ च्हमिरिमै नेरो येशूए आमा मरियम, येशूए अलिमैने  
बालु सैं घ्रि तसि खोंयोन् बिलै प्राथना लरिमल ।

15 दे त्हे लिउँइ येशूए फिर बिश्वास लबै प्रसे डिहस्युदे म्हिमै  
खागु तमा चमैए म्हाँजोर पत्रुस रासि बिइ,

16 “ओ अलि-अडामै, येशू कहाब्मैए घ्याँ उँइमिंबे यहूदाए  
बारेर दाऊदए सुँउँइले ओसोंन् पबित्र प्न्हजी बिमिल । च छ्वेर  
प्हिथेबै ताँ ताँन् तखल् त्हुमल ।

17 डि धोलेन् चैया प्रभुए च्युसे डिह कुल्मिंबे चेलामै न्होबै घ्रि  
मुँल, छतसि डिइ लब् धों तबै के चज्यै या लल् योंइ ।”

18 (च म्हिइ छाबै आछ्याँबै केमै लसि योंबै मुइइ कल्ह्यो  
घ्रि किंइ, धै च कल्ह्योर्न च क्युरु थिले तेयाइ । छतमा चए फो  
तियासि चए न्हानु-भुँडिमै ताँन् स्वालयाइ ।

19 चु ताँ यरुशलेमर टिबै ताँन् म्हिमैइ था सेइ । धै च कल्ह्योए  
मिं खेमैए क्युइर आखेल्दामा थेंइ । चुए अर्थ कोए म्रों ग ।)\*

20 धबै पत्रुसइ बिइ, “भजनसंग्रह बिबै कितबर छले प्हिइमुँ,

चए धिं कहोत्तेन् तरिगे,

धै चर टिबमै खाबइ आयोरिगे ।)\*

छलेन

चइ लबै केए जिम्मा आगुइ योरिगे ।)\*

21 छतसि प्रभु येशू डचोए म्हाँजोर मुँमा खोंयोन् बिलै डचोने  
बालु मुँबै म्हि घ्रि त्हाँल् त्हुम् ।

\* 1:13 1:13 □□□□ □□:२-४; मर्क ३:१६-१९; लूक ६:१४-१६ \* 1:19 1:18-19 □□□□

□□:३-८ \* 1:20 1:20 □□ □□:२५ \* 1:20 1:20 □□ □□:८





15 कहेमैइ मैब धोले चुमै फ्हाइ आम्हेरइमुं, तलेबिस्याँ तोगो  
न्हाँगबै कु मत्त्रे ह्हाइमुं ।

16 योएल अगमबक्ताइ स्योमा बिबै ताँ चुन् गः

17 नुखबै त्हिंइजरे छ्छ तब्मुँ बिसि परमेश्वरजी बिइमुं,  
डइ ताँन् म्हिमैए फिर डए पबित्र प्लह कुल्मिंम्मुँ ।

धै कहेमैए च्छ-च्हमिमैइ अगमवाणि पोंब्मुँ,  
कहेमैए फ्रैसिमैइ दर्शनमै प्रोंब्मुँ,  
धै कहेमैए खेबैइ म्होंडा म्होंब्मुँ ।

18 ओ, च त्हिंइर डइ ह्त्तोंसए सेवा लबैए फिर  
डए पबित्र प्लह कुमिंम्मुँ,  
धै चमैज्यै या डए ताँ पोंब्मुँ ।

19 डइ मुर औदिवै केमै,  
नेरो माइ पृथ्वीर प्लेटोयाबै चिनुमै उँइमिंम्मुँ ।  
च चिनुमै को, मि नेरो मिखुए फ्रै तब्मुँ ।

20 याहवेहए थेबै ह्वे चारबै त्हिंइ खब् भन्दा ओंसों  
त्हियाँ मिच्छु खैयाब्मुँ,  
धै लयाँ को धोले ओल्बया तयाब्मुँ ।

21 दिलेया याहवेहए मिं किबैइ मुक्ति योंब्मुँ ।'‡☆

22 “ओ इस्राएलीमै, चु ताँ थेद, नासरतथे येशू परमेश्वरजी  
कुल्मिंबै म्हि मुँन बिब कहेमैइ सेरिगे नेरो कहोरिगे बिसि  
परमेश्वरजी येशूउँले शक्तिए केमै, प्लेटोयाबै केमै, नेरो चिनुमै  
उँइमिंसि कहेमैए म्हाँजोरि प्रमाण पिल् खाँइमुँ । खीजी चु केमै लब  
कहेमैइ सेइमुँ ।

‡ 2:21 2:21 ०००००० ०००००००० ००० ०००००००० ००० ००००००० ००००००० ००००० ००००० ००००००  
०००००, चमैए प्लह स्वर्गर ह्यासि परमेश्वरने सैं तोंन्ले खोंयॉन् बिलै टिल् योंम् ।

☆ 2:21 2:21 ००० ०:२८-३२

23 दिलेया परमेश्वरजी ओंसोन् चाँजो लसि येथूलाइ कहेमँए योर पिंवाँइ । धै दुष्ट म्हिमँउँइले कहेमँइ येशू क्रूसर च्योवासि सैवाइ ।\*  
 \* 2:23 2:23 ०००० ००:३५; मर्क १५:२४; लूक २३:३३; यूह १९:१८

24 सैवालेया परमेश्वरजी खी सिबउँइले धवै सोगों लमिंइ । तलेबिस्याँ खी सिबै सिबन् तल् आखाँमल ।\*  
 \* ०००० ००:५,६; मर्क १६:६; लूक २४:५

25 चु तारं दाऊदइ या येशूए बारेर छले बिइमुँ,  
 'डइ खोयोंन् बिलै प्रभु डए उँइर मोँइ,  
 तलेबिस्याँ ड आडिहरिगे बिसि डए क्योलोउँइ खी मुँ ।

26 छतसि ड खों न्होर सैं तोरिमुँ,  
 धै सैं तोबै क्वेमँ प्रिरिमुँ ।

ड सियाल् त्हुलेया

ड धवै सोगों तब्मुँ बिसि डइ खीए फिर आशा लइमुँ ।

27 तलेबिस्याँ किहजी डए प्त्ह क्रोनं वाथेरिब् आरे,  
 धै किहजी ह्नोसए पबित्र म्हिए ज्यु क्रौल् पिंरिब् आरे ।

28 किहजी डने छह योंबै घ्याँ उँइमिंइ,

धै किह डने बालु तसि डए सैं बेल्ले तोन् लमिंब्मुँ ।\*  
 \* 2:28 2:28 ०० ००:८-११

29 "ओ अलि-अडाँमँ, डचोए खे दाऊदए बारेर क्ह्रोसँन्ले डइ कहेमँने बिल् खाँम् । खी सिइ धै पावाइ, खीए छगों तिंयाँ समन् मुँ ।

30 दिलेया दाऊद अगमबक्ता तबइले परमेश्वरजी फैबै बाछ्हा धोलेन् चए सन्तानउँइले म्हि घ्नि चए क्त्हयोर मुँ तल् पिंब्मुँ बिसि खिइ ओंसोन् था सेल ।

31 छतसि परमेश्वरजी कुल्मिंबै मुँ खीष्ट सिसि धवै सोगों तबै बारेर दाऊदइ ओंसों ओंनोंन् मोंबइले खिइ चु ताँ प्त्हिथेंइ,  
 'परमेश्वरजी खीलाइ क्रोर आवाथें  
 धै खीए ज्यु या क्रौल् आपिं ।\*  
 \* 2:31 2:31

\* 2:23 2:23 ०००० ००:३५; मर्क १५:२४; लूक २३:३३; यूह १९:१८

\* 2:24 2:24

०००० ००:५,६; मर्क १६:६; लूक २४:५

\* 2:28 2:28 ०० ००:८-११

\* 2:31 2:31

०० ००:१०



32 चुन् येशू परमेश्वरजी सिबउँडले सोगों लमिंड। चु ताँए साक्षि डि ताँन् मुँ।

33 परमेश्वर आबाजी येशूलाइ थेब् लमिसि खीए क्योलोउँड थेंडमुँ। धै ह्तोंसजी बाछ्छा फैब् धोले येशूलाइ पबित्र प्ह पिंड। च पबित्र प्ह प्रभु येशूजी तोगो डिए फिर कुमिन् ग। चु ताँमै कहेमैड तोगो थेडमुँ, मोडमुँ।

34 तलेबिस्याँ स्वर्गरे क्रयाबै म्हि दाऊद आडिंल, दिलेया दाऊदइ ह्तोंसैन बिड,

‘याहवेहजी डए प्रभुने बिड,

35 डइ विहए शत्तुरमै विहए प्हले न्होर आलन् समा विह डए क्योलोउँड टिड।\*

36 छत्तसि तारे इस्राएलबै ताँन् म्हिमैड चु ताँ छेनाले क्होरिगे: कहेमैड कूसर च्योवाबै चु येशून् परमेश्वरजी ताँन् म्हिमैए प्रभु नेरो जोगेमिंबै मुँ ख्रीष्ट लमिंडमुँ।”

37 चु ताँ थेसि चमैए सैर खैला तोला तइ। धै चमैड पत्रुस नेरो अरू कुल्मिंबै चेला चिबमैने “ओ आघें-अलिमै, तारे डिइ तो लले?” बिसि डचोएइ।

38 पत्रुसइ बिड, “डिइ आछ्याँबै केमै लना बिसि कहेमै ताँनइ ह्तों-ह्तोंसए आछ्याँबै केमै पिसि परमेश्वरउँड सै एद, धै कहेमैए पाप क्षमा तबै ल्हागिर येशू ख्रीष्टए मिर बप्तिस्मा किन्। छलमा परमेश्वरउँडले कहेमैड पबित्र प्हए बरदान योम्बुं।

39 परमेश्वरजी “पबित्र प्ह पिंभुँ” बिसि फैबै बाछ्छा कहेमैए ल्हागिर, कहेमैए सन्तानए ल्हागिर, नेरो अरू ह्तें-ह्तेंगो मुँबै अरू ह्तेंबै म्हिमैए ल्हागिर ग। डचोए प्रभु परमेश्वरजी हुइमै ताँनए ल्हागिर च बाछ्छा फैडमुँ।”

40 छत्तसि “चु दुष्ट पुस्ताउँडले कहेमैड ह्तोंसलाइ जोगेद,” बिसि पत्रुसइ अरू ल्हें ताँउँडले चमैलाइ क्होमिंड।

\* 2:35 2:34-35 ०० ०००:१

41 झाइले पत्रुसए ताँ क्वेबै म्हिमैइ बप्तिस्मा किइ । च त्हिंइर्न योदा आयोदा हजार सोंदे म्हिमै चमैए फिर थब्दिइ ।

२२२२२२२२२२२२ २२२२२ २२२२ २२  
(२२२२ २२२२२२२२२ २२२२२ २:२२-२२)

42 चमै प्रभु येशूए फिर बिश्वास लसि कुल्मिंबै चेला चिब्लैने लोदै, संगति लदै, बालुन् चब् चसि प्रभु भोज चदै, खोंयोंन् बिलै प्राथना लरिमल ।

43 कुल्मिंबै चेला चिब्लैइ ल्हें औदिवै केमै लदै ल्हें चिनुमें उँइमल । छ्रतसि ल्हें म्हि परमेश्वरने डिहंबर होइ ।

44 येशूए फिर बिश्वास लब्लै ताँन् बालुन् टिमल, धै चमैने मुँबै तोन्दोरि सैमै गमस्तर तमल ।\*

45 चमैइ ह्रोंसए क्त्ह्यो न्हें नेरो अरू सैमै चुँसि योंबै मुइ खाँचो तब्लैलाइ चुमिमल ।

46 चमै त्हिंइ ह्रोंसे मन्दिरर खागु तमल, धै धिं-धिंर चमै सैं ध्रिले प्रभु भोज चसि सैं तोदै बालुन् चब् चब्रें लमल ।

47 झाइले परमेश्वरए मिं क्वेदै, ताँन् म्हिमैउँइले मान योंमल । धै प्रभुजी त्हिंइ ह्रोंसे जोगेमिंबै म्हिमै चमैए फिर थप्दिमिंब्रें लमल ।

### 3

२२२२२२ २२२२२ २२२ २२२२२२

1 तिगें त्हिंइबै सों ह्रामा प्राथना लबै त्हे तसि पत्रुस नेरो यूहन्ना मन्दिरर ह्यारिल ।

2 च त्हेर म्हिमैइ फिब् ओनोंबै डुँइ तबै म्हि ध्रिलाइ नोसि पखमल । मन्दिर न्होर खब्लैने भिक् द्विरिगे बिसि म्हिमैइ च म्हि त्हिंइ ह्रोंसे मन्दिरबै “छ्र्याँबै मिं” बिबै म्रार पखसि थेंमिंब्रें लमल ।

3 पत्रुस नेरो यूहन्ना मन्दिर न्होर हॉल् म्हैब् म्रोसि चइ मुइ ह्निइ ।

4 चमैँइ च डाँइ इह्योसि बिइ, “डि डाँइ इह्योद् ।”

5 चमैँउँइले तोइ योम् उ इहाँसि चइ चमैँ डाँइ इह्योइ ।

6 झाइले पत्रुसइ चने बिइ, “डने मारा चाँदि आरे, दिलेया डने तो मुँ चन् डइ किहलाइ पिंस्यो । नासरतबैँ येशू ख्रीष्टए मिर रेसि प्रह्याद् ।”

7 छ् बिसि पत्रुसइ चए क्योलो योर क्हासि रेमिंबै तोंदोन् चए प्हेलेमैँ नेरो च्हि गाँटोजरे भों खइ ।

8 झाइले च जुरुक्कन् रेसि प्रबर होंइ, धै उफर्दिदै न्हेदै परमेश्वरए मिं क्वेदै चमैँने बालु मन्दिरर होंइ ।

9 चइ परमेश्वरए मिं क्वेदै प्ररिब ताँन् म्हिमैँइ म्रोइ ।

10 मन्दिरबैँ छ्चाँबैँ म्रार क्हाएसि टिरिबैँ म्हि चुन् ग बिसि चमैँइ सेइ । धै च म्हि खेले प्रल् खाँब् तगे बिसि चमैँ प्नेटोयाइ ।

????????? ?????????? ??????? ??????? ?????????

11 छ्ले च म्हिइ पत्रुस नेरो यूहन्ना क्हाब् म्रोसि ताँन् म्हिमैँ प्नेटोयासि सोलोमन बिबैँ ठाँटिर चमैँ डाँर न्हेखइ ।

12 चु म्रोसि पत्रुसइ म्हिमैँने बिइ, “ओ इस्राएलीमैँ, चु ताँर क्हेमैँ तले अचम्मा इहाँल? डिइ ह्त्रोंसए शक्ति अथवा भक्तिउँइले चु म्हिलाइ प्रल् खाँब् लमिँइ बिसि क्हेमैँ तले डिलाइ इह्योबैँ इह्योबन् लरिल?

13 अब्राहाम, इसहाक नेरो याकूबए परमेश्वर, डचोए खेमैँए परमेश्वरजी ह्त्रोंसए सेवा लबैँ येशूलाइ कति थेब लमिँइ । दिलेया क्हेमैँइ खी क्हासि सैबर पिलातसलाइ पिंवाइ । पिलातसइ खीलाइ पिमिंबैँ सैँ ललेया क्हेमैँइ पिलातसए उँइर्न खीए विरोध लसि खीलाइ पिल् आपिं ।☆

14 क्हेमैइ पबित्र नेरो छ्याब आरेबै म्हिलाइ पिल् आपिसि खीए कल्ह्योर म्हि-सैलाइ पिमिन् बिइ ।\*

15 झाइले म्हिमैलाइ खोंयोंन् बिलै आखाँबै छ्ह पिंबै येशू क्हेमैइ सैवाइ। दिलेया परमेश्वरजी खीलाइ सिबउँडले धबै सोगों लमिइ। चु ताँ डिइ मोइमुँ।

16 क्हेमैइ डो सेबै चु सबै म्हिइ येशूए मिंए फिर बिश्वास लबइले खीजी चुलाइ भोब लमिइ। धै क्हेमै तान्ण उँडरि छेनाले सल् लमिइ।

17 “ओ आघें अलिमै, क्हेमै नेरो क्हेमैए चिबनाँबमैइ येशू खाब जा बिब आसेसि खीलाइ सैइ बिब डइ सेइमुँ।

18 ओसोंन् ख्रीष्टजी दुःख नोल् त्हुम् बिसि तान्ण अगमबक्तामैउँडले परमेश्वरजी विबै ताँ खीजी छले पूरा लइ।

19 छतसि खीजी क्हेमैए पाप खुमिरिगे, खीउँडले क्हेमै छिं इहाँन् योरिगे, झाइले खीजी क्हेमैए ल्हागिर ओसोंन् त्हाँबै मुँ ख्रीष्ट येशू कुल्मिरिगे बिसि

20 क्हेमैइ पाप लब पिसि परमेश्वर डाँइ सै एड्।

21 दिलेया स्योंमन् परमेश्वरजी ह्नोंसए ताँ बिमिबै पबित्र म्हिमैइ बिब धोले तोन्दोरि सैमै छारा लबै त्हे आखन् समा ख्रीष्ट स्वर्गन टिल् त्हुम्।

22 मोशाइ या छ बिल,  
 क्हेमैए याहवेह परमेश्वरजी डलाइ त्हाँब धोले  
 क्हेमैए आघें अलिमैए म्हाँजोउँडले  
 अगमबक्ता घ्रि क्हेमैए ल्हागिर त्हाँबुँ।  
 खीजी क्हेमैने बिबै तामै क्हेमैइ थेलन् त्हुम् ।\*

23 च म्हिइ बिबै ताँ आथेबमै

\* 3:14 3:14 00000 00:१५-२३; मर्क १५:६-१४; लूक २३:१३-२३; यूह १९:१२-१५

\* 3:22 3:22 000 00:१५,१८

परमेश्वरए म्हिमें उँडैले स्यो लवासि

ताँन् नास तयाब्मुँ ।\*☆

24 श्रामूएल नरो चए लिउँडैबै अगमबक्तामें ताँनइ तिजोरो तरिबै ताँमैए बारेर बिल ।

25 अगमबक्तामें नेरो परमेश्वरजी कहेमैए खेमैने फैबै बाछ्हा कहेमैए ल्हागिरन ग । खीजी अब्राहामने बिइ,

‘क्हिए सन्तान उँडैलेन् ह्युलबै ताँन् ह्छेंमैइ आशिक योँब्मुँ ।’☆

26 कहेमैलाइ ह्छोँसए आछ्छ्याँबै केमै उँडैले एपखसि आशिक पिंबै ल्हागिर परमेश्वरजी ह्छोँसए सेवा लबै म्हि त्हाँसि ताँन् भन्दा ओँसों कहेमै इस्राएलीमै डार कुल्मिंइ ।”

## 4

ॐॐॐॐॐ ॐॐॐॐ ॐॐॐॐॐॐॐ ॐॐॐॐॐॐॐ ॐॐॐॐॐ ॐॐॐॐॐॐॐ

1 पत्रुस नेरो यूहन्ना म्हिमैने पौरिमा को-कोइ खो पिंबै खेगिमें, मन्दिरबै कप्तान नेरो सदुकीमै चमैँ डार खइ ।

2 “येशू सिसि धबै सोगों तब् धोलेन् म्हिमै सिलेना धबै सोगों तब्मुँ,” बिसि पत्रुस नेरो यूहन्नाइ म्हिमैने लोमिमल । छतमा च सदुकीमै हिस खल ।\*

3 छतमा चमैँइ पत्रुस नेरो यूहन्नालाइ क्हासि फ्न्हँगधों समा झेलर च्युथेंइ तलेबिस्याँ च त्हेर डेसा तल् खॉल ।

4 दिलेया चमैँए ताँ थैब्मैए न्होर ल्हें म्हिइ येशूए फिर बिश्वास लइ । खीए फिर बिश्वास लबमैँ योदा-अयोदा हजार इहदे तल ।

5 फ्न्हँगधों क्रथे मिंथेमें, अरू यहूदी चिब्रॅं, नेरो शास्त्रिमैँ ताँन् थैबै म्हि च्होर यरूशलेमर खागु तल ।

☆ 3:23 3:23 ॐॐ ॐ:१९ ☆ 3:25 3:25 ॐॐ ॐ:३; २२:१८ \* 4:2 4:2 ॐॐॐॐॐॐॐ

6 खो पिंबै खेगि ऋथे हन्नास, कैयाफा, यूहन्ना, अलेक्जेन्डर नेरो खो पिंबै खेगि ऋथेए परवा ताँन् चर्न मुँल ।

7 चमैइ पत्रुस नेरो यूहन्नालाइ म्हाँजोर राल् पिसि “कहेमैइ खाब् शाक्तिउँइले नेरो खाबै मिंर चु के लल?” बिसि डचोएइ ।

8 छ्बिमा पबित्र प्लहजी प्लिसि पत्रुसइ चमैने बिइ, “ओ म्हिए फिबै ऋथे नेरो चिबनाँभै!

9 तियाँ डिइ डुँड् म्हि सल् लमिंमा खैले सल् लमिंइ बिसि डचोएम् बिस्याँ,

10 नासरतबै येशू ख्रीष्टए मिंर चु म्हि ससि कहेमैए उँइर राइमुँ बिसि कहेमै नेरो इस्राएलबै ताँन् म्हमैइ सेल् त्हुम् । कहेमैइ येशूलाइ क्रूसर च्योवाल, दिलेया परमेश्वरजी खीलाइ सिबउँइले धबै सोगों लमिंइ ।

11 कहेमै गारा झोंभैइ केर आत्हु बिबै युँमा चुन् येशू ग, दिलेया खी तोगो ताँन् भन्दा केर त्हुबै जगबै युँमा तखइमुँ ।✧

12 अरू खाबज्यै मुक्ति पिल् आखाँ तलेबिस्याँ डचोइ मुक्ति योंबर स्वर्गए न्होरि म्हमैए ल्हागिर अरू खाबै मिं या परमेश्वरजी आपिँइमुँ ।”

13 झाइले पत्रुस नेरो यूहन्ना आखेबै म्हमै मुँलेना आडिहन्ले पोल् खाब् म्रोसि चमै प्लेटोयाइ । धै चुमै येशूने बालुन् टिभै मुँन बिसि चमैइ था सेइ ।

14 दिलेया नब् सबै म्हि चमैने बालु रारिब् म्रोसि चमैइ तोइ बिल् आखाँ ।

15 छ्त्तसि चमैलाइ थेबै म्हि च्हांउँइले बैरु ह्याद् बिसि चमैइ छ् बिसि मत लइ:

16 “तारे डचोइ चु म्हमै खै लले? क्हांसेन्ले चुमैउँइले औदिवै चिनु तइमुँ बिसि यरूशलेमर टिभै ताँनइ सेल् खाँइ । छ्त्तसि डचोइ चु आडिं बिल् आखाँ ।



धै ऋथे मिंथेमैं तान् खागु तइ ।\*☆

२७ क्हाँसैन हेरोद मुँ, पन्तियस पिलातस, अरू हेंमैं नेरो इस्राएलीमैं या चु सहरर्न किहजी त्हाँबै सेवा लबै पबित्र येशूण् बिरोधर खागु तल ।☆

२८ छतमा ओंसों ओंनोन् किहए योउँडँले किहजी लबै चाँजोमैं च बिरोधीमैइ पूरा लइ ।

२९ ओ प्रभु तारे, चमैइ डिलाइ हौदिमा किहजी इह्योमिन्, धै किहए केब्छैमैइ आङ्हंन्ले किहए ताँ पोबै भों पिन् ।

३० झाइले नबै म्हिमैं सल् लमिंबर किहजी ह्हांसए यो स्योमा, ह्हांसए सेवा लबै पबित्र येशूण् मिंउँडँले औदिबै केमैं नेरो चिनुमैं तरिगे ।”

३१ चमैइ प्राथना लल् खाँबै लिउँडँ चमैं खागु तबै कल्ह्यो लायाइ, धै चमैं तान् पबित्र प्ल्हजी प्लियाँइ, छतमा चमैइ आङ्हंन्ले परमेश्वरए ताँ पोइ ।

२२२२२२२२२२२२२२२२ २२२२२२ २२२२२२ २२२२२२ २२२२२२२२ २२२२

३२ प्रभुए फिर बिश्वास लबमैं तान्ण सैं, खों घिन् मुँल । चमैण् न्हाँर खाबज्यै या चमैने मुँबै सैमैं ह्हांसल् आबिमल । चमैण् तान् सैमैं गमस्तर तमल ।☆

३३ झाइले च कुल्मिंबै चेला चिब्मैइ तिफुँइ आङ्हंन्ले प्रभु येशू सिबइले धबै सोगों तइमुँ बिसि ग्वाइ पिंमल, छतमा परमेश्वरजी चमैं तान्ण फिर थेबै आशिक पिंमल ।

३४ चमैण् न्हाँर खाबलाज्यै तो सैलै या खाँचो आतमल, तलेबिस्याँ कल्ह्यो न्हेँ मुँब्मैइ च चुँसि योंबै मुइ पखमल,

☆ ४:२६ ४:२५-२६ ०० ०:१-२ ☆ ४:२७ ४:२७ ००० २३:७-११; मत्ती २७:१,२; मर्क १५:१; लूक २३:१; यूह १८:२८,२९ ☆ ४:३२ ४:३२ ००००००० ०:४४-४५



35 झाइले कुल्मिंबै चेला चिब्मैए उँइर थेंमिमल। धै खा-खाबलाइ तो-तो सैए खाँचो तमल, चमैलाइ म्हिमैइ च मुइ चुमिमल।

36 च त्हेर साइप्रस ह्युलबै लेबी कुलाबै योसेफ मुँल चलाइ कुल्मिंबै चेला चिब्मैइ बर्णावास विसि मिं थेंल। (च मिंए अर्थ अरूए सैं भोब् लमिंब् ग।)

37 चुइ कल्ह्यो चुँसि योबै मुइ पखसि कुल्मिंबै चेला चिब्मैए योर पिंइ।

## 5

१११११११ १११११ १११११११ ११११११ ११११

1 तिगें हननिया मिं मुँबै म्हि नेरो चए प्हेँस्यो सफिराइ च्युगुदे कल्ह्यो चुँइ,

2 झाइले प्हेँस्योने मत लब् धोले योबै मुइ ह्रोसने च्युगुदे थेंइ। धै च्हाँदे मुइ बोसि कुल्मिंबै चेला चिब्मैए उँइर थेंमिंइ।

3 दिलेया पत्रुसइ चने बिइ, “ओ हननिया, कल्ह्यो चुँसि योबै मुइ च्युगुदे ह्रोसने थेंसि पबित्र प्ल्हने स्योर तेब दुष्टइ किहए सैंर खैले झाँमिंइ?

4 च कल्ह्यो आचुँन् समा किहल्लाँ आडिंल् रो वा? धै च कल्ह्यो चुँसि योबै मुइ या किहल्लाँ आडिं वा? छाबै के लबै सैं किहए खोर खैले खइ? किहइ म्हिमैने आडिं परमेश्वरने स्योर तेइमुँ।”

5 चु ताँ थेबै तोदोन् हननिया सर क्हरिह्याइ धै सो पिवाइ। चु ताँ थेबै ताँन् बेल्ले डिहंयाँइ।

6 झाइले फ्रेंसिमै खसि चए सिनु क्वेँइ म्होरसि बैरु बोसि पावाइ।

7 झाइले घण्टा सोदे लिउँइ चए प्हेँस्यो सफिरै या न्होर खइ। चइ चए प्युँ सियाइ बिसि था आसेल।

8 पत्रुसइ चने “डने बिद्, क्हेमैइ कल्ह्यो च्हगर्न चुल् वा?” बिसि डचोएइ।

चइ “ओ, च्हगर्न ग,” बिइ।

9 छबिमा पत्रुसइ चने बिइ, “प्रभुए फ्लहए जाँच लबर क्हेमैं ड्हंना-ड्हंन् किह्लसि खैले मत लल? ड्ह्योद्! किहए प्युं पाब्ये म्रान् मुं। चमैइ किह या बैरु बोयाब्मुं।”

10 छ बिबै तोंदोंन् सफिरा पत्रुसए फ्ले डारं क्हुरिह्यासि सो पिवाइ। धै फ्रेंसिमैं न्होर खमा च सियाल् खाँब् म्रोंसि बैरु बोसि चए प्युं डॉर्न पावाइ।

11 छतमा ताँन् चर्च नेरो चु ताँ थेबै ताँन् म्हिमैं बेल्ले ड्हंयाँइ।

~~~~~

12 छले कुल्मिबै चेला चिब्ये योउँइले ल्हें ओदिबे केमै लसि प्लेटोयाबै चिनुमैं म्हिमैंए म्हाँजोर तबर होंइ। छतमा येशूए फिर बिश्वास लब्ये ताँन् सोलोमन बिबै ठाँटिर खागु तल।

13 दिलेया अरू खाबै या चमैने बालु किह्लबै आँट लल आखाँ। छान् तलेया म्हिमैंइ चमैलाइ मान लमल।

14 छतमा प्रभुए फिर बिश्वास लबै मुँयुंमैं नेरो च्हमिरिमैं झन् ल्हें तबर होंइ।

15 छतसि पत्रुस खमा चए छरि मत्त्रे मुँलेया चमैंए न्होंबै को-कोए फिर फेरिगे बिसि म्हिमैंइ घ्याँ-घ्याँर्न नब्ये कल्ह्यो नेरो खाटर रोथेंमल।

16 यरूशलेमजरेबै ह्युलउँइले या ल्हें म्हिइ नब्ये, नेरो दुष्टइ ह्युगुदिब्ये पइ खमल, धै चमैं ताँन् सयामल।

~~~~~

17 छतमा खो पिबै खेगि ऋथे नेरो चने बालु मुँबै सदुकीमैं ताँनइ कुल्मिबै चेला चिब्ये फिर हिस लसि चमैंए बिरोध लबर होंइ।

18 धै चमै कहासि झेलर च्युवाइ ।

19 दिलेया म्हुँइसर प्रभुए स्वर्गदूत भ्रिइ झेलए म्रामै थोमिंइ, धै खीजी चमैलाइ बैरु तेवासि बिइ,

20 “मन्दिरर ह्यासि खोयोंन् बिलै आखाँबै छ्ह योंबै ताँमै ताँन् म्हिमैने बिद् ।”

21 चु ताँ थेसि चमै न्हाँकार्न मन्दिर न्होर होंसि म्हिमैलाइ लोमिंबर होइ ।

छ्तमा खो पिंबै खेगि ऋथे नेरो चने बालु मुँबमैइ थेबै म्हि च्हों खागु लबर इस्रालिमैए ताँन् चिबनाँबमै हुइइ । धै चमैइ “चमै पखो” बिसि झेलउँइ म्हिमै कुलइ ।

22 दिलेया चमैइ झेलर च्युथेंबै कुल्मिंबै चेला चिबमै आम्रोमा एखसि चु ताँ बिइ,

23 “डिइ झेलर छेनाले साँजु झोथेंब नेरो झेल रूबै म्हिमै या म्राजरेन् रारिबा म्रोंइ, दिलेया डिइ म्रा थोंसि इह्योमा न्होर खाबै या आम्रो!”

24 चु ताँ थेसि मन्दिर रूबै सिपाइमैए कप्तान नेरो खो पिंबै खेगि चिबमैइ, “तारे कुल्मिंबै चेला चिबमै खै तब् इहे” इहाँसि खैला तोला तइ ।

25 च त्हेर्न म्हि भ्रि खसि चमैने बिइ, “थेत्ति, क्हेमैइ झेलर च्युथेंबै म्हिमै मन्दिरर रासि म्हिमैलाइ लोमिसिन् मुँ!”

26 चु ताँ थेसि कप्तान नेरो चए सिपाइमै ह्यासि चमैलाइ कहासि खैच्छिजी आलल्ले छेनाले पखइ, तलेबिस्याँ म्हिमैइ खेंमै युँमाइ प्रिंम् उ इहाँसि चमै डिहंयाँइ ।

27 झाइले थेबै म्हि च्होंए उँइर राल् पिंइ, धै खो पिंबै खेगि ऋथेइ चमैने ताँमै ड्योएइ । ५:२७ 28 “डिइ क्हेमैने खाबलाज्यै येशूए मिंर तोइ आलोमिन् बिसि बिल, दिलेया क्हेमैइ यरूशलेम तिगोंन् लोमिंल् खाँना । च म्हि सैवाबै छ्याब् क्हेमैइ डिए फिर

ल्हैदिदा इहाँइमुँ वा?”\*☆

29 दिलेया पत्रुस नेरो कुल्मिंबै चेला चिब्रैइ बिइ, “डिइ म्हिमैए ताँ आडिं, परमेश्वरजी बिब डिंलन् ल्हुम् ।

30 क्हेमैइ यशूलाइ सिए कूसर च्योवासि☆ सैवाइ । दिलेया डचोए खेमैए परमेश्वरजी येशू सिबउँइले धवै सोगों लमिंइ ।

31 इस्राएलीमैइ परमेश्वरउँइ सैं एसि पाप क्षमा योरिगे बिसि परमेश्वरजी येशूलाइ मुँ नेरो जोगेमिबै म्हि लमिसि ह्रोंसए क्योलोउँइ धाँसे नुल्ले थेमिंइ ।

32 चु ताँन् ताँए साँक्षिमै डि मुँ, धै परमेश्वरजी बिब डिंभ्रैलाइ पिबै पबित्र प्ल्ह या साँक्षि मुँ ।”

33 चु ताँ थेसि चमै बेल्ले ह्रिस खसि चमैलाइ सैल् म्हेइ ।

34 दिलेया गमलियल मिं मुँबै फरिसी थेबै म्हि च्हांए उँइर राइ । च छ्रवेबै ताँ ह्रब् सेब, ताँनइ म्हाँदिब, नेरो परमेश्वरए ठिम लोमिबै म्हि मुँल । चइ सिपाइमैने “चमै तिस्याँदे बैरु कुलद्,” बिइ ।

35 धै चइ थेबै म्हि च्हांबै म्हिमैने बिइ, “ओ इस्राएलीमै, चु म्हिमैलाइ क्हेमैइ तो लल् म्हेमुँ, चु ताँर न्ह क्रों मि क्रों तद् ।

36 तलेबिस्याँ चु त्हे भन्दा ओंसों थुदासइ डम् डन् ग बिसि थेब् फ्हेँल, धै चए लिलि योदा-अयोदा प्लिब्रादे म्हिमै प्रल । छ्रान् तलेया च सैवाइ, धै चए लिलि प्रभ्रै या ताँन् फ्हुँयाँइ । छ्रतमा चइ लबै के फाक्कन तयाइ ।

37 चु म्हिए लिउँइ ह्युलर ताँन् म्हिमै च्योबै त्हेर (जनगणना लबै त्हेर) गालीलबै यहूदा बिब रेइ, धै ल्हेँ म्हि च डाँइ चैइ । चै या नास तयाइ, धै चए लिलि प्रभ्रै या फ्हुँयाँइ ।

38 छ्रतसि तोगोबै चु ताँए बारेर ड क्हेमैने बिमुँ, चु म्हिमैउँइले स्योले टिद्, धै चु म्हिमैलाइ पिवाद् । तलेबिस्याँ चुमैए ताँ नेरो

केए चाँजो म्हिमें उँडले मुँस्याँ चमैँए मिं क्रन् म्हयाब्मुँ ।

39 दिलेया चु के परमेश्वर उँडले तब् ग बिस्याँ कहेमैँइ चु म्हिमेंने 'चु के आलद्' बिल् आखाँ । आस्याँ कहेमैँ या परमेश्वरए बिरोधर राब्मैँ तब्मुँ ।”

40 छले चमैँइ गमलियलइ बिबै ताँ डिंइ, दिलेया चमैँइ कुल्मिंबै चेला चिबॅलाइ न्होर हुइसि धोंइ, धै चमैँने बिइ, “येशूए मिंर खोंयोन् बिलै तोइ आपोन्!” छ बिसि चमैँ पिवाइ ।

41 झाइले चमैँए सैर, म्हिमेंइ म्हि आच्चिजल् ललेया येशूए मिंरि सैदिल् खाँब्मैँ डचो तइ इहाँसि सै तोंदै चमैँ थेबै म्हि च्हों उँडले त्होंह्याइ ।

42 दिलेया चमैँइ त्हिंइ त्होंसे मन्दिर नेरो धिं-धिंर ह्यासि “येशून् परमेश्वरजी कुल्मिंबै मुँ ख्रीष्ट ग” बिसि बिप्रब आपि ।

## 6

???????????? ???? ???? ????  
(? ???? ??:?-??)

1 च त्हेर चेलामें त्हेँ ततै ह्याल । छले चेलामें त्हेँ ततै ह्यामा हिब्रू क्युइ पोंब्मैँने गिक क्युइ पोंब्मैँ गनगन् लबर होंइ, तलेबिस्याँ त्हिंइ त्होंसे चबै सै चुमा गिक पोंबै चेलामेंए म्हरेस्योमैँइ चैदिबै चबै सै आयोल ।

2 छतमा च्युसे डिहं कुल्मिंबै चेला चिबॅमैँइ प्रभुए चेलामें ताँन् हुइसि चमैँने बिइ, “परमेश्वरए ताँ बिप्रब पिसि डि चब् थुँबै लिलि प्रब छयाँव आत ।

3 छतमा ओ अलि-अडाँमैँ, कहेमैँए न्हों उँडलेन् पबित्र प्ल्हाजी नेरो बुद्धिइ प्लिंब धै ताँनइ म्हाँदिबै म्हि डिउँलो त्हाँन् । धै डचोइ चमैँलाइ चु चब् चुबै के पिले ।

4 डि बिस्याँ खोंयोन् बिलै प्राथना नेरो परमेश्वरए ताँ बिमिंबै केर प्रब्मुँ ।”



13 झाइले चमैइ स्तिफनसए बारेर स्योर ताँमैं पोंबै म्हिमैं ओंसों पखइ। धै च म्हिमैइ बिइ, “चु म्हिइ चु पबित्र मन्दिर नेरो मोशाइ पिंबै ठिमए बिरोधर पोंब खोंयोन् बिलै आपि।

14 नासरतबैं येशूइ चु मन्दिर नास लवासि मोशाइ डचोने पिंबै ठिममैं या फेर्दिवाम् रो बिब डिइ थेइ!”

15 थेबै म्हि च्होंबैं ताँन् म्हिमैइ स्तिफनसए लि इह्योमा चाए लि स्वर्गदूतल् धोन् तब् म्गोइ।

## 7

????????? ?????????? ?????

1 झाइले खो पिंबै खेगि ऋथेइ स्तिफनसने “चु छ्याब ल्हैदिबै ताँ क्होंसेन् वा?” बिसि डचोएइ।

2 चइ बिइ, “ओ डाए आबामैं, आघें-अलिमैं, डाए ताँ थेद्। थेबै मान मुँबै परमेश्वरजी डचोए खे अब्राहाम हारानर टिब भन्दा ओंसोंन् मेसोपोटामियार च डाँर म्गोयुसि

3 ‘क्हि ह्नोंसए ह्युल नेरो ह्नोंसए इहेब्-टहुब्मैं उँइले त्होंसि, डइ क्हिने तेंबै ह्युलर ह्याद्’ बिल।☆

4 “छ्चबिमा च कल्दिमैए ह्युल उँइले त्होंसि हारानर खसि टिइ, धै चाए आबा सिबै लि उँइँ परमेश्वरजी चलाइ क्हेमैं तोगो टिरिबै चु ह्युलर्न पखइ।☆

5 च त्हेर परमेश्वरजी चलाइ चु ह्युलर धिं नाँ तोइ आपिल, फ्हेले म्हेबै क्त्ह्यो या आपिल। च्हेमा चला फ्हेसेमैं आतलेया परमेश्वरजी खीने ‘चु ह्युल डइ क्हिए सन्तान्मैं पिंम्मुँ’ बिसि बाछ्छा फैल।☆

☆ 7:3 7:3 □□ □□:१ ☆ 7:4 7:4 □□ 11:31; उत 12:4 ☆ 7:5 7:5 □□ □□:७; १३:१५; १५:१८; १७:८

6 परमेश्वरजी खीने, 'क्विए सन्तान्मैं आगुए ह्युलर ह्यासि टिल् त्हुब्मुं। चबैं म्हिमैंइ चमैं फिर बेल्ले दुःख पिसि केब्छैं लसि प्लिब्ब्रा बर्ष समा थेंब्मुं,' बिल

7 दिलेया परमेश्वरजी खीने बिइ, 'चमैं खाव् हेंए केब्छैं तसि टिमूं च हेंलाज्यै या डइ दण्ड पिंब्मुं। च लिउँइ चमैं त्होंखब्मुं धै चु क्ल्ह्योर्न डए मिं क्वेब्मुं।'☆

8 परमेश्वरजी अब्राहामने ज्युर चिनु लल् त्हुम् बिबै बाछ्हा या फैल। च लिउँइ अब्राहामइ इसहाक च्ह योंसि इसहाक फिवै प्रेरोर चए ज्युर चिनु लमिंइ। इसहाक याकूबए आबा तइ, धै याकूब डचोए हेंए च्युसे डिहं खेमैंए आबा तइ।☆

9 "याकूबए च्ह योसेफने चए अलिमैंइ हिस लमल। छतसि चमैंइ योसेफ मिश्र ह्युलर चुवाँइ। दिलेया परमेश्वर चने बालु मुँल,☆

10 परमेश्वरजी चए ताँन् दुःखउँइले फ्रेमिसि मिश्र ह्युलरबैं फारो भ्रुँए उँइरि चलाइ बुद्धि पिंमा फारोइ चलाइ मिश्र ह्युल नेरो ह्रोंसए धिबैं ताँन् सैमैंए फिरि क्ल्हे तल् पिंइ।☆

11 च लिउँइ कनान नेरो मिश्र ह्युल तिगोंन् अङ्गल् तसि थेबै दुःख तइ, धै डचोए खेमैंइ चबै सैमैं तोइ आयोंल।☆

12 दिलेया याकूबइ मिश्र ह्युलरि चबै सैमैं मुँ रो बिब् थेसि डचोए खेमैं ओंसों चर कुलइ।

13 झाइले डिहखेबै लार चए आघेंमैं त्होमा योसेफइ डो सेब् मि सेब् लइ। छलमा फारो मुँइ चुमैं योसेफए परवामैं मुँन बिसि सेइ।☆

14 च लिउँइ योसेफइ ह्रोंसए आबा याकूब नेरो खीने टिवै

☆ 7:7 7:7 ०० ००:१३-१४; प्रस ३:१२ ☆ 7:8 7:8 ०० 17:10-14; 21:2-4; 25:26; 29:31—35:18 ☆ 7:9 7:9 ०० 37:11,28; 39:2,21 ☆ 7:10 7:10 ०० ००:३९-४१ ☆ 7:11 7:11 ०० ००:१-२ ☆ 7:13 7:13 ०० 45:1; उत्त 45:16



डिच्युसे इह (पचत्तर) परवामैं च डार हुइ ।✽

15 च लिउँई याकूब मिश्र ह्युलर ह्यासि चर्न सियाइ, धै डचोए खेमैं या चर्न सियाइ ।✽

16 चमैंए सिनु शकेमर बोइ, धै अब्राहामइ ओंसोन् शकेमर हामोरए च्हमैंने सै फोसि किंबै छगोर पाइ ।✽

17 “झाइले परमेश्वरजी अब्राहामने फैबै बाछ्छाए त्हे तखमा मिश्र ह्युलर डचोए इस्राएली म्हिमैं बडिदै ह्यासि ल्हें तइ ।

18 लिउँई योसेफलाइ डो आसेबै अर्कोन् मुँइ मिश्र ह्युलर ग्याल्स लबर होइ ।✽

19 चइ डचोए ह्वेंमैंए फिर बेल्ले आछ्छायंबै केमै लइ चमैंइ भखर फिबै ताँन् कोलोमैं सियारिगे बिसि डचोए खेमैंने चमैंए ओंलाँ कोलोमैं बैरु थंबर ल्हैदिमल ।✽

20 “च त्हेर्न मोशा फिइ । परमेश्वरए उँइर च बेल्ले छ्छायंब मुँल । च म्हैन सोल् समा चए आबाए धिर्न न्हइ ।✽

21 मोशा बैरु भ्योवाबै लिउँई फारोए च्हमिंइ बोसि ह्त्रोंसए च्ह धोलेन् न्हइ ।✽

22 धै मोशाइ मिश्रीमैंए तोन्दोरि ज्ञानमैं लोइ । छ्छतमा मोशा पोल् ह्त्रब नेरो छ्छायंबै के लबै म्हि तइ ।

23 “झाइले च प्लिच्यु वर्ष तमा ह्त्रोंसए इस्राएली म्हिमैंने त्होबै सैं लइ ।

24 तिंगें ह्त्रोंसए ह्वेंबैं म्हि ग्त्रिलाइ मिश्री म्हिइ दुःख पिंरिब् ग्त्रोंसि मोशाइ च मिश्री सैवासि ह्त्रोंसए ह्वेंबैं म्हि जोगेमिंइ ।

25 परमेश्वरजी डए योउँईले चमैं जोगेमिंभुँ बिब डए म्हिमैंइ क्होभुँ बिसि चए सैर मैल । दिलेया चमैंइ च ताँ आक्हो ।

✽ 7:14 7:14 ०० 45:9,10,17,18; उत 46:27 ✽ 7:15 7:15 ०० 46:1-7; उत 49:33 ✽ 7:16 7:16 ०० ००:३-१६; ३३:१९; ५०:७-१३; यहो २४:३२ ✽ 7:18 7:17-18 ०००० ०:७,८ ✽ 7:19 7:19 ०००० 1:10,11; प्रस 1:22 ✽ 7:20 7:20 ०००० ०:२ ✽ 7:21 7:21 ०००० ०:३-१०

26 “ह्ण्हँगधों चमै खें-खेंमैए न्होंन प्होरिबै त्हेर मोशा खसि चमैलाइ किह्मिंबै सैं लसि बिइ, ‘ओ आघें-अलिमै, क्हेमैम् त्येमै फोमै तसेया क्हेमै तले आक्हिल?”

27 छ्बिमा आगुलाइ दुःख पिंबै इस्राएली म्हिइ मोशालाइ कैवासि बिइ, ‘डिए फिर चिब् तसि निसाफ लबर खाबइ किह कुलइ?”

28 तेल् च मिश्री म्हि सैवाब् धोंले किहइ डलाज्यै या सैदा इहाँइमुँ वा?”

29 चए ताँ थेसि मोशा भौदिसि मिद्यान ह्युलर ह्यासि टिइ । चर्न चए च्ह डिहं योंइ ।\*

30 “प्लिच्यु बर्ष तबै लिउँइँ सिनै बिबै कोर्बै क्यु आयोंबै क्ल्ह्योर लुरिबै मिए राबार स्वर्गदूत म्नि च डार्र म्रोंयुइ ।

31 छ्तब् म्रोंसि मोशा प्लेटोयाइ, धै च इह्योबर चेंदो ह्यामा परमेश्वरए छ् बिबै कै थेइ,

32 ‘ड किहए खेमै अब्राहाम, इसहाक नेरो याकूबए परमेश्वर ग ।’ छ् बिब् थेसि मोशा डिहंसि त्हारइ, धै छाइ इह्योबै आँट लल् आखाँ ।

33 “दिलेया परमेश्वरजी चने बिइ, ‘किहए फ्लेबैँ जुत्ता प्लिवाद, तलेबिस्याँ किह राबै क्ल्ह्यो पबित्र क्ल्ह्यो ग ।

34 मिश्रर मुँबै डए म्हिमैए दुःख डइ म्रोंइ, चमै क्रोबै या डइ थेइ । छ्तसि चमैए दुःखउँइँले फ्रिमिंबर ड तयुइमुँ । तारे डइ किह मिश्र ह्युलर कुलम्मुँ ।\*

35 “चु मोशाने इस्रालिमैँइ ‘किह डिए फिर्बै चिब तसि निसाफ लबर खाबइ कुलल?” बिमा चमैँइ खीजी बिबै ताँ आडिँल । दिलेया परमेश्वरए स्वर्गदूत मोशाने झ्याडिर म्रोंयुल । झाइले च स्वर्गदूतजी ल्होमिंबइले चमैँए फिर्बै चिब नेरो चमैँ जोगेमिंबै म्हि लसि परमेश्वरजी मोशा कुल्मिँइ ।\*

36 चु मोशाइन मिश्र ह्युलर, ओल्त्या मा डचुँडर☆, नेरो क्यु आयोंबै क्ल्ह्योरि प्लिच्यु बर्ष समन् औदिवै के नेरो चिनुमैं उँडँसि चमैं मिश्रउँडँले बैरु तेमिंड।

37 “च मोशाइन इस्राएलीमैंने विल, ‘परमेश्वरजी ड त्हाँब धोले क्हेमैंए आघें-अलिमैं न्होंउँडँले क्हेमैंए ल्हागिर अगमबक्ता घ्रि त्हाँब्मुँ।’☆

38 इस्राएलीमैं क्यु आयोंबै क्ल्ह्योर सिनै कौर खागु तमा मोशा स्वर्गदूतने मुँल। च स्वर्गदूतइ डचोए खेमैंने सिनै कौर पोल। स्वर्गदूतउँडँले योंबै सोगो लमिबै ताँमैं मोशाइ डचो इस्राएलीमैंलाइ लोमिंल।☆

39 “दिलेया डचोए खेमैंइ मोशाइ बिबै ताँमैं आडिंल। बरु चमैंइ च वाथेंसि मिश्र ह्युलर्न एह्याबै सैं लइ।☆

40 चमैंइ हारूनने छु बिइ, ‘मिश्रउँडँले डिंलाइ तेपखबै मोशा तो तगे बिसि डिंइ आसे। छुतसि डिंए घ्याँ उँडँबै ल्हागिर देवतामैं बनेमिंन्।’☆

41 झाइले चमैंइ क्ल्या भाराए कु (मूर्ति) घ्रि बनेसि चए उँडँर खो पिंड, छुले ह्त्रोंसए योइन लबै सैर सैं तोंइ।☆

42 छुतसि परमेश्वर चमैंउँडँले एसि, ‘चमैंइ मुसारा, त्हियाँ, लयाँ नेरो ग्रहा-नक्षत्रमैं फ्योरिगे’ बिसि पिवाइ। चुए बारेर अगमबक्ताइ ओंसोन् फ्लिइमुँ,

ओ इस्राएलीमैं! क्हेमैंइ प्लिच्यु बर्ष समा

क्यु आयोंबै क्ल्ह्योर डए ल्हागिर खेदोए खो नेरो भेटिमैं पिल् वा?

43 क्हेमैंइ मोलोख देवताए तम्बु

नेरो क्हेमैंला रेफन बिबै देवताए मुसारा नोसि बोइ।

☆ 7:36 7:36 ०००० 7:3; 14:21; गन्ती 14:33 ☆ 7:37 7:37 ००० ००:१५,१८

☆ 7:38 7:38 ०००० ००:१—२०:१७; व्य ५:१-३३ ☆ 7:39 7:39 ००००० ००:३-४

☆ 7:40 7:40 ०००० ००:१,२३ ☆ 7:41 7:41 ०००० ००:४,६

‘देवतामैं’ बिसि फ्योबै ल्हागिर क्हेमैंइ च कुमैं बनेइ ।  
छ्तसि तारे डइ क्हेमैं बेबिलोन उँइले क्योँजा ल्हावाब्मुँ ।\*

44 “परमेश्वर खोँयोँइ डचोने मुँ बिब् था सेरिगे बिसि परमेश्वरजी म्हि आटिबै क्ल्ह्योर मोशाने थेबै तम्बु बनेल् पिंइ । झाइले खीजी नमुना उँइमिब् धोँले मोशाइ थेबै तम्बु बनेइ ।\*

45 लिउँइँ यहोशूए पलोर डचोए खेमैं चु कनान ह्युलर खमा परमेश्वरजी चमैए लागिर चु ह्युलरबै ह्रँमैलाइ ल्हावाइ । धै चमैंइ च तम्बु चुर्न नोइ पइ । धै दाऊद मुँए पलो समा या च तम्बु चुर्न मुँल ।\*

46 दाऊद परमेश्वरजी खोबै म्हि मुँल, छ्तसि दाऊदइ परमेश्वरने, ‘ओ याकूबए पेरमेश्वर, डइ क्हिए ल्हागिरि पक्कि टिबै क्ल्ह्यो घ्नि ड बनेल् पिन्,’ बिसि यो छ्युँ लइ ।\*

47 छान् बिलेया चए च्ह सोलोमनइ परमेश्वरए ल्हागिर मन्दिर बनेइ ।\*

48 “दिलेया म्हिमैए योइ बनेबै धिमैर धाँसे थेबै परमेश्वर आटि । अगमबक्ताइ छलेन बिइमुँ,

49 ‘ड टिबै राजगद्दि स्वर्ग ग,  
धै डए फ्ले म्हेबै क्ल्ह्यो पृथ्वी ग ।

छ्तसि क्हेमैंइ डए ल्हागिर खैबै धिं बनेम्?

डए भोँ न्हबै क्ल्ह्यो खनिर जा?

50 चु तोन्दोरि सै डए योजीन् बनेब आडिं वा?”

बिसि प्रभुजी बिइमुँ ।\*

51 “ओ, आच्योबै म्हिमैं, सारो सैं फ्ह्याब्मैं नेरो न्ह आथेब्मैं! क्हेमैंइ खोयोन् बिलै पबित्र फ्ल्हए बिरोध लइमुँ । क्हेमैए खेमैंइ लब् धोँले क्हेमैंज्यै या छान् लइमुँ ।\*

☆ 7:43 7:42-43 ०० ०:२५-२७ ☆ 7:44 7:44 ०००० ००:१,४० ☆ 7:45 7:45 ००० ०:१४-१७ ☆ 7:46 7:46 ० ००० ०:१-१६;१ इति १७:१-१४ ☆ 7:47 7:47 ० ००००० ०:१-३८; २ इति ३:१-१७ ☆ 7:50 7:49-50 ००० ००:१-२ ☆ 7:51 7:51 ००० ००:१०

52 ताँन् अगमबक्तामैलाइ चमैँइ ह्रुगुदिल! खीए पबित्र के लबै म्हि युसिन् मुँ ओसों बिबै म्हिमैलाज्यै या चमैँइ सैवाल। तोगो च म्हि युज्यै या क्हेमैँइ चलाइ क्हाल् पिसि सैवाइमुँ।

53 क्हेमैँइ स्वर्गदूत उँइले परमेश्वरए ठिम योल, दिलेया च ताँ क्हेमैँइ आम्हाँदि।”

१११११११ ११११११११ १११११११११ १११११११

54 स्तिफनसए ताँ थेसि चमैँ बेल्ले हिस खसि स ह्वाइ।

55 दिलेया स्तिफनस परमेश्वरए पबित्र प्ल्हजी प्लिसि स्वर्ग उँइ इह्योरिमा परमेश्वरए चारबै ह्वे नेरो येशू परमेश्वरए क्योलो उँइ रारिब् म्रोइ।

56 चइ बिइ, “इह्योद्! स्वर्ग थोंब नेरो म्हिए च्ह परमेश्वरए क्योलो उँइ रारिबै या डइ म्रोइमुँ।”

57 स्तिफनसइ छबिमा चमैँ थेबै कैले ओरसि ह्रों-ह्रोंसए न्ह मुइ। धै चमैँ ताँनइ तिखेर्न चए फिर ह्वानेइ।

58 चए बिरोधर ग्वाइ पिब्मैँइ ह्रों-ह्रोंसए क्वें प्लिसि शाऊल मिं मुँबै फ्रेंसिए फ्ले डार थेंइ। धै चमैँइ स्तिफनस सहर उँइले बैरु तेइ बोसि युँमाइ ल्हइ।

59 चमैँइ युँमाइ ल्हरिमा स्तिफनसइ बिइ, “ओ प्रभु येशू, डए प्ल्ह किहजी किनु।”

60 झाइले चइ च्हि तुँसि थेबै कैले ओरसि बिइ, “ओ प्रभु, चु पापए छ्याब चुमैँए फिर आल्हैदिरिगे।” च्हौ बिसि चइ सो पिवाइ।\*

## 8

१११११११ १११११११११ १११११११११११

1 शाऊल या स्तिफनस सैबै म्हिमैँने किह्ल।

\* 7:60 ०० ००००० ००००० ०००००००, रोइ

च त्हिंइ सेरोन् यरूशलेमर मुँबै चर्चए फिर थेबै दुःख तबर होंइ ।  
छान् तलेया कुल्मिंबै चेला चिब्रै चर्न टिइ । अरू चेलामै बिस्याँ  
येहूदिया नेरो सामरिया ह्युलउँइ फुँयाँइ ।

2 परमेश्वर म्हाँदिब्रै को-कोइ बेल्ले क्रोदै स्तिफनसए सिनु  
बोसि छगोर पाथेंइ ।

3 शाऊल बिस्याँ धिं-धिंर होंसि चर्च नास लरिल । चइ मुँयुँमै  
नेरो च्हमिरिमै स्याला म्हालाले चैंबोसि झेलर च्युवामाल ।\*

□□□□□ □□□□□□□ □□□□□□ □□□□□□

4 च त्हेर फुँयाँबे चेलामैइ खन्तोदोन् ह्यासि येशूउँइले खबै सैं  
तोबै ताँ बिप्रइ ।

5 फिलिप बिस्याँ सामरिया ह्युलबैँ सहर घिर ह्यासि चर्बै  
म्हिमैने परमेश्वरजी कुल्मिंबै म्मुँ खीष्टए बारेर बिमिंइ ।

6 फिलिपइ बिबै ताँमै थेसि, धै चइ लबै औदिबै चिनुमै म्मोसि,  
चर्बै ल्हें म्हिइ सैं ग्निन् तसि चए ताँ छेनाले थेइ ।

7 तलेबिस्याँ ल्हें म्हिउँइले मोंमै थेबै कैले ओरसि त्होंमल ।  
छलेन यो फ्हाले ओलेल् आखाँबै ल्हें स्याले म्हिमै या सल् लमिंइ ।

8 छले च सहरबैँ म्हिमै बेल्ले सैं तोइ ।

□□□□□ □□□□ □□□□□□  
(□□□□□□□□□ □□□□□□)

9 च सहरर सिमोन बिबै म्हि ग्नि मुँल । चइ ओंसों ओनोंन् चर  
जादु लसि सामरियाबैँ म्हिमै प्लेटोयाल् लमल, धै चइ डम् डन्  
ग बिसि फ्हाँमल ।

10 छतमा च ह्युलबैँ थेब च्योंब ताँनइ “चु परमेश्वरए थेबै  
शक्ति मुँबै म्हि मुँन!” बिमल ।

11 चइ ल्हें त्हे ओनोंन् जादु लसि म्हिमै प्लेटोयाबै केमै लरिल ।  
छतसि चमैँइ च म्हिलाइ म्हाँदिमल ।

12 दिलेया लिउँइ परमेश्वरए ग्याल्सबै ताँमै नेरो येशू खीष्ट उँइले खबै सैं तोबै ताँमै फिलिपइ विमिंमा चर्बै म्हिमैइ चए ताँ क्वेइ, धै मुँयुँमै, च्हमिरिमै ताँनइ बप्तिस्मा किइ ।

13 चु ताँमै च जादु लबै सिमोनज्यै क्वेइ, धै चज्यैया बप्तिस्मा किसि फिलिपने बालु प्रइ । झाइले फिलिपइ लबै थे-थेबै औदिबै चिनुमै म्प्रोसि च प्लेटोयाइ ।

14 सामरियाथेँमैइ परमेश्वरए ताँ क्वेइ रो बिब् थेसि यरूशलेमर मुँबै कुल्मिंबै चेला चिभ्मैइ पत्रुस नेरो यूहन्ना चमै डार कुलइ ।

15 पत्रुस नेरो यूहन्ना चर खसि चर्बै बिश्वासीमैइ पबित्र प्ल्ह योरिगे बिसि चमैए ल्हागिर प्राथना लमिंइ ।

16 तलेबिस्याँ च त्हे समा चमै खाबै फिरै या पबित्र प्ल्ह आयुल । चमैए बप्तिस्मा प्रभु येशूए मिर मत्त्रे तल ।

17 छतसि पत्रुस नेरो यूहन्नाइ चमैए फिर यो थेँसि प्राथना लमिंमा चमैइ पबित्र प्ल्ह योँइ ।

18 छले कुल्मिंबै चेला चिभ्मैइ यो थेँमा पबित्र प्ल्ह योँब् म्प्रोसि सिमोनइ छ बिदै चमैलाइ मुइ पिंबर होँइ,

19 “डइ खा-खाबै फिर यो थेँमुँ चमैइ पबित्र प्ल्ह योरिगे बिसि डलाज्यै या छाबन् शक्ति पिंन् ।”

20 छबिमा पत्रुसइ बिइ, “क्हिए मुइ क्हिनेन् नास तयारिगे, तलेबिस्याँ परमेश्वरए बरदान मुइइ किल् खाँम् बिसि क्हिइ मैँइ!

21 परमेश्वरए उँइरि क्हिए सैं छ्याँब आरेना । छतसि चु के क्हिइ कति लल् आयोँ!

22 छतसि क्हिइ ह्त्रोँसए चु दुष्ट केउँइले सैं एद् धै प्रभुने प्राथना लद्, छलस्याँ क्हिइ मैँबै आछ्याँबै ताँमै क्षमा योँले ।

23 क्हिए सैं इखइ प्लिंब नेरो क्हिलाइ पापइ फैथेँब डइ म्प्रोँडुँ ।”

24 चु ताँ थेसि सिमोनइ बिइ, “क्हेमैँइ बिबै तोइ ताँ या डए फिर आतरिगे बिसि, डए ल्हागिर प्रभुने प्राथना लमिंन् ।”

25 झाइले चमैइ प्रभुए बारेर ग्वाइ पिसि प्रभुए ताँ लोमिंल् खाँबै लिउँइ सामरीमैए नाँसजरे सैं तोंबै ताँ बिमिदै चमै यरूशलेमर एखइ ।

?????? ???? ???? ?????????? ?????????????? ????????

26 च लिउँइ प्रभुए स्वर्गदूत भ्रिइ फिलिपलाइ बिइ, “रेसि ल्हुँउँइ (दक्षिण) ह्यासि मिह आटिबै क्ल्ह्योबै घ्याँर ह्याद् । च घ्याँ यरूशलेमउँइले गाजा ह्युलउँइ ह्याम् ।”

27 छ्रबिमा फिलिप रेसि ह्यामा इथियोपियाबै हिचड भिने त्होइ । च यरूशलेमर परमेश्वर म्हाँदिसि धिँउँइ एखरिल । च इथियोपिया ह्युलबै मुँस्यो कन्दाकिए थेबै पदर के लब नेरो ताँन् सै न्होरए कोषाध्यक्ष मुँल ।

28 च रथर क्हुँसि यशैया अगमबक्ताइ फ्लिबै कितब खेरिल ।

29 पबित्र फ्लहइ फिलिपने “च रथए डाँर ह्याद्,” बिइ ।

30 फिलिप च रथ डाँइ न्हेह्यामा चइ यशैया अगमबक्ताइ फ्लिबै कितब खेरिब् थेसि चइ “क्हइ खेरिबै ताँ क्होइमुँ वा?” बिसि चने डचोएइ ।

31 छ्रबिमा चइ बिइ, “खाबज्यै आबिमिंस्याँ डइ खैले क्होल् खाँमुँ?” च्हौ बिसि चइ फिलिपने “रथर क्रेसि डने बालु टिद्,” बिइ ।

32 चइ खेरिबै कितबबै ताँ चु मुँल,

“सैबर बोबै क्यु

नेरो पै फ्लेबै क्यु पै फ्लेबै म्हिए उँइर तोइ आबिल्ले टिब् धोले,

खीजी ह्राँसए सुँउँइले तिजी या आपों ।

33 खीलाइ मिह आच्छिसि च्योरि लबै त्हेरै या खीजी निसाफ आयों ।



खी पृथ्वीउँडले सियाबै लिउँड खीए सन्तानए बयन खाबइ लब?"\*☆

34 झाइले च हिचडइ फिलिपने बिइ, “अगमबक्ताइ चु ताँ खाबै बारेर बिब् जा? ह्रोंसए बारेर बिब् उ अरूए बारेर बिब् जा? गार आम्हाँदिल्ले डने बिमिन् ।”

35 छबिमा फिलिपइ परमेश्वरए छवेबै च खण्डउँडलेन् येशूउँडले खबै सैं तोंबै ताँ चने बिमिंइ ।

36 धै चमैं घ्याँर ह्याना-ह्यान् क्यु मुँबै क्त्ह्यो डाँर फेनेमा च हिचडइ बिइ, “इह्योत्ति, चुर क्यु मुँन । ड बप्तिस्मा किबउँडले तो सैइ क्वेल् खाँम्?”

37 [फिलिपइ चने बिइ, “क्हिइ ह्रोंसए खों न्होंउँडलेन् प्रभु येशूए फिर बिश्वास लम् बिस्याँ क्हिइ बप्तिस्मा किल् खाँम् ।”

चइ बिइ, “येशू खीष्टन् परमेश्वरए च्ह मुँन बिसि डइ क्वेम्,】\*☆

38 झाइले हिचडइ “रथ न्हद!” बिइ । धै फिलिप नेरो हिचड डिहंन-डिहंन् क्युर तसि फिलिपइ चलाइ बप्तिस्मा पिंइ ।

39 झाइले चमैं क्युउँडले बैरु त्होंखबै लिउँड प्रभुए प्लहजी फिलिप बोयाइ । हिचडइ फिलिप धबै आम्रोंलेया सैं तोदै ह्रोंसए घ्याँ कहाइ ।

40 दिलेया फिलिप अशदोद बिबै क्त्ह्योर म्रोंखइ, धै कैसरिया आफेन् समन् ताँन् नाँसजरे सैं तोंबै ताँ बिमिदै प्रइ ।

## 9

१११११ १११ ११

(११११ १११११११११ ११११११ ११:१-११; ११:१-११)

1 शाऊल अझै समा प्रभुए चेलामैए बिरोध लसि सैबै धम्कि लदै यरूशलेमबै खो पिंबै खेगि ऋथे डाँर ह्याइ ।

☆ 8:33 8:32-33 ११ ११:७-८ \* 8:37 8:37 ११११ ११११११ ११ १११११११ १११११११ १११११११ १११११११

2 झाइले चइ चने “येशूए लिलि प्रबै मुँयुँमें-ह्मिरिमें खाब् स्यालेन डइ चमैलाइ क्हासि यरूशलेमर बोल् पिन् बिबै फ्लिछ्यामै दमस्कस सहरबै म्हि च्हों धिमैए म्हिमैए मिरि फ्लिमिन् ओ,” बिइ।

3 धै च फ्लिछ्यामै किसि शाऊल प्रदै दमस्कसए चेंदो फेनेमा तिखेर्न स्वर्गउँडैले चारबै ह्वे युसि चए खागु चारइ।

4 छतमा च सर कहुरियाइ, धै “ओ शाऊल, शाऊल, किहइ तले ड छले ह्नुगुदिरिमुँ?” बिबै कै चइ थेइ।

5 चइ बिइ, “प्रभु, किह खाब् जा?”

छबिमा खीजी बिइ, “ड किहइ ह्नुगुदिरिबै येशू ग।

6 तारे रेसि सहरर ह्याद, किहइ तो लल् त्हुम् बिसि म्हि घिइ किहने बिमिंब्मूँ।”

7 च त्हेर शाऊलने बालु ह्याबै थुमैँइ कै बिस्याँ थेइ, दिलेया खाबै आम्रोंमा प्लेटोयाल्ले रारिइ।

8 शाऊल रेसि मि इह्योमा चइ तोइ म्रोल आखॉल। छतमा चने ह्याबै थुमैँइ च डोरेसि दमस्कसर पखइ।

9 सोंरो समा च मि आम्रोंब् तयाइ, धै चइ चब्-थुँब या तोइ आल।

10 च त्हेर दमस्कसर हननिया मिं मुँबै चेला घि मुँल। प्रभु च डॉर म्रोंयुसि चने “ओ हननिया,” बिइ।

चइ “प्रभु, ड चुर्न मुँ,” बिइ।

11 झाइले प्रभुजी चने बिइ, “रेसि ‘सिधा’ बिबै सहरए न्होंबै घ्याँर ह्याद। चर यहूदा बिबै म्हिए धिंर शाऊल मिं मुँबै टार्ससथें म्हैद। तलेबिस्याँ च प्राथना लरिइमुँ।

12 चइ दर्शनर हननिया मिं मुँबै म्हि घि धिं न्होंर खसि चइ मि म्रोरिगे बिसि ह्नोंसए फिर यो थेंब म्रोंडँमुँ।”

13 दिलेया हननियाइ बिइ, “प्रभु, चु म्हिइ यरूशलेमर किहए म्हिमै फिर बेल्ले दुःख पिंइमुँ बिबै ताँ डइ ल्हें म्हिउँडैले थेइमुँ।

14 चुरै या क्हाए मिं किब्वै ताँन् क्हासि झेलर च्युवाबै हग खो पिबै खेगि चिब्वै उँडैले चइ योँडैमुँ ।”

15 दिलेया प्रभुजी चने बिइ, “ह्याद, तलेबिस्याँ अरू ह्हेँमै, मुँमै नेरो इस्राएलबै म्हिमैए उँडैर डए मिंए बारेर बिमिंबर डइ त्हाँबै म्हि चन् ग ।

16 डए मिंर बिश्वास लमा चइ कति थेबै दुःख नोल् त्हुम् बिब डइ चने उँडैमिंभुँ ।”

17 छबिमा हननिया ह्यासि शाऊल टिबै धिं न्होर होंइ । धै चए फिर यो थेंसि बिइ, “ओ अलि शाऊल, किह खरिबै घ्याँर किह डार्र म्रॉयुबै येशूजीन् किहए मि म्रॉरिगे धै पबित्र प्न्हजी प्लिंरिगे बिसि ड कुल्मिंब् ग ।”

18 हननियाइ छ बिबै तोंदोंन् शाऊलए मिबै ताँगाए कत्ला धों तबै सै खारयासि चइ धबै मि म्रॉइ । धै च रेसि बप्तिस्मा किंइ ।

19 झाइले चब् चसि चइ भों योंइ ।

?????? ????????? ???? ???? ??????????? ???? ??

धै शऊल दे त्हिंइ समा दमस्कसर मुँबै चेलामैने टिइ ।

20 झाइले चर टिबै तोंदोंन् चइ येशू परमेश्वरए च्ह ग बिसि म्हि च्हों धिंजरे येशूए ताँमै बिबर होंइ ।

21 चए ताँ थेब्वै ताँनइ प्लेटोयासि बिइ, “यरूशलेमरि येशूए मिं किब्वैलाइ दुःख पिंसि सैल् म्हेबै म्हि चुन् आडिं वा? छ्लेन चु दमस्कसरै या चमैलाइ फैसि खो पिंबै खेगि चिब्वै डार्र बोयाबै सै लसि च खब आडिं वा?”

22 दिलेया शाऊल आडिंहनले येशूए ताँ बिमिंबर भोब् ततै ह्याइ, धै येशून् परमेश्वरजी कुल्मिंबै मुँ ख्रीष्ट ग बिसि प्रमाण पिंमा दमस्कसरै येहूदिमैइ अकमक्क तसि तोइ ज्वाफ पिंल् आखाँ ।

23 छतमा ल्हेँ त्हिंइ लिउँडै यहूदीमैइ चलाइ सैवाबै घ्याँ म्हेइ ।

24 दिलेया चमैइ चलाइ सैल् म्हैबै ताँ शाऊलइ सेइ। चमैइ चलाइ सैबै ल्हागिर त्हिइ म्हुँइँस सहरबै म्रार चए छैँ लसि टिमल।

25 दिलेया चए चेलामैँइ म्हुँइँसर्न च ट्हलर झोसि बानुउँइँले तमिंइ।

????? ?????????? ?????? ?????????

26 शाऊल यरूशलेमर खबै लिउँइँ चइ चेलामैँने क्त्हल् म्हैइ। दिलेया चमैँइ च येशूए चेला ग बिब आक्वेसि ताँन् चने डिहंइ।

27 दिलेया बारनाबास बिबै चेलाइ शावल त्होसि चलाइ कुल्मिंबै चेला चिभ्मैँ डारँ बोमिंइ। “घ्यारँ प्रमा शाऊलइ प्रभुम्रोंइ, प्रभु चने बालु पोंइ, झाइले दमस्कसर येशूए मिंउँइँले खबै सैँ तोंबै ताँ आडिहंन्ले अरूमैँने बिमिंइ,” बिबै ताँ या बारनाबासइ चेला चिभ्मैँलाइ बिइ।

28 झाइले शाऊल यरूशलेमर चमैँने बा-बालु खुल्ल तसि प्रबर होंइ, धैँ आडिहंन्ले प्रभुए मिंउँइँले खबै सैँ तोंबै ताँ म्हिमैँने बिप्रबर होंइ।

29 झाइले चइ ग्रिक क्युइ पोंबै यहूदीमैँने या छलफल लमल, दिलेया चमैँइ चलाइ सैल् म्हैमल।

30 चु ताँ था सेसि येशूए फिर बिश्वास लबै आघें-अलिमैँइ शाऊल कैसरियार पखइ, धैँ च कल्ह्योउँइँले टार्ससर कुल्मिंइ।

31 छले यहूदीया, गालील नेरो सामरियाबैँ चर्चर शान्ति तइ धैँ चर्च भोंब् तइ। चमैँइ प्रभुलाइ म्हाँदिदै प्रमा पबित्र फ्न्हजी चमैँए सैँर भों पिंइ। छतमा प्रभुए फिर बिश्वास लभ्मैँ ल्हें ततै ह्याइ।

????????????? ?????? ??????

32 पत्रुस छाइछुइ ताँन् कल्ह्योजरे स्युरदै लुड्डा बिबै नाँसबैँ प्रभुए म्हिमैँ डारैँ या फेखइ।

33 पत्रुसइ चर एनियास मिं मुँबै म्हि घि त्होइ । च म्हि प्रेदिं ओनोंन् यो फ्लेमें ओलेल् आखाँबै स्याले तसि क्ल्ह्योर्न रोरिल ।

34 पत्रुसइ चने बिइ, “ओ एनियास! येशू ख्रीष्टजी किह सल् लमिंम् । रेसि किहए क्ल्ह्यो त्युइद् ।” छ् बिबै तोंदोन् च रेयाइ ।

35 च छ्ले सब् म्रोंसि लुड्डा नाँस नेरो शारोन बिबै ह्युलर टिबै ताँन् म्हिमै प्रभुउँइँ सैं एइ ।

?????? ???? ??????? ???? ??

36 योप्पा बिबै नाँसर तबिता बिब येशूए फिर बिश्वास लबै च्हमिरि घि मुँल । गिक क्युइर चने डोरकास बिमल ।\* चइ छ्च्याँबै केमें लब् नेरो इहाँदुमैँए खाँचोमैँ टार्दिमिंभ्रें लमल ।

37 च त्हेजरेन् तबिता नसि सियाइ, झाइले म्हिमैँइ च सिनु खुमिसि आटि फिबैँ कोटा गिर थेंइ ।

38 लुड्डा नाँस योप्पाउँइँले चेंदोन् मुँ, धै योप्पार मुँबै चेलामैँइ पत्रुस लुड्डार मुँ बिब् थेसि, “गाह् आम्हाँदिन्ले युनन् डि डार खमिंन् ओ,” बिसि चए डार म्हि डिहं कुलइ ।

39 चु ताँ थेबै लिउँइँ पत्रुस चमैँने बालु ह्याइ । चर फेनेसि चमैँइ चलाइ आटि फिबैँ कोटार बोइ । चबैँ ताँन् म्हरेस्योमैँ पत्रुसए डार खइ, धै डोरकास खेमैँने बालु मुँमा चइ टुइ थेंबै भोटो, चोला नेरो अरू क्वेंमैँ पत्रुसने उँइँसि चमैँ क्रोबर होइ ।

40 झाइले पत्रुसइ चमैँ ताँन् बैरु कुल्मिंसि च्हि तुँसि परमेश्वरने प्राथना लइ । धै च सिनु डारँ तोसि, “तबिता, रेद्!” बिमा चइ मि इह्योइ, झाइले पत्रुस म्रोंसि रेसि कहुँइ ।

41 पत्रुसइ चए यो क्हासि रेमिंइ, धै बिश्वासीमैँ नेरो म्हरेस्योमैँ हुइसि च सियाल् खाँबै तबिता सोगों तइ बिसि उँइँमिंइ ।

\* 9:36 9:36 □□□□ □□□□ □□ □□□□ □□ □□□□ □□□□ □□ □□ □□□□ □□□□; गिक क्युइर चए मिं डोरकास मुँल । तमु क्युइर चए अर्थ फो ग ।

42 चु ताँ योप्पा तिगोंन् थेनेइ, धै ल्हें म्हिइ प्रभुए फिर विश्वास लइ।

43 झाइले पत्रुस दे त्हिंइ समा योप्पार सिमोन बिबै टिहबिए के लबै म्हिने टिइ।

## 10

???????? ???? ???? ?????????

1 कैसरिया बिबै कन्ह्योर कर्नेलियस मिं मुँबै म्हि घि मुँल। च इटालिया बिबै पल्टनबै कप्तान\* मुँल।

2 चइ परमेश्वर म्हाँदिमल, धै च नेरो चए परवा ताँनइ परमेश्वरजी बिब डिंमल। चइ थेबै सैइ म्हिमैए खाँचोमें टार्दिमिसि परमेश्वरने खोंयोन् बिलै प्राथना लरिमल।

3 तिगें त्हिंइबै सों ह्हाबै त्हेजरे परमेश्वरए स्वर्गदूत घि दर्शनर च डाँइ युसि, “ओ कर्नेलियस!” बिरिब चइ थेइ।

4 छ्बिमा कर्नेलियस डिंमसि स्वर्गदूत डाँइ इह्योबै-इह्योबन् लसि, “बिल् त्हुबै ताँ तोइ मुँ वा?” बिइ।

स्वर्गदूतइ चने बिइ, “क्हिइ इहाँदुमैए खाँचो टार्दिमिबै छ्याँबै केमें नेरो क्हिइ लबै प्राथना परमेश्वरए उँइर फेनेइमुँ।

5 तारे पत्रुस बिबै सिमोन हुइबर योप्पार म्हिमै कुल्मिन्।

6 च टिहबिए के लबै सिमोन डाँर टिइमुँ। चए धिं मा ड्चुँइए छेउर मुँ।”

7 च्हक बिसि स्वर्गदूत कर्नेलियस उँइले छ्चुडिह्याइ। च लि उँइ कर्नेलियसइ चए केब्छैमैर म्हि डिंम नेरो खीलाइन सेवा लरिबै सिपाइ घि हुइ। च सिपाइ परमेश्वरलाइ म्हाँदिब मुँल।

8 झाइले खिइ म्रोंबै ताँन् ताँ चमैने बिसि चमैलाइ योप्पार कुल्मिंइ।

\* 10:1 10:1 ?????? ????? ??????, सिपाइ प्रए चिब

१११११११ १११११ ११११११  
(११११ ११:१-११; ११११११११ ११:१-११)

9 फ्हँहॉगधों त्हिंइबै च्युसे इंहं ह्वाबै त्हेजरे चमै योप्पा सहरए चेंदो फेखइ । च त्हेजरे पत्रुस प्राथना लबर धिंए आडि फिर ह्याइ ।

10 च प्राथना लदै मुंमा फो खेंसि तो मुंलै चल् योस्याँ तमल इहाँरिल, दिलेया अरूमैइ चब् ह्योरिबै त्हेर च प्रभुने बेल्ले चेंदो तमा

11 चइ स्वर्ग थोब नेरो च्हो प्लिनर्न फैबै तन्न धों तबै सै ताले माइ पृथ्वीउँइ तयुरिब् म्रोइ ।

12 च च्यादरर पृथ्वीबै तांन् खालबै फ्ले प्लि फ्याबै खेदोमै, फोइ क्ल्याँइ प्रबै फ्हँलाँ फ्हँलुमै नेरो मुर्वे नेमामै मुंल ।

13 च्हमा “ओ पत्रुस, रेद, चु सैमै सैसि चद्,” बिबै कै चइ थेइ ।

14 दिलेया पत्रुसइ बिइ, “आडिं, प्रभु! डइ चोखो आरेब् नेरो चल् आतबै सैमै खोंयोँइ आचइमुँ ।”

15 पत्रुसइ छ्बिमा धबै “परमेश्वरजी चोखो लमिंबै सै किहइ ‘चोखो आरे’ बिसि आमैन्!” बिबै कै चइ थेइ ।

16 चु ताँ सोँब्ले समा छ्गान् बिरिइ । च ताँदोन् च च्यादर स्वर्गउँइ बोयाइ ।

17 छ्त्तमा पत्रुस ह्त्रोसइ म्रोबै दर्शनए अर्थ तो मुँगे बिसि सै न्हों-न्हों खैला-तोला तरिबै त्हेर्न कर्नेलियसइ कुल्मिंबै म्हिमै सिमोनए धिं म्हेरि योसि म्रार राइ ।

18 झाइले च म्हिमैइ, “पत्रुस बिबै सिमोन चुर टिइमुँ वा?” बिसि थेबै कैले डचोएइ ।

19 पत्रुस ह्त्रोसइ म्रोबै दर्शन तो मुँगे बिसि मैरिमा पबित्र प्लहजी चने बिइ, “इह्योद, म्हि सोँइ किह म्हेरिमुँ ।

20 रेसि क्युरु तद्, धै छ्होरों आइहॉन्ले चमैने बालु ह्याद, तलेबिस्याँ चमै डइ कुल्मिंब् ग ।”

21 छ्बिमा पत्रुस क्युरु तसि च म्हिमै डॉर ह्यासि, “क्हेमैइ म्हेबै म्हि डन् ग । क्हेमै चुर तो केइ खल?” बिइ ।

22 चमैइ बिइ, “कप्तान कर्नेलियसइ डि चुर कुलब् ग। च छ्याँब सैं प्हायब नेरो परमेश्वर म्हाँदिबै म्हि मुँ, धै ताँन् यहूदी हेंमैँउँले मान योंबै म्हि ग। चए धिरं किह हुइसि किह उँले ताँ थेद् बिसि पबित्र स्वर्गदूत ग्निइ चने बिइमुँ।”

23 झाइले पत्रुसइ चमैँ धिं न्होंर हुइसि चमैँए मान लइ।

*???????????????? ???? ???? ???? ??*

म्हँन्हाँग्धों पत्रुस रेसि चमैँने बालु ह्याइ, धै योप्पावैँ बिश्वासीमें या चने बालुन् ह्याइ।

24 नुँइम्धों चमैँ कैसरिया फेनेइ। कर्नेलियसइ ह्रोंसए डेमैँ नेरो किह्बै थुमैँ हुइसि चमैँ खागु तसि पत्रुसलाइ प्रेरिल।

25 पत्रुस फेखसि धिं न्होंर होंबि छेमा कर्नेलियस चने त्होसि चए प्हाले क्हासि पयोइ।

26 दिलेया पत्रुसइ, “आप्योद्, डैना म्हिन् ग,” बिदै चलाइ रेइ।

27 झाइले पत्रुस चने बालु ताँ लदै धिं न्होंर होंमा चर ल्हें म्हि खागु तब चइ म्रोंइ।

28 छतमा पत्रुसइ चमैँने बिइ, “यहूदीए ल्हागिर अरू हेंमैँने त्होसि प्रब-टिब् लब बेल्ले आछ्याँबै ताँ ग बिसि क्हेमैँइ सेइमुँ। दिलेया ‘म्हिमैँ खाबै या चोखो आरे आइहॉन्,’ बिसि परमेश्वरजी डने उँइमिँइमुँ।

29 छतसि क्हेमैँइ हुइबै तोंदोंन् तोइ आइहॉन्ले ड क्हेमैँ डॉर खइ। लु बिद्, क्हेमैँइ डलाइ तले हुइल?”

30 झाइले कर्नेलियसइ बिइ, “प्लिरो ओंसों सों ह्हाबै त्हेजरे ड धिरं प्राथना लरिमा फोसे ब्योंबै क्वें खिबै म्हि ग्नि डए उँइर रासि

31 बिइ, ‘कर्नेलियस! परमेश्वरजी किहए प्राथना थेइमुँ, धै किहइ इहॉदुमैँलाइ तो चैदिमु च पिँबै छ्याँबै केमैँ या मैँडमुँ।



32 छतसि योप्पार म्हिमें कुलसि सिमोन पत्रुस बिबै म्हि हुइपउ। च मा डचुँइए छेउर टिहबिए के लबै सिमोनए धिर टिइमुँ।’

33 छ बिबै तोंदोंन किह डार म्हि कुल्मिंड, धै किह या गार आम्हाँदिन्ले खमिंड। तारे प्रभुजी किहने बिद् बिबै ताँमै थेबै ल्हागिर डि ताँन् चुर परमेश्वरए उँइर खागु तइमुँ।”

34 झाइले पत्रुस पोंबर होंइ, “क्ह्रोसेंन परमेश्वरजी खाबलाज्यै आफेल बिसि डइ तोगो क्होइमुँ।

35 ताँन् म्हिमें खाब ह्रेंबै मुँलेया परमेश्वरने डिहंसि छ्याँबै के लमुँ च म्हिमेंलाइ खीजी खोमुँ।

36 येशू ख्रीष्टउँइले छिं इहाँल् लबै सें तोंबै ताँ परमेश्वरजी इस्राएलीमेंलाइ बिइ बिसि कहेमैइ सेइमुँ। (येशू ख्रीष्टन् ताँनए प्रभु ग।)

37 यहून्नाइ बप्तिस्मा किन् बिसि बिप्रबै लिउँइसेरो गालील ह्युलउँइले तों लसि ताँन् यहूदीया तिगोंन् बिप्रबै ताँ कहेमैइ सेइमुँ।

38 परमेश्वरजी नासरतथें येशूलाइ पबित्र प्न्ह नेरो शक्तिजी प्लिमिसि खीजी छ्याँबै केमै लदै, दुष्टइ ह्रुगुदिब्रै सल् लमिंदै प्रइ, तलेबिस्याँ परमेश्वर खीने बालु मुँल।

39 खीजी यहूदीमेंए ह्युल नेरो यरूशलेमर लबै ताँन् केमै डिइ प्रोंइमुँ। च लिउँइ म्हिमेंइ खी क्रूसर च्योवासि सैवाइ।

40 दिलेया परमेश्वरजी येशूलाइ धबै सोंरोर सोगों लमिंड, धै म्हिमें डार खी प्रोंखल् पिंड।

41 ताँन् म्हिमें डार खी आम्रोंखा, दिलेया खी डि डार मत्त्रे, तलिबिस्याँ खी सिसि धबै सोगों तबै लिउँइ डिइ खीने बालुन् चब-थुँब लइ। चु ताँए ग्वाइ पिबर परमेश्वरजी ओंसो ओंनोंन् डिंलाइ त्हाँल।



3 छतसि “ज्युर चिनु आलबै म्हिमै डार ह्यासि चमैने बालु  
क्हिइ तले चब्-थुब लल!” बिसि चमैइ पत्रुसलाइ छ्याब् ल्हैदिइ ।

4 छबिमा पत्रुसइ ताँन् ताँमै तोफ्यार्लै चमैने बिबर होंइ:

5 “ड योप्पा सहरर प्राथना लरिमा प्रभुने बेल्ले चेंदो तमा डइ  
दर्शन म्रोंइ । च दर्शनर तन्ना धों तबै च्हो प्लिर कहासि स्वर्गउँइले  
क्युरु ड डार युरिल ।

6 डइ छेनाले इह्योमा चर फ्ले प्लि फ्याबै खेदोमै, क्ह्योबै  
खेदोमै, सर क्ल्याँसि प्रबै फ्ल्लाँ-फ्ल्लुँ नेरो मुर्वै नमेमै म्रोंइ ।

7 झाइले ‘पत्रुस रेद, धै च सैमै सैसि चद,’ बिबै कै डइ थेइ ।

8 दिलेया डइ बिइ, ‘आडिं प्रभु! छ्याबै चोखो आरेब् नेरो चल  
आतबै सै डइ खोंयोँइ आचइमुँ ।’

9 “इहखेबै लारै या, ‘परमेश्वरजी चोखो लमिंबै सैमै क्हिइ  
चोखो आरे आबिद!’ बिसि च कैइ स्वर्गउँइले डने बिइ ।

10 सोँखे समा छान् तइ, धै च ताँन् सैमै धबै स्वर्गउँइन बोयाइ ।

11 “च त्हेर्न कैसरिया नाँसउँइले ड डार कुल्मिंबै म्हि सोँ डि  
टिबै धिर फेखइ ।

12 झाइले पबित्र प्लहजी, ‘चमैने बालु तोइ आइहॉन्ले ह्याद,’  
बिसि डने बिइ । छबिमा चु अलिमै टुग्लो या डने बालुन् कैसरिया  
नाँसर ह्यासि डि कर्नेलियसए धिर होंइ ।

13 धै कर्नेलियसइ डिने बिइ, ‘स्वर्गदूत घ्रि डए धिर रायुसि,  
योप्पार म्हिमै कुलसि पत्रुस बिबै म्हि हुइ पउ ।

14 चइ क्हिने परमेश्वरए ताँ बिमिंभुँ, धै च ताँउँइले क्हि नेरो  
क्हिए ताँन् परवामै जोगेभुँ,’ बिइ ।

15 “धै ड च म्हिमैने पोंबर होंमा डिए फिर ओंसों पबित्र प्लह  
तयुब् धोंलेन् चमैए फिरै या तयुइ ।

16 छतमा ‘यूहन्नाइ क्युइ बप्तिस्मा पिंइ, दिलेया तारे पिरु  
परमेश्वरए पबित्र प्लहजी क्हेमैलाइ बप्तिस्मा पिंभुँ,’ बिसि

प्रभुजी ओंसोन् बिबै ताँ डइ मैइ ।☆

17 डचोइ प्रभु येशू ख्रीष्टए फिर बिश्वास लमा परमेश्वरजी डचोलाइ खैबै बरदान पिल, चमैलाज्यै या छाबन् बरदान पिसेरो डइ परमेश्वरने ‘आपिन्’ बिब ड खाब् जा?”

18 चु ताँ थेसि यरूशलेमबै बिश्वासीमैइ पत्रुसलाइ छ्याब् ल्हैदिब् पिवाइ, धै “तारे अरू हेंबै म्हिमैज्यै या मुक्ति योरिगे बिसि परमेश्वरजी चमैलाइ सैं एबै मौका पिना!” बिसि चमैइ ताँ क्होइ । झाइले चमैइ परमेश्वरए मिं क्वेइ ।

□□□□□□□□□□ □□□□ □□□□□□ □□□ □□□□□□□□  
□□□□□□□

19 स्तिफनस सैवाबै लिउँइ प्रभुए फिर बिश्वास लब्मैलाइ ल्हाबइले ताँन् भौदियाइ । दिलेया को-कोइ फोनिके, साइप्रस नेरो एन्टिओखिया बिबै ह्युलमै समा फेनेसि अरू हेंमैने आबिल्ले यहूदीमैने मत्त्रे परमेश्वरए ताँ बिप्रइ ।☆

20 दिलेया चमैए न्होरि को-कोइ साइप्रस नेरो कुरेनीबै म्हिमै मुँल । चमैइ एन्टिओखियार खसि अरू हेंबै ग्रिकमैने या प्रभु येशूउँइले खबै सैं तोंबै ताँ बिमिंइ ।

21 प्रभुए आशिक ने शक्ति चमैए फिर तबाइले ल्हें ल्हें म्हिइ प्रभु येशूए फिर बिश्वास लसि खी डाँइ सैं एइ ।

22 चु ताँ यरूशलेमबै बिश्वासीमैइ थेइ । छतसि चमैइ बारनाबास एन्टिओखियार कुल्मिंइ ।

23 झाइले बारनाबास चर खमा परमेश्वरए आशिक नेरो दयाम्हाँया चमैए फिर तब् म्रोसि सैं तोइ, धै चमै ताँनने “खों न्होंउँइलेन् प्रभुए फिर क्होंसंन्ले बिश्वास लसि खी आपिल्ले टिरिल् ल्हुम्,” बिसि चमैए सैं भोंमिंइ ।



4 हेरोदइ पत्रुस कहासि झेलर च्युवाइ, धै दुःखने फ्रेबै चाडाए लिउँई पत्रुसलाइ म्हिमैए उँईर पखबै सैं लसि चलाइ रूबै ल्हागिर सिपाइमैए टोलि प्लिए जिम्मर पिंइ ।☆

5 छले पत्रुस झेलर च्युवामा चए ल्हागिर विश्वासीमैँइ बेल्ले भों खसि परमेश्वरने प्राथना लरिल ।

ॐॐॐॐॐॐॐॐॐ ॐॐॐॐॐॐॐॐॐ ॐॐॐॐॐॐ ॐॐॐॐॐॐ

6 हेरोदइ पत्रुस बैरु तेसि म्हिमैए उँईर पखल् म्हेबै म्हुँईसर पत्रुस सँउँलि डिहंइ फैसि सिपाइ डिहंए म्हाँजोर रोरिल । धै अरू सिपाइमैँ या झेलाए म्प्राए ओंसों रूरिल ।

7 च त्हेर्न प्रभुए स्वर्गदूत घ्नि चर म्प्रोंयुमा च कोठर व्हे-व्हे तयाइ । स्वर्गदूतइ पत्रुस छोरबर कोखर कैसि “युनन् रेद्!” बिमा पत्रुसाए योमैँउँईले सँउँलि प्ल्हयाइ ।

8 धै स्वर्गदूतजी चने “क्वें खिद्, जुत्ता खिद्!” बिइ । चइ छान् लमा स्वर्गदूतइ “ह्त्रिडि कुसि डए लिलि खो!” बिइ ।

9 छबिमा पत्रुस स्वर्गदूतए लिलि ह्याइ । स्वर्गदूतइ लबै के क्ह्नोंसेन् ग बिब चइ आसेल । दर्शन म्प्रोरिब् बिसि चइ मैरिल ।

10 झाइले चमैँ ओंसोबै ने अर्को रूबर टिबै म्हिमैँ वाथेसि ह्याइ । धै चमैँ सहरर होंबै पैए म्प्राए फेनेमा च म्प्रा खीन् थोंयाँइ । छत्तमा चमैँ बैरु त्हांसि घ्याँ घ्निर फेनेमा स्वर्गदूत पत्रुस पिथेसि ह्याइ ।

11 च त्हेर्न पत्रुसइ सैं चिसि बिइ, “तोगो डइ क्ह्नोंसेन्ले सेइ, प्रभुजी खीए स्वर्गदूत कुल्मंसि हेरोद म्मुँए योउँईले नेरो यहूदीमैँइ लल् म्हेबै ताँन् सैँउँईले ड फ्रेमिंइ ।”

12 चु ताँ था सेसि पत्रुस मर्कूस बिबै यूहन्नाए आमा मरियमए धिंर ह्याइ । चर ह्यामा ल्हेँ म्हि खागु तसि प्राथना लरिल ।

13 पत्रुसइ म्प्रा ह्त्तामा रोदा मिं मुँबै केब्ब्यो म्प्रा थोंबर खइ ।



23 दिलेया चइ परमेश्वरए मान आलबइले च त्हेर्न प्रभुए स्वर्गदूतइ चम्हमैए उँइरलाइ ल्हिवाइ धै चए ज्युर ष्हुँलुँ उजी उजी तसि च मुँ सियाइ ।

24 दिलेया परमेश्वरए ताँ बडिदै खन्तोदोंन् फेनेइ ।

25 झाइले बारनाबास नेरो शाऊल ह्रोंसइ लल् त्हुबै के खाँसि यरूशलेम उँइले एह्यामा मर्कूस बिबै यूहन्ना या चमैने ह्याइ ।

## 13

११११११११ ११११ ११११११११ १११११  
 (१११११ १११११११११ ११११११ ११.११-११; ११.११-११)

1 एन्टिओखियाबै चर्चर अगमबक्तामै नेरो लोमिंबै म्हिमै मुँल । चमै बारनाबास बिब, काला बिबै शिमियोन, कुरेनीथें लुकियस, धै हेरोद\* मुँने बालु फारबै मनेन बिब नेरो शाऊलै या मुल ।

2 चमै बर्त टिसि प्राथना लसि परमेश्वरए मिं क्वेरिबै त्हेर पबित्र प्न्हजी चमैने बिइ, “डए ल्हागिरि बारनाबास नेरो शाऊल डइ खाब् केए ल्हागिरि त्हाँइमुँ च केए ल्हागिर्न स्यो लद् ।”

3 चमै बर्त टिसि प्राथना लइ, धै चमैए फिरि यो थेंसि चमै कुल्मिंड ।

११११११११ ११११११ १११११११११ १११११ ११११११ ११ ११

4 पबित्र प्न्हजी कुल्मिंबइले चमै सिलुकिया नाँसर ह्याइ, छाइले झाजर क्रेसि साइप्रस बिबै टापुए उँइ ह्याइ ।

5 चर्वै सलामिस नाँसर फेनेसि चमैइ येहूदिमैए च्हों धिंजरे परमेश्वरए सैं तोंबै ताँ बिमिंड । चमैलाइ ल्होमिंबर यूहन्ना मार्कुसै या चमैने बालु ह्याल ।

\* 13:1 13:1 १११११ ११ १११११ ११११११११ १११ १११११ ११११ ११११११ १११११ १११११



6 चमै साइप्रसर मुँबै ताँन् कल्ह्योजरे स्युरदै पाफोस नाँसर फेखमा चर चमैइ बार-येशू बिबै जादु लबै म्हि घि त्होइ। चइ अगमबक्ता ग बिसि स्योर तेमल।

7 च जादु लबै म्हि साइप्रस टापूबै ऋथे सर्गियस पौलुस बिबै म्हिने टिमल। सर्गियस पौलुस बुद्धि मुँबै म्हि मुँल। चइ शाऊल नेरो बारनाबास हुइसि परमेश्वरए ताँ थैबै सैं लइ।

8 दिलेया सर्गियस पौलुसइ परमेश्वरए ताँ आक्वेरिगे बिसि एलुमास बिबै जादु लबै म्हिइ शाऊल नेरो बारनाबासए बिरोध लइ। (ग्रिक क्युइर एलुमासए अर्थ जादु लबै म्हि ग।)

9 दिलेया शाऊललाइ पबित्र प्लहजी प्लिसि च डाँइ इह्योबै-इह्योबन् लसि एलुमासने बिइ (शाऊललाइ पावलै या बिमुँ):

10 “ओ दियाबलसए च्ह! किह ताँन् छ्याँबै केमैए शत्तुर, ताँन् दुष्ट सैमैइ प्लिंब नेरो स्योर तेब! किह प्रभुए सोजो घ्याँ खेदा-ख्योदे लब खोंयोन् बिलै आपि वा?

11 तारे इह्योद, प्रभुए यो किहए फिर फेइमुँ! तारे किह तिस्याँदे समा त्हिंयाँए ह्वे म्रोल् आखाँसि कन तयाब्मुँ।” छबिबै तोंदोंन् म्हस्यो नेरो मिछु खैबइ चए मि हुवाइ। छतमा खाबज्यै चए यो क्हासि डोरेमिंम् उ इहाँसि च छाम-छुम् लबर होंइ।

12 चु ताँ म्रोसि चबै ऋथेइ प्रभुए फिर बिश्वास लइ, तलेबिस्याँ प्रभुए बारेबै ताँ थेसि च छक्कन् तयाइ।

13 पावल नेरो चए थुमै पाफोसउँडैले क्यु झाजर क्रेसि पामफिलिया ह्युलबै पर्गार फेनेइ। दिलेया मर्कूस बिबै यूहन्ना बिस्याँ चमैने फ्रेसि च कल्ह्योउँडैले यरूशलेमर एह्याइ।

14 पावल नेरो बारनाबास पर्गाउँडैले त्हांसि पिसिदिया बिबै ह्युलबै एन्टिओखिया सहरर फेनेइ, धै प्रिबै त्हिंडर यहूदीमैए



23 परमेश्वरजी बाछ्हा लब् धोले दाऊदाए सन्तानउँडले इस्राएलीमै जोगेमिंबै ल्हागिर खीजी येशूलाइ कुल्मिंड।

24 खी युब् भन्दा ओंसो यूहन्नाइ इस्राएलबै ताँन् म्हिमै परमेश्वरउँडै सै एसि बप्तिस्मा किन् बिदै खन्तोदोन् बिप्रल।

25 यूहन्नाइ ह्रांसए केमै खाँबि छेमा छ बिल, 'क्हेमैइ ड खाब् जा बिसि मैल? जोगेमिंबै मुँ खीष्ट ड आडिं। दिलेया डए लिउँडै म्हि घि युसिन् मुँ, खीए फ्लेबै जुत्ताए तनि प्लहबर ड्हेव ड आरे।'☆

26 “ओ आघे-अलिमै, अब्राहामए सन्तान्मै, नेरो परमेश्वर म्हाँदिवै अरू ह्रेंबै म्हिमै! परमेश्वरजी डचोए डॉर्न चु जोगेमिंबै ताँ कुल्मिंडमुँ।

27 दिलेया यरूशलेमथेमै नेरो चमैए ऋथे मिथेमैइ येशू खाब् जा बिसि डो आसेल, धै प्रिबै त्हिंइ ह्रांस अगमवक्ताए ताँ खेलेया, चमैइ च ताँ तो जा बिसि आक्होल। छतसि चमैइ येशूलाइ सजै पिसि अगमवक्तामैइ खीए बारेर ओंसोन् पोब् धोले पूरा लइ।

28 खीलाइ सिल् त्हुबै छ्याब् तोइ आयोलेया चमैइ खीलाइ सैल् त्हुम् बिसि च ह्युलबै रोमी ऋ थे पिलातस डॉर् ह्यासि यो छ्युँ लइ।

29 खीए बारेर स्योमन् फ्लिबै ताँन् ताँमै लल् खाँबै लिउँडै चमैइ खीलाइ कूसउँडले तवासि उर मुँबै छगोर थेंइ।

30 दिलेया परमेश्वरजी खी सिबइले धबै सोगो लमिंड।

31 झाइले ल्हें त्हिंइ समन् ह्रांसने बालु गालीलउँडले यरूशलेमर खबमैने खी सोगो तसि त्होब्रें लइ। तोगो च म्हिमै इस्राएलीमैए उँडैर खीलाइ मोइ बिसि ग्वाइ पिन्मै ग।

32 “परमेश्वरजी येशू सिबइले धबै सोगो लमिसि खीजी डचोए खेमैने फैबै बाछ्हा डचोए ल्हागिर्न पूरा लमिंड। चु सै तोबै ताँ डि क्हेमैए डॉर् पखइमुँ।

33 छाबन् भजनसंग्रह डिहरै या फ़िडमुं,  
 'क्वि डए च्हा ग,  
 तियाँ डइ क्वि योडँमुं।'☆

34 खीजी खीष्टलाइ खोयोन् बिलै आक्रॉल्ले सिबइले धवै सोगों  
 लमिंबै बारेर छ्हा बिडमुं,  
 'ड क्वेमैलाइ दाऊदलाइ पिंबै पबित्र नेरो खोयोन् बिलै तरिबै  
 आशिक पिंभुं।'☆

35 अर्को भजन संग्रहै या दाऊदइ छ्हालेन् बिडमुं,  
 'क्विजी ह्रोंसए पबित्र म्हिण् ज्यु क्रॉल् पिंरिब् आरे।'☆

36 चु ताँ दाऊदइ ह्रोंसए बारेर बिब आडिं, तलेबिस्याँ दाऊदइ  
 ह्रोंसए पलोर परमेश्वरजी बिब् धोलेन् के लसि सिड। धै चए  
 खेमैने बालु पावाइ, धै चए ज्यु क्रॉयाइ।

37 दिलेया परमेश्वरजी येशूए ज्यु आक्रॉल्ले सिबइले धवै खी  
 सोगों लमिंड।

38 "छ्हातसि, ओ आघें-अलिमै, चु येशूउँडलेन् पापए क्षमा तम्  
 बिसि क्वेमैड सेल् त्हुम्।

39 मोशाइ पिंबै ठिमउँडले क्वेमै पापमैउँडले फ्रेयाल् आखाँमल,  
 दिलेया येशूए फिर बिश्वास लब्मैड खीउँडलेन् च ताँन् पापमैउँडले  
 फ्रेयाडमुं।

40 छ्हातसि न्ह क्रों मि क्रों तद, आस्याँ अगमवक्तामैए कितबर  
 फ़िडबै नास तबै ताँमै क्वेमैए फिर्न खब्मुं:

41 'ओ बिल्लि लब्मै!

इह्योसि अचम्म म्हाँदिद् धै नास तयाद्,  
 तलेबिस्याँ क्वेमैए पलोर डइ के त्रि लरिमुं।

च केए† बारेर खाबज्यै क्वेमैने बिमिलै या

☆ 13:33 13:33 ॐ ॐ:१७ ☆ 13:34 13:34 ॐॐ ॐॐ:३ ☆ 13:35 13:35 ॐ ॐ:१०

† 13:41 13:41 ॐ ॐॐ ॐॐॐॐॐॐ ॐॐॐ ॐॐॐॐ, परमेश्वरजी कुल्मिंबै धुं येशू मसीह सिल्  
 त्हुमल, धै परमेश्वरजी खीलाइ सोगों लमिंड बिसि सें तोबै ताँ बिलेया त्हे म्हिड क्वेल्  
 आडिं।





ॐॐॐॐॐॐॐॐॐॐ ॐॐॐॐ ॐॐॐॐ ॐॐॐॐॐॐॐॐॐॐ

8 लुस्रा सहरर फ्ले ओलेल् आखाँबै म्हि घि मुँल । च फिब् ओनोंबै डुँड मुँल, छतमा च खैमैँइ आप्रल ।

9 पावलइ पॉरिमा चइ थेरिल । च डाँइ इह्योमा “ड सल् खाँम्” बिबै बिश्वास चने मुँन बिसि पावलइ सेइ ।

10 छतसि पावलइ थेबै कै तेसि चने बिइ, “क्हिए फ्लेरे राद्!” छबिमा च म्हि रेसि प्रबर होंइ ।

11 चबैँ ल्हेँ म्हिइ पावलइ लबै के म्रोंसि चमैँइ खेमैँए लुकोनिया क्युइर थेबै कैले बिइ, “देवतामैँ म्हिए क्हो किसि डचो डार तयुना ।”

12 चमैँइ बारनाबासने जिउस बिबै देवता धै पावल ताँ पॉल् ह्रबै चिब तबइले चने हेमैँस बिबै देवता\* बिइ ।

13 च सहरए उँडैर मुँबै जिउसए मन्दिरबैँ खो पिंबै खेगिड मुल म्रामैँर कल्यामैँ नेरो टए मालामैँ पखइ, तलेबिस्याँ चबैँ म्हिमैँने क्हिहसि चइ बारनाबास नेरो पावलए उँडैर खो पिंबै सँ लइ ।

14 चु ताँ थेसि कुल्मिंबै चेला चिब्रैँ बारनाबास नेरो पावलइ खेमैँए क्वें टहोसि ओरदै च म्हिए हुलर न्हेयासि छ बिइ,

15 “ओ म्हिमैँ! क्हेमैँइ तले छाबै के लमुँ? डि या क्हेमैँ धोबन् दुःख सुख भुँदिबै म्हिमैँन् ग । चु स्योलिबै के पिसि क्हेमैँ परमेश्वर उँडैँ सँ एखरिगे बिसि डिइ खी उँडैँले खबै सँ तोंबै ताँ बिमिंब् ग । मु, पृथ्वी, मा डचुँइ नेरो चर मुँबै तोन्दोरि सैमैँ बनेबै सोगों परमेश्वर खीन् ग ।☆

16 खीजी ओंसोंबै पुस्तए ताँन् हेंमैँ ह्रों-ह्रोंसए रोसर्न प्रल् पिंइ ।

17 दिलेया खीजी क्हेमैँए फिर ल्हयो खसि स्वर्ग उँडैँले नाँ कुलसि रा-रोमैँ रोबै त्हेर क्हेमैँ चल् योरिगे बिसि ल्हेँ रोमैँ रोमिंइ धै क्हेमैँ

\* 14:12 14:12 ॐॐॐ...ॐॐॐॐॐॐॐॐॐॐ ॐॐॐॐ ॐॐॐॐ ॐॐॐॐ ॐॐॐॐ ॐॐॐॐ ॐॐॐॐ ॐॐॐॐ ॐॐॐॐ ॐॐॐॐ ॐॐॐॐ, झाइले हेमैँस अरू देवतामैँए ल्हागिरि सउँसर पिबै देवता मुँल । ☆ 14:15 14:15 ॐॐॐ ॐॐॐ:११; भज १४६:६

सैं तौल् पिंड। छाबै के लसि कहेमैए उँडर परमेश्वरजी खीए ग्वाइ पिंडमूँ।”

18 चु ताँमैं बिसि चमैइ बेल्ले गारले च म्हिमैलाइ खो पिंबै पूजा लल् आपिं।

19 च लिउँइ एन्टिओखिया नेरो आइकोनियनउँडले को-कोइ यहूदीमैं चर फेखइ, धै चमैइ चबै म्हिमैं वाँसि पावललाइ युँमाइ ल्हिल् पिंड, धै पावल सियाइ बिब् मैसि सहर बैरु चैं बोइ।

20 दिलेया चेलाँमैं पावलए कारग्युले रारिमा च रेयाइ, धै सहरउँइ ह्याइ। ष्हँन्हाँग्धों पावल नेरो बारनाबास डर्बि सहरर ह्याइ।

21 चमैइ च सहररै या सैं तौबै ताँ बिमिसि ल्हें चेलाँमैं बनेइ। झाइले चमैं डिहं लुस्त्रा, आइकोनियन ततै एन्टिओखियार एइ।

22 चमैइ च क्ल्ह्योबैँ चेलाँमैए सैं भोब् लमिंदै “खोंयोंन् बिलै परमेश्वरए ताँर बिश्वास लसि टिरिद्,” बिसि अर्थि पिंड, धै “परमेश्वरए ग्याल्सर होंबै ल्हागिर डचोइ ल्हें दुःख सैदिल् त्हुम्,” बिबै ताँ या लोमिंड।

23 झाइले चमैइ ताँन् चर्चर एल्डरमैं त्हाँइ, धै बर्त टिसि प्राथना लसि चमैइ च एल्डरमैं खेमैइ बिश्वास लबै प्रभुए जिम्मार पिंवाइ।

24 च लिउँइ चमैं पिसिदिया तदै पामफिलिया ह्युलर युमा

25 चमैइ पर्गा सहररै या परमेश्वरए ताँ बिमिसि अटालिया नाँसर तयुइ।

26 च क्ल्ह्योउँडले चमैं क्यु झाजर क्रेसि सिरिया ह्युलबैँ एन्टिओखियार एखइ। चबैँ बिश्वासीमैँइ ओंसों पावल नेरो बारनाबास परमेश्वरए दयाम्हाँयार प्रभुए के लबर कुलल। तोगो च केमैं लल् खाँसि चमैं चर्न एखल।



27 झाइले चमै एन्टिओखियार फेखसि चर्चबै म्हिमै खागु लसि परमेश्वरजी खेमै उँडले लबै ताँन् केमै सुनेइ, धै परमेश्वरजी खैले अरू हेंमैए ल्हागिर प्रभुए फिर बिश्वास लबै मा थोमिंइ बिबै ताँ या बिइ।

28 धै चर चमै चेला मैनैने ल्हें त्हिंइ समा टिइ।

## 15

0000000000000000 000000 00000000  
 (000000000000 000-0-000; 000000 000-0-0; 0000000 0-0-0)

1 छले एन्टिओखियार टिरिमा यहूदीया ह्युल उँडले को-कोइ म्हिमै चर युसि येशूए फिर बिश्वासीमैने, “भोशाए ठिमर फ्हिब्व धोले कहमैलाइ ज्युर चिनु आललै बिस्याँ कहमैइ खोयोंन् बिलै आखाँबै छह योल् आखाँ,” बिसि लोमिंबर होइ।☆

2 छाबै ताँ थैसि चमैने पावल नेरो बारनाबास आक्हिमा चमै बेल्ले प्हांइ। छतसि चबै बिश्वासीमैइ पावल, बारनाबास नेरो अरू म्हिमैने बिइ, “चु ताँए छ्याँन् मिन् लबै ल्हागिर यरूशलेमबै कुल्मिंबै चेला चिब्वै नेरो एल्डरमै डार ह्याद्।”

3 छतमा चर्चबै म्हिमैइ चमै छाइले बिदा लसि कुल्मिंइ। चमै फोनिके नेरो सामरिया ह्युल तसि ह्यामा अरू हेंमैज्यै या येशूए फिर बिश्वास लबै ताँ चमैने छेनाले बिमिंइ। चु ताँ थैसि चर्चबै ताँन् अलि-अडाँमै बेल्ले सै तोंइ।

4 झाइले चमै यरूशलेमर फेखमा चर्चबै म्हिमै, कुल्मिंबै चेला चिब्वै नेरो एल्डरमैइ चमैए मान लइ। परमेश्वरजी खेमै उँडले लबै ताँन् केमैए बयन चमैइ चरै या लइ।

5 दिलेया फरिसीमै न्होंबै प्रभुए फिर बिश्वास लबै को-कोइ म्हिमै रासि बिइ, “ज्युर चिनु लसि चमैइ मोशाए ठिमर फ्हिब्वै ताँ लद् बिसि अरू हेंमैलाज्यै या ल्हैदिल् त्हुम्।”

6 चु ताँ छेनाले क्होबर कुल्मिंबै चेला चिब्रै नेरो एल्डरमै खागु तइ ।

7 ल्हें ताँमै तबै लिउँइ पत्रुस रासि चमैने बिइ, “ओ अलि-अडाँमै, अरू ह्रेंमैज्यै या प्रभु येशूउँइले खबै सैं तोँबै ताँ थेसि मुक्ति योरिगे विसि परमेश्वरजी क्हेमैए म्हाँजोउँइले ओंसोन् ड त्हाँइ विसि क्हेमैइ सेइमुँ ।✧

8 खोँबै ताँ सेबै परमेश्वरजी डचोलाइ पबित्र प्ल्ह पिंभ धोलेन् अरू ह्रेंबै म्हिमैलाज्यै या पबित्र प्ल्ह पिंसि चमै खीए म्हिमै तल् पिंइमुँ बिबै ताँ डचोने उँइमिंइ ।✧

9 खीजी यहूदी नेरो अरू ह्रेंबै म्हिमैए न्होरि तोइ सैरै या आफेल । चमैइ येशूए फिर बिश्वास लबइले परमेश्वरजी चमैए आछ्छ्याँबै के क्षमा पिंसि चमैए सैं या शुद्ध लमिंइ ।

10 छ्तसि नोलै आखाँबै खर्गु चेलामैए प्हेँदार थेंमिसि तले परमेश्वरए जाँच लमुँ? चु खर्गु डचोए खेमैज्यै नोल् आखाँल, डचोज्यै या नोल् आखाँइमुँ ।

11 दिलेया प्रभु येशूए फिर बिश्वास लबइले खीए दयाम्हाँयाउँइले डचोइ खैले मुक्ति योँइमुँ, छ्लेन चमैज्यै या मुक्ति योँइमुँ ।”

12 चु ताँ थेसि चर मुँबै ताँन् म्हिमै च्याँ तयाइ, धै अरू ह्रेंमैए म्हाँजोर परमेश्वरजी खेमैउँइले खैबै औदिबै चिनु मुँबै केमै लइ विसि बारनाबास नेरो पावलइ धबै बिमिंमा चमैइ छेनाले थेइ ।

13 चमैइ पोल् खाँबै लिउँइ याकूबइ बिइ, “ओ अलि-अडाँमै, डए ताँ थेद ।”

14 परमेश्वरजी अरू ह्रेंमैए फिर ल्हयो खसि ह्रें घ्रि त्हाँसि आशिक पिंइ बिबै ताँ सिमोन पत्रुसइ भर्खर बिमिंइ ।

15 चु ताँ अगमबक्ताइ प्हिथेबै ताँने क्हिइमुँ,

16 “ च लिउँइ ड एयुब्मुँ,

धै दाऊदए फुयाबै धिं\* धवै बनेब्मुं ।  
 चए फुयासि खयाल आडिबै गाह्रा डइ धवै बनेमिंब्मुं,  
 धै भोब् लमिंब्मुं ।

17 छलमा डए म्हिमै तबर हुइबै तांन् चैबै अरू ह्रेंमैड,  
 याहवेह म्हैल् खांब्मुं,

18 बिसि याहवेहजी बिडमुं ।  
 खीजी चु तां स्योम् ओनोंन् था सेल् पिंइमुं ।\*†

19 “छतसि परमेश्वरउँडै सैं एबै अरू ह्रेंमैलाइ डचोइ दुःख  
 आपिले बिब डए सैं मुं,

20 दिलेया चमैए ल्हागिरि चु तां प्लि प्लिमिलेः कुलाइ चडिसि  
 जुट् तबै सै चमैड आचरिगे, ब्यभिचार आलरिगे, खर्जी डिःसि सैबै  
 खदोए से आचरिगे, धै को या आचरिगे ।\*†

21 तलेबिस्याँ† ओंसोबै पुस्ता ओनोंन् सहर सहरजरे मोशाए  
 ठिम प्रचार तरिडमुं, तलेबिस्याँ प्रिबै त्हिंइ ह्रोंसे चु तां च्हों धिमैर  
 खेरिडमुं ।”

22 च लिउँडै कुल्मिंबै चेला चिब्रै, एल्डरमै नेरो तांन् चर्चबै  
 म्हिमै किह्रसि खंमैए न्होंउँडैले को-कोइ म्हिमै त्हांसि पावल नेरो  
 बारनाबासने एन्टिओखियार कुलल् त्हुइ बिसि मैड, च म्हिमै  
 न्होंरि यहूदा बिबै बारसाबास नेरो सिलास त्हाँड । प्रभुए फिर  
 बिश्वास लब्रै न्होंरि चमै डिहं अगुवामै मुँल ।

23 झाइले बिश्वासीमैड पिमिंबै प्लिछ्यार चु छाबै तामै मुँलः

\* 15:16 15:16 ॐ ॐॐॐ, चए मुँ तबै खलग म्हालेया धवै बनेव \* 15:18  
 15:16-18 ॐ ॐ:११-१२ \* 15:20 15:20 ॐॐ 34:15-17; लेबी 18:6-23;  
 17:10-16 † 15:21 15:21 ॐॐॐॐॐॐ ॐॐॐॐ ॐॐॐॐ ॐॐ ॐॐॐॐॐ ॐॐ ॐ ॐॐ  
 ॐॐॐॐॐ ॐॐ ॐॐॐॐ “ॐॐॐॐ ॐॐॐॐॐ ॐॐ ॐॐॐ ॐॐ ॐॐॐॐॐॐॐॐॐ” ॐॐ ॐॐ ॐॐ ॐॐ  
 ॐॐॐॐ ॐॐ, “व्हेमै न्हँ आलद् ।”

“एन्टओखिया, सिरिया नेरो किलिकियार मुँबै येशूए फिर विश्वास लबै अरू हेंबै अलि-अडाँमैलाइ कुल्मिंबै चेला चिबै नेरो एल्डरमै उँडैले जय मसीह मुँ ।

24 डिए न्होंबै को-कोइ म्हिमै चर ह्यासि स्योलिबै ताँमै क्हेमैलाइ लोमिसि क्हेमैए सैं डिहरि लवासि दुःख पिंड बिब डिइ थैडमुँ । च म्हिमै डिंड कुलब आडिं ।

25 छतसि डि ताँनइ सल्ला लसि डिंए ताँमै क्हेमै डार बिमिंवर डिए न्होंबै कोइ म्हिमै त्हाँसि डिए खोबै थुमै बारनाबास नेरो पावलने क्हेमै डार कुलब छयाँब इहाँइ ।

26 बारनाबास नेरो पावलइ ह्हाँसए ज्युए म्हाँया आलल्ले प्रभु येशू खीष्ट उँडैले खबै सैं तोबै ताँ बिप्रइ ।

27 छतसि डिइ चुमै डिहंने यहूदा नेरो सिलास कुलडमुँ, डिंड फ्हिबै ताँमै चमैज्यै क्हेमैने बिमिंभुँ ।

28 चु चैदिबै ताँमै बाहेक अरू ति क्हेमैलाइ नोल् पिंब आत बिसि पबित्र प्लह नेरो डिइ छयाँब इहाँइ:

29 कुलाइ चडेबै सै तोइ आचद, को या थुँब-चब् आलद, खर्जी इहेसि सैबै खेदोए से आचद, धै ब्यभिचार आलद । छाबै केमै उँडैले स्योले टिइ बिस्याँ छयाँब तब्मुँ । जय मसीह ।”

30 च लि उँडै चमै ह्यासि एन्टओखियार फेनेइ, धै चबै चर्चबै म्हिमै खागु लसि च फ्हिछ्या पिंड ।

31 फ्हिछ्यार फ्हिबै अर्थिंए ताँमै थेसि चमै सैं तोइ ।

32 यहूदा नेरो सिलास अगमबक्तामै तबइले चबै अलि-अडाँमैलाइ परमेश्वरए ताँ उँडैले ल्हें अर्थिं बुद्धिंए ताँमै लोमिसि चमै प्रभुए फिर विश्वास लबर भोंब् लमिंड ।

33 चमै दे तिहंड समा चर टिबै लि उँडै चबै अलि-अडाँमैइ चमैलाइ कुल्मिंबै चेला चिबै डारन कुलमा “छेनाले ह्याद् ओ!” बिसि बिदा लइ ।

- 34 [दिलेया सिलासइ बिस्याँ चर्न टिब छ्छ्याँब इहाँइ ]‡  
 35 पावल नेरो बारनाबास बिस्याँ दे त्हिंइ समा एन्टिओखियार टिसि अरू ल्हें म्हिने प्रभुए ताँ बिमिंदै लोमिंदै टिइ ।

००००० ००००० ००००००००० ००००००००  
 (००००० ००००००००० ०००००० ००:०-०; ००:००-००)

- 36 दे त्हिंइ लिउँइ पावलइ बारनाबासने बिइ, “ह्याले, डचोइ प्रभुए ताँ बिमिंबै सहरजरे हयासि प्रभुए फिर बिश्वास लबै अलि-अडॉमैने त्होले, धै चमै खै तरिगे बिसि इह्योले ।”  
 37 बारनाबासइ मर्कूस बिबै यूहन्ना खेमैने बालु बोवै सैं लइ ।  
 38 दिलेया पावलइ मर्कूस खेमैने बालु बोयाब आतलै इहाँइ, तलेबिस्याँ चइ लल् त्हुवै के पूरा आलल्ले ओंसॉन् पामफिलिया ह्युलउँइले चमैने फ्रेसि एह्याल ।\*  
 39 च ताँइ लमा चमै न्होरि सैं खेलेयासि चमै फ्रेयाइ । धै बारनाबास मर्कूस किसि मा डचुँइए क्याँ ततै साइप्रस बिबै टापूर ह्याइ ।  
 40 पावलइ बिस्याँ खीने बालु ह्याबर सिलास त्हाँइ । झाइले बिश्वासीमैइ “परमेश्वरए दयाम्हाँया क्हेमैए फिर तरिगे!” बिसि चमैलाइ परमेश्वरए योर पिसि बिदा पिंइ ।  
 41 चमै सिरिया नेरो किलिकियाजरे स्युरदै बिश्वासीमै भोब् लमिंदै प्रइ ।

## 16

००००० ००००० ००००००००० ०००००००० ०००००००

‡ 15:34 15:34 00000 0000000 00 00000000 00000000 00 0000000 000000000 000000000  
 000000000 ☆ 15:38 15:38 0000000 00:३३



10 पावलइ छाबै दर्शन भ्रोंबै तोंदोंन् डि माकेडोनियार ह्याबर छेइ। तलेबिस्याँ चमैने सैं तोंबै ताँ बिमिबर परमेश्वरजी डि हुइना बिसि डिइ सेइ।

222222222 22222 222222222 222222 2222 222222222  
222  
(2222222 2:22-222)

11 झाइले डि त्रोआसउँडैले क्यु झाजर केसि सरासर सामोभ्राके टापुउँडै ह्याइ, धै फ्हँन्हाँग्धों नियापोलिसर फेखइ।

12 छाइले फिलिप्पीर फेखइ। च सहर माकेडोनिया बिबवैँ थेबै सहर नेरो ल्हें रोमीमै टिबे कल्ह्यो मुँल। डि च सहरर दे त्हिंइ टिइ।

13 झाइले प्रिवै त्हिंइर सहरए म्नाउँडैले बैरु त्हांसि स्योए छेउर ह्याइ, तलेबिस्याँ चर प्राथना लबै कल्ह्यो मुँ बिसि डिइ मैल। डि चर क्हुँसि चर खागु तबै च्हमिरिमैने ताँमै सेबर होंइ।

14 छले ताँ सेरिमा थिआटीरा सहरवैँ कलाँजी रडबै क्वेए छों लबै च्हमिरि म्नि चर्न मुँल। चए मिं लिडिया मुँल। चइ परमेश्वर म्हाँदिमल धै पावलइ पोंबै ताँ छेनाले थेरिगे बिसि प्रभुजी चए खों थोमिंइ।

15 झाइले च नेरो चए धिबैँ ताँनइ बप्तिस्मा किंइ। च लिउँडै चइ डिने यो छयुँ लसि बिइ, “क्हेमैँइ ड क्हुँसेंन प्रभुए फिर विश्वास लबै अडाँ बिसि मैम् बिस्याँ डए धिर खसि टिमिन् ओ।” छ बिसि डिने कर ल्हैदिइ।

2222222222 22222 22222 22222 2222222 22222  
2222222222

16 तिगें डि प्राथना लबै कल्ह्योर ह्यारिमा मोंइ स्याबै केब्यो म्नि त्होइ। चइ च मोंए शक्तिउँडैले इह्योब् लिब् लसि चए क्त्हेए ल्हागिर ल्हें मुइ खुमिमल।

17 च पावल नेरो डिङ्ग लिलि खसि, “चु म्हिमै धाँसे थेबै परमेश्वरए सेवा लब्बै ग। चुमैइ क्हेमै मुक्ति योबै घ्याँ बिमिरिमुँ,” बिदै ओरइ।

18 चइ ल्हें त्हिंइ समा छान् बिरिइ। छतमा पावल छोरों इहाँसि फनक्क तोसि च मोने बिइ, “येशू खीष्टए मिरि क्हि च च्हमिरि डाँइले त्हांसि ह्याद्।” छ बिबै तोंदों च मों त्हांह्याइ।

19 दिलेया चए क्त्हेमैइ खेमैए मुइ खबै घ्याँन् म्हयाब् प्रोसि पावल नेरो सिलास क्हासि सहरए म्हाँजोरि चिबनाँब्मै डाँर चैसि बोइ।

20 चमै सहरबै निसाफ लब्बै डाँर बोसि बिइ, “चु म्हिमै यहूदी ह्णैमै ग। चुमैइ डचोए सहरर गालमल् लइनमुँ।

21 डचो रोमीमैइ छाब् डिङ्ग ने म्हाँदिल् आतबै ताँमै चुमैइ लोमिंम्।”

22 छबिमा ल्हें म्हिमै क्त्हिसि पावल नेरो सिलासए फिर ह्वाखइ। सहरबै निसाफ लब्बैइ चमैए क्वे ट्होवासि भ्योवाइ, धै चमै फ्हेइ प्रुद् बिसि ल्हैदिइ।

23 चमैइ पावल नेरो सिलास फ्हेइ बेल्ले प्रुसि झेलर च्युवाइ, धै “चु म्हिमै छेनाले रून्,” बिसि झेलबै ऋथेने बिइ।

24 छ बिबै लिउँइ चइ चमैलाइ झेलबै न्हांसे न्हांर बोसि चमैए फ्हलेर सिङ्ग टिङ्गुरा क्योसि थेंइ।

25 दिलेया म्हुँइस आधाजरे पावल नेरो सिलास प्राथना लदै परमेश्वरए क्वेमै प्रिरिमा झेल न्हांर मुँबै म्हिमैइ थेरिल।

26 च त्हेर्न एक्कासि थेबै सयो खसि झेलबै जगमै लायाइ। च तोंदों ताँन् भ्रामै थोंयाइ धै झेलर टिबै ताँन् म्हिमैए फैसोमै प्न्हयाइ।







6 दिलेया चमैइ पावल नेरो सिलास स्याल् आखाँमा यासोन नेरो प्रभुए फिर बिश्वास लबै को-कोइ आघे-अलिमै सहरबै चिबनाँबमै डार्र चै पखसि बिइ, “ह्युलन् उल्लो-पुल्लु लबै म्हिमै चुरै या फेखइमुँ,” बिसि ओरइ ।

7 “चु यासोनए धिर चमै प्हेँ तसि टिइमुँ, चमै ताँनइ येशू बिबै अको थैबै मुँ ग्नि मुँ बिसि कैसर मुँए बिरोधर के लम् ।”

8 चु ताँ थिसि म्हिमै नेरो सहरबै चिबनाँबमै आल-मल तयाइ ।

9 झाइले सहरबै चिबनाँबमैइ यासोन नेरो चने बालु मुँबै अरू म्हिमैने धरौटि किसि चमै पिमिइ ।

□□□□ □□□□ □□□□□ □□□□□□ □□□□□ □□□

10 झाइले च तोदोँनु प्रभुए फिर बिश्वास लबै अलि-अडामैँइ पावल नेरो सिलास म्हुँइसर्न बेरिया सहरउँइ कुल्मिँइ, चमै चर फेनेसि यहूदीमैए च्हां थिं न्होर ह्याइ ।

11 चबै यहूदीमै थेसलोनिकाथेमै भन्दा स्वाब मुँल: चमैइ परमेश्वरए ताँ बेल्ले छ्याँब इहाँसि सैर किइ, धै चु ताँमै पावलइ बिबै ताँने किह्म उ आकिह्म बिसि त्हिँइ ह्नासे परमेश्वरए छ्वेबै ताँमै खेसि क्होल् म्हैमल ।

12 छतसि चुमैए न्होँबै ल्हेँ म्हिइ प्रभु येशूए फिर बिश्वास लइ । थैबै कुलबै ग्नि क्हमिरिमै नेरो ल्हेँ ग्नि क्मुँयुँमैज्यै या प्रभुए फिर बिश्वास लइ ।

13 दिलेया थेसलोनिकाबै यहूदीमैँइ “पावलइ परमेश्वरए ताँ बेरियारै या बिइ प्रइमुँ!” बिबु सेसि चमै चरै या म्हिमै उस्केबर फेखइ ।

14 च तोदोँनु बेरियाबै प्रभुए फिर बिश्वास लबै अलि-अडामैँइ पावल मा डचुँइए रेजरे कुल्मिँइ । सिलास नेरो तिमोथी बिस्याँ चर्न टिइ ।





31 तलेबिस्याँ खीजी ह्युलबै ताँन् म्हिमैए निसाफ लबै त्हिंइ तोक्दिमिंइमुँ । च त्हिंइर खीजी त्हाँबै म्हि घिउँइले ह्युलबै ताँन् म्हिमैए निसाफ लब्मुँ । च म्हिने निसाफ लबै हग मुँ बिसि प्रमाण ताँनने उँइमिंवर परमेश्वरजी च म्हि सिबउँइले सोगों लमिंइ ।”

32 म्हि सिसि धबै सोगों तबै ताँ थेसि चमै न्होंबै को-कोइ बिल्लि लइ । दिलेया अरूमैइ बिइ, “चु ताँए बारेर किएए ताँ धबै डि थेब्मुँ ।”

33 च लिउँइ पावल चमैउँइले ह्याइ ।

34 पावलइ बिबै ताँ क्वेसि को-कोइ म्हिमै चने बालुन् ह्याइ । चमैए न्होंरि म्हि च्हाँबै डियनुसियस बिबै म्हि, दामारिस बिबै च्हमिरि, नेरो अरू म्हिमैज्यै या प्रभुए फिर विश्वास लइ ।

## 18

११११ ११११११११ ११११ १११११

1 च लिउँइ पावल एथेन्सउँइले कोरिन्थ सहर ह्याइ ।

2 चर चइ पोन्टसथें अकिलास बिबै यहूदी घिने त्होइ । च ह्त्रोंसए फ्त्रेंस्यो प्रिस्किलाने इटालिया ह्युलउँइले खल, तलेबिस्याँ क्लौडियस बिबै रोमी थेबै मुँइ ताँन् यहूदीमें रोम शहारउँइले त्हाँइ ह्याद् बिसि ल्हैदिल । पावल चमैने त्होबर ह्यासि

3 चमैनेन् टिसि के लइ, तलेबिस्याँ पावलइ धोले चमैज्यै या तम्बु बनेबै के लमल ।

4 पावल प्रिबै त्हिंइ ह्त्रोंसे यहूदीमैए च्हाँ धिर ह्यासि परमेश्वरए ताँ बिमिसि यहूदीमै नेरो ग्रिकमैने ताँ छुलफल लसि परमेश्वरए ताँ क्होमिंबै भों लमल ।

5 झाइले सिलास नेरो तिमोथी माकेडोनियाउँइले फेखमा पावल अरू के आलल्ले परमेश्वरए ताँ बिमिमल, धै “येशून्

परमेश्वरजी कुल्मिंबै मुँ खीष्ट ग!” बिसि यहूदीमैने ग्वाइ पिमल ।

6 दिलेया यहूदीमैइ पावलए बिरोध लसि आछ्याँबै ताँमै पोंसि पावल स्यारबर होंइ । छतमा पावलइ ह्त्तोंसए क्वें खारसि चमैने बिइ, “कहेमै नास तइबिस्याँ कहेमैए दोषइ लबर्न नास तब्मुँ, च दोष डलाइ आल्हैदि । तारे पिरु ड अरू ह्त्तेंमै डार ह्याब्मुँ ।”

7 च्हाँ बिसि पावल च कल्ह्योउँइले परमेश्वरलाइ म्हाँदिबै तीतस युस्तस मि मुँबै अरू ह्त्तेंबै म्हिण धिंर ह्याइ । चए धिं च्हाँ धिंए रेने मुँल ।

8 च्हाँ धिंबै चिब क्रिस्पस नेरो चए ताँन् परवाइ प्रभुए फिर बिश्वास लइ, धै कोरिन्थिमै न्होरै या ल्हें म्हिइ पावलए ताँ थैइरि बिश्वास लसि बप्तिस्मा किइ ।

9 तिगें म्हुँइंसरि प्रभुजी दर्शनर पावलने बिइ,

10 “आङ्गिहन्! आपोंन्ले आटिद, सैं तोंबै ताँ बिमिंदै ह्याद् । ड किहने बालु मुँ । छतसि खाबज्यै या किह तोइ लल आखाँ, तलेबिस्याँ चु सहरर डला ल्हें म्हि मुँ ।”

11 झाइले पावल परमेश्वरए ताँ लोमिंदै तिदिसे म्हैन टहुल् समा चमैने बालु टिइ ।

12 अखैया बिबै ह्युलर गलियोन बिबै म्हि रोमी क्रथे तमा यहूदीमै ताँन् किहसि पावलए बिरोध लइ, धै अदालतर बोइ ।

13 झाइले चमैइ बिइ, “परमेश्वर म्हाँदिबै ल्हागिरि चु म्हिइ डचोए ठिमने आक्हिल्ले म्हिमैलाइ लोमिरिइमुँ ।”

14 झाइले पावल पोंबि छेमा गलियोनइ च यहूदीमैने बिइ, “ओ यहूदीमै, क्त्तोंसेन चुइ तोइ अनिया नेरो आछ्याँबै के लस्याँ डइ कहेमैए ताँ थैसि निसाफ लल् त्हुमल ।

15 दिलेया चु ताँम् कहेमैए ठिमबै ताँफुँमै नेरो मिमैए बारेर मत्त्रे मुँन! छतसि कहेमै ह्त्तोंसन् किहल् त्हुम् । छाबै ताँए निसाफ डइ आल ।”

16 छ बिंसि चइ अदालतउँइले यहूदीमै ल्हावाइ ।

17 छतमा च त्हेर्न चमै ताँनइ च्हां धिबै चिब सोस्थेनिस क्हासि अड्डा धिंए ओंसों धोरिइ । दिलेया गलियोनइ च ताँए तोइ वास्ता आल ।

20

18 च लिउँइ पावल ल्हें त्हिंइ समा कोरिन्थर्न टिइ । धै अलि-अडॉमैने फ्रेसि किक्क्रिया विबै नाँसर ह्याइ । पावलइ ओंसोंन् भक्कल लसि क्र आखोरल, दिलेया च भक्कलए त्हे पूरा तबइले चइ किक्क्रियार क्र खोरइ । झाइले क्यु झाजर क्रेसि सिरिया ह्याइ । चने बालु प्रिस्किला नेरो अकिलासै या ह्याइ ।

19 झाइले चमै एफिससर फेखसि पावलइ प्रिस्किला नेरो अकिलास चर्न वाथेंइ । पावल बिस्याँ च्हां धिंर होंसि यहूदीमैने छलफल लबर होइ ।

20 एफिसीमैइ पावलने “अझै दे त्हिंइ टिमिन्!” बिसि यो छयुँ लमा पावल आडिं ।

21 धै पावलइ चमैने बिइ, “परमेश्वरए इच्छा मुँस्याँ ड धबै क्हेमै डार खब्मुँ ।” छ बिंसि क्यु झाजर क्रेसि एफिससउँइले ह्याइ ।

22 झाइले च कैसरिया फेनेसि यरूशलेमउँइ कैंडो क्रेयासि चबै विश्वासीमैने त्होसि एन्टिओखियाउँइ तइ ।

23 पावल एन्टिओखियार दे त्हिंइ टिसि च कल्हयोउँइले त्हांसि गलातिया नेरो फ्रिगिया जरेबै ताँन् चेलामै सैं भोंसि लमिंदै ल्हें कल्हयोजरै या ह्याइ ।

22



24 अलेक्जेन्ड्रियाथें अपोल्लस मिं मुँबै यहूदी म्हि घि एफिससर खइ । च बेल्ले पॉल् ह्रब नेरो परमेश्वरए छुवेबै ताँमें ताँन् ह्रब मुँल ।

25 चइ मुक्ति पिंबै प्रभु येशूए बारेबै ताँमें सेल । चइ खों न्होंउँडँले भों खदै येशूए बारेबै ताँमें छेनाले लोमिंब्रें लमल । छान् तलेया चइ यूहन्नाइ पिंबै बप्तिस्मा मत्त्रे था सेल ।

26 अपोल्लस च्हों धिंर आडिहंन्ले पोंबर होंइ । छुले चइ पोंबै ताँ थेसि प्रिस्किला नेरो अकिलासइ च ह्रोसए धिंर पखइ, धै चमैइ परमेश्वरए ताँमें अपोल्लसलाइ झन् छेनाले क्होमिंड ।

27 झाइले अपोल्लसइ अखैया ह्युलर ह्याबै सैं लमा अलि-अडॉमैइ च चर ह्याबर भों पिंड, धै चइ बिबै ताँ क्वेरिगे बिसि चबै चेलामैए मिंरि भों पिंदै प्हिछ्या (चिट्टि) प्हिइ । अपोल्लस चर फेनेसि परमेश्वरए दयाम्हाँयाउँडँले प्रभुए फिर विश्वास लबै म्हिमैलाइ बेल्ले ल्होमिंड ।

28 तलेबिस्याँ चइ ताँन् म्हिमैए उँडँर परमेश्वरए छुवेबै ताँमेंउँडँले, “येशून् परमेश्वरजी कुल्मिंबै मुँ खीष्ट ग,” बिसि यहूदीमैए ताँ थोमा चमैइ तोइ ज्वाफ पिंल् आखाँब् लइ ।

## 19

□□□□ □□□□□□ □□□  
 (□□□□ □:□□-□□; □□□□□□□ □□:□□-□□; □□:□-□□;  
 □□□□ □□□□□□□□ □□□□□ □:□-□□; □□:□□-□□)

1 अपोल्लस कोरिन्थ सहरर मुँमा पावल एशिया ह्युलउँडँले एफिसस सहरर खइ । चबै को-कोइ चेलामैने त्होसि

2 चइ चमैने “क्हेमैइ प्रभुए फिर विश्वास लइरि पबित्र प्न्ह योंइ वा?” बिसि डचोएइ ।

चमैइ बिइ, “पबित्र प्न्ह मुँ बिब डिइ आथेइमुँ ।”

3 “छु बिस्याँ क्हेमैँइ खैबै बप्तिस्मा किंइ?” बिसि पावलइ डचोएमा चमैँइ बिइ, “यूहन्नाए बप्तिस्मा किंइ।”

4 झाइले पावलइ बिइ, “यूहन्नाइ पिंबै बप्तिस्माम् पाप केमैँ पिसि परमेश्वरउँई सैं एरिगे बिब् मुँल । दिलेया तारे पिरु युबै येशूए फिर बिश्वास लल् त्हुम् बिसि चइ म्हिमैँने लोमिंमल ।”☆

5 चु ताँ थेसि चमैँइ प्रभु येशूए मिंर बप्तिस्मा किंइ ।

6 झाइले पावलइ चमैँए फिर यो थेंमा पबित्र प्न्ह चमैँ फिर युइ, धै चमैँ स्यो-स्योबै क्युइर पोंब नेरो अगमबाणि लबर होंइ ।

7 च म्हिमैँ च्युसे डिहं दे मुँल ।

8 पावल च्हों धिंर ह्यासि म्हेँन सोल् समन् परमेश्वरए ग्याल्सए बारेर चमैँने आडिहंन्ले छलफल लसि म्हिमैँइ क्होरिगे बिसि लोमिंरिइ ।

9 दिलेया को-कोइ सैं सारो लसि क्वेंल् आडिं । धै झन् मुक्ति योंबै घ्याँए बिरोध लसि ताँनए उँइँर चमैँ पोंबर होंइ । छतमा पावल चमैँउँइँले फ्रेसि चेलामैँ बोसि टुरान्नस बिबै स्कूलर म्हिमैँने छलफल लसि परमेश्वरए ताँ त्हिंइ ह्त्रोंसे लोमिंमल ।

10 डिहंदि समन् चु के तरिइ, छतमा एशिया ह्युलबैँ ताँन म्हिमैँ, यहूदी नेरो ग्रिक डिहंना-डिहंनइ, प्रभुए ताँ थेइ ।

□□□□□□ □□□□□□ □□□□□ □□□□□□ □□□□□□ □□

11 परमेश्वरजी पावलए योउँइँले थे-थेबै औदिबै केमैँ लइ ।

12 नबै म्हिमैँ सरिगे बिसि को-कोइ म्हिमैँइ ह्हुमल नेरो पछ्यउरमैँ या पावलए ज्युर छुइसि नबै म्हिमैँ इहँर बोमिंमल, धै चमैँए ज्युबैँ नब ससि मोमैँ या त्होंह्यामल ।

☆ 19:4 19:4 □□□□ □:११; मर्क १:४,७,८; लूक ३:४,१६; यूह १:२६,२७

13 छाब् प्रोसि को-कोइ स्युरदै प्रबै यहूदी फा फुइ लब्मैइ मोंइ स्याब्मैने प्रभु येशूए मिं तेदै बिइ, “पावलइ बिप्रबै येशूए मिंउँइले त्हांह्याद् बिसि ड क्हिने बिम् ।”

14 चर स्केवास मिं मुँबै यहूदी खो पिंबै खेगि ऋथेए च्ह डिउँलोज्यै या छाबन् के लमल ।

15 दिलेया मोंइ चमैने बिइ, “डइ येशू सेमुँ, पावलै या सेम्, दिलेया क्हेमै खाब्मै जा?”

16 धै च मोंइ स्याबै म्हि चमैए फिर उफर्दिदै ट्होवासि चमै ताँन् प्योवाइ । छतमा चमै ने-म्योसि च धिंउँइले क्लिउँनन् न्हेह्याइ ।

17 एफिससर टिबै ताँन् यहूदीमै नेरो ग्निकमैइ चु ताँ थेसि डिहंयाँइ, धै प्रभु येशूए मिं क्वेइ ।

18 बिश्वास लबै ल्हेँ म्हि खसि ह्रों-ह्रोंसइ लबै आछ्याँबै केमै लइमु बिसि म्हिमैए उँइँर बिइ ।

19 झाइले चमैए न्होंबै टुना लब्मैज्यै या ह्रों-ह्रोंसए छ्वेमैँ खागु लसि पखइ, धै ताँनए उँइँर खोंवाइ । चमैइ च छ्वेमैँए सै लमा डच्यु हजार चाँदिए सिक्का\* फेइ ।

20 छले प्रभुए ताँ खन्तोंदोंन् फेनेसि बडिदै ह्याइ ।

21 चु ताँमैँ तबै लिउँइँ, पबित्र फ्न्हजी बिब् धोंले पावल माकेडोनिया नेरो अखैया ह्युलए घ्याँ तसि यरूशलेम ह्याबै सैं लइ । “धै चर फेबै लिउँइँ ड रोम सहरर खैलसेया ह्यालन् त्हुम्,” बिइ ।

22 झाइले चइ ह्रोंसए सेवा लबै तिमोथी नेरो इरास्तस माकेडोनियार कुल्मिंड, च बिस्याँ दे त्हिंड एशिया ह्युलर्न टिइ ।

22222 22222 22222-22222 22222222

\* 19:19 19:19 22222 22222 22222 2222 2222 22222 22222222 222 22 2222

23 च त्हेजरे एफिसस सहरर मुक्ति योंबै घ्याँए बारेर ल्हें म्हिइ खैला-बैला मचेरिल ।

24 तलेबिस्याँ डेमेत्रियस मिं मुँबै चाँदिए के लबै म्हि घ्रिइ देबि आर्तेमिसए च्यों-च्योंबै चाँदिए कु धिंमै बनेसि, बुट्ट झॉल् ह्रबै म्हिमै के पिसि ल्हें मुइ योमल ।

25 झाइले डेमेत्रियसइ ह्रोंसए के लबमै नेरो चमैइ धोबन् के लबमै खागु लसि बिइ, “ओ अलि-अडॉमै, चु केउँइलेन् डचोला ल्हें मुइ खइमुँ बिब क्हेमैइ सेइमुँ ।

26 दिलेया पावलइ एफिससर मत्त्रे आडिं, एशियाबै ल्हें कल्ह्योर ‘योइ बनेबै देवतामै तोइ सैइ आडिं’ बिसि ल्हें म्हिने लोमिंब क्हेमैइ म्रॉरिइमुँ, थेरिइमुँ ।

27 छ्रतसि डचोए के मत्त्रे म्हयाब् आडिं, थेबै देबि आर्तेमिसए कु धिं या केर आत्हुब् तब्मुँ, धै एशिया नेरो ह्युल तिगोंबै म्हिमैइ म्हाँदिइ खबै देबिला मिन् म्हयाब्मुँ ।”

28 चु ताँ क्होसि चमै बेल्ले ह्रिस खइ । झाइले चमैइ “एफिसीथेमैए आर्तेमिस बेल्ले थेब ग!” बिसि ओरबर होइ ।

29 छ्रतमा च सहर तिगोंन् खैला-बैला तइ धै चमै घ्रि तसि पावलने प्रबै माकेडोनियाथेमै डिहं गायस नेरो अरिस्तार्खस क्हासि रङ्गशालए न्होर चैदै बोइ ।

30 छ्राब् म्रॉसि पावल म्हिमै हुलर ह्याल् म्हेइ, दिलेया चेलामैइ ह्याल् आपिं ।

31 एशियाबै को-कोइ ऋथे मिंथेमै पावलए थुमै मुँल । चमैइ पावललाइ “रङ्गशालए न्होर आह्याद!” बिसि यो छ्र्युँ लइ ।

32 रङ्गशालर मुँबै म्हिमै स्यो-स्योबै ताँ बिदै ओरबर होइ । च म्हि हुलर खैला-बैला तरिल, धै चबै ल्हें म्हिइ “डचो तले खागु तगो?” बिसि था आसेल ।

33 च त्हेर यहूदीमैइ अलेक्जेन्डर बिबै म्हि ओंसों पोंबर ल्हैदिइ । चबै म्हिमै च्याँ तरिगे बिसि अलेक्जेन्डरइ म्हिमैए उँइर

योइ हस्त लसि ह्रोंस बचेबै ल्हागिर “डिइ तोइ गल्लि आलइमुँ!”  
बिसि पोंबै सैं लइ ।

34 दिलेया चमैइ “चम् यहूदी मुँन” बिब् सेसि ताँनइ कै घ्रिले  
घण्टा डिहंदे समा “एफिससथेंमैए आर्तेमिस बेल्ले थेब ग!” बिदै  
झन् ओररिइ ।

35 बल्ल-बल्ल सहरबैं ऋथेइ म्हिमें च्याँ लसि बिइ, “ओ  
एफिससथेंमै, थेबै आर्तेमिसए कु धिं नेरो मुउँइले तयुबै चए कु  
थेंबै क्ल्ह्यो एफिसस सहर ग बिसि खाबइ आसेइमुँ रो?

36 चु ताँ क्रोंसेन्बै ग बिसि ताँनइ सेइमुँ । छ्रतसि क्हेमैं च्याँ तल्  
त्हुम् । च्हेँब-मैब् आलल्ले उतउलो तसि जोस खइरि तोइ के लल्  
आत ।

37 तलेबिस्याँ क्हेमैँइ क्हासि पखबै चु म्हिमैँइ कु धिंबैं सैमैं तोइ  
आह्योइमुँ डचोए देबिला आछ्र्याँबै ताँमैं या आलइमुँ ।

38 अदालतमैं चुर्न मुँ, निसाफ लब्मैं या मुँ । छ्रतसि डेमेत्रियस  
नेरो चने मुँबै बुट्ट प्रिंल् ह्रब्मैँला खाब् मुँले म्हिने आक्हिह्रबै ताँ तोइ  
मुँस्याँ चमैँइ घ्रिइ घ्रिए बिरोधर मुद्दा नेरिगे ।

39 चु बाहेक क्हेमैँइ अरू ताँ रल् म्हेम् बिस्याँ डचोए सहरबैं  
म्हि च्हांर्न च ताँ टोंल् खाँब्मुँ ।

40 तलेबिस्याँ तियाँबै चु म्हिमैँइ लबै खैला-बैलाए छ्र्याब्  
डचोए फिर खलै खाँम्, तलेबिस्याँ चु फाक्कर्न तबै ताँए ज्वाफ  
डचोइ पिंल् आखाँ ।”

41 च्हाँ बिसि चइ म्हि च्हांं प्हुँवाइ ।

## 20

20:1-20:22

1 चु खैला-बैला च्याँ तबै लिउँइ पावलइ चर्बैं चेलामैं हुइसि  
चमैँलाइ अर्थि पिंइ । धै चमैँने फ्रेसि माकेडोनिया ह्युलउँइ ह्याइ ।

2 च कल्ह्योजरे या चेलामैए सैं क्होबै ताँ बिमिसि च ग्रिस बिबै ह्युलर ह्याइ ।

3 पावल चर म्हैन सोल् समा टिइ । धै क्यु झाजर क्रेसि सिरिया ह्युलउँइ ह्याबर होमा यहूदीमैइ चए बिरोधर जाल लइमुँ बिब सेसि पावल माकेडोनिया तसिन् एह्याबै सैं लइ ।

4 झाइले पावलने बालु बेरियाथें पुरसए च्ह सोपात्रोस, थेसलोनिकाथेंमै अरिस्तार्खस नेरो सिकन्दस, डर्बिथें गायस, तिमोथी, नेरो एशियाथेंमै तुखिकस नेरो त्रोफिमस ह्याइ ।

5 डि ह्याब भन्दा ओसोन् चमै ह्यासि त्रोआस बजारर डि पेरिल ।

6 डि बिस्याँ प्लेढा आझोबै क्हें चबै त्हिंइए लिउँइ फिलिप्पी शहारउँइले क्यु झाजर क्रेसि इहरोर त्रोआस बजारर चमै डार फेखइ, धै चर डि डिरो टिइ ।

□□□□□□ □□□□□□ □□□□□□

7 आइतबार त्हिंइर डि प्रभु भोज चबर खागु तमा पावलइ ढँन्हाँगधो ह्याबै सैं लबइले म्हुँइस आधा समन् चमैने बालु ताँमै सेरिल ।

8 डि खागु तबै फिबै कोठर ल्हें बत्तिमै म्रोल ।

9 युटिकस मिं मुँबै फ्रेसि घ्रि इयालर कहुँल । पावलइ ल्हें त्हे समा ताँ लरिमा चलाइ न्हरु खइ । न्हरुइ लमा च तल सोँउँइले तेयाइ । च रेबर ह्यामा च सियाल् खाँना ।

10 छ्रतमा पावल क्युरु तयुसि चए फिर पत्वु तसि अँगलो झोसि “क्हेमै आआतिद् । चु सोगोन् मुँ!” बिइ ।\*

11 झाइले पावल फिर क्रेयासि क्हें चुसि प्रभु भोज चल् खाँबै लिउँइ न्हाँगर मि आम्रोन् समा ल्हें त्हे ताँ लसि टिइ, धै च लिउँइ फ्रेयाइ ।

12 धै चमैइ च फ्रेसिलाइ सोगोन् धिर बोसि चमै ताँन् सैं तोँइ ।

□□□□□□□□□□□□□□ □□□□□□□ □□□□□ □□□□□□□□□□□□  
□□□□□□

13 पावल फ्लेइ प्रसि ह्याबै सैं लमा खिइ बिब् धोले डि ओसोन् क्यु झाज मुँबे क्ल्ह्योर ह्याइ, धै क्यु झाजर क्रेसि डि अस्सोसर ह्याइ । डिइ अस्सोसर पावललाइ क्यु झाजर केमिंदा इहाँल ।

14 दिलेया च अस्सोसर समा फ्लेइ प्रसिन् खइ, धै डिइ खीलाइ क्यु झाजर केमिसि डि ताँन् मितिलेनेर खइ ।

15 च क्ल्ह्योउँइले क्यु झाजर क्रेसि फ्हँन्हाँग्धो खियस टापूए रेर फेखइ, धै नुँइम्धो सामोस टापूर फेखइ । चए सोजमा डि मिलेटस नाँसर खइ ।

16 पावल खाँन् समा पेन्तिकोसए त्हिंइर यरूशलेमर्न फेबै सैं लबइले च एशिया ह्युलर टिबै सैं आल । छतसि च एफिससर आहोँल्ले ह्याबै सैं लइ ।

□□□□□□ □□□□□□□□□□□ □□□□□□□□□□□□ □□□□□ □□□□

17 पावलइ मिलेटसउँइले एफिससर मुँबे चर्चबै एल्डरमै हुइबर म्हिमै कुलइ ।

18 चमै खबै लिउँइ खिइ चमैने बिइ:

“ओ अलि-अडाँमै डइ एशिया ह्युलर\* फ्ले म्हेबै त्हिंइ ओनोन् डइ क्हेमैए म्हाँजोर खैले त्हिंइ थोइ बिब क्हेमैइ सेइमुँ ।

19 च्योने तसि मिक्लि पिदै यहूदीमैइ लबै जाल झेलर ने दुःख कष्टरै या डइ प्रभुए सेवा लइ ।

20 क्हेमैए ल्हागिर छ्याँब तबै ताँमै ताँनए उँइर बिमिंवर नेरो धिं-धिंर ह्यासि क्हेमै लोमिंवर ड लिलि आस्यो ।

21 यहूदीमै नेरो ग्रिकमैने पाप केमै पिसि परमेश्वरउँइ सैं एद् धै डचोए प्रभु येशूए फिर बिश्वास लद् बिसि डइ ग्वाइ पिँइमुँ ।

\* 20:18 20:18 □□□□□ □□□□□ □□□□□ □□□□□ □□□□□ □□□□□□□□□□ □□□ □□ □□□□□

22 “तारे पबित्र प्हजी खैलसे या यरुशलेमउँडँ ह्याद् बिबइले ड चर ह्यासिन् मुँ। चर डए फिर तो तम् बिब डइ आसे।

23 चर्बै म्हिमैँड ड झेलर च्युवाब्मुँ धै डए फिर दुःख खब्मुँ बिसि पबित्र प्हजी ताँन् सहरर डने था पिँडँमुँ, च्ही मत्त्रे डइ सेडँमुँ।

24 दिलेया डइ ह्नोंसए छ्ह ह्नोंसए ल्हागिर तोइ सैइ आमैँ। बरु परमेश्वरजी म्हिमैँए फिर दयाम्हाँया लबै बारेर सैँ तोबै ग्वाइ बिप्रबर प्रभु येशूजी पिँबै के डइ ताँन् लल् खारिगे बिब मत्त्रे डइ मैँम्।☆

25 “कहेमैँए म्हाँजोर डइ परमेश्वरए ग्याल्सबैँ ताँ बिदै प्रइ, तारे कहेमैँड ड धबै खोंयोन् बिलै भ्रोंरिब् आरे बिसि डइ सेडँमुँ।

26 छ्तसि तियाँन् डइ कहेमैँने ग्वाइ पिसि बिमुँ, कहेमैँ न्होरि खाबै या नर्गर फेस्याँ ड चए दोषि तरिब् आरे।

27 तलेबिस्याँ परमेश्वरजी डचोए ल्हागिर लमिँबै केमैँए बारेर डइ कहेमैँने तोन्दोरि ताँ बिल् खाँडँमुँ।

28 तारे कहेमैँ ह्नोंसैँ या न्ह क्रों मि क्रोले टिद्, धै पबित्र प्हजी कहेमैँने जिम्मा पिँबै बगालै या छेनाले इह्योद्। प्रभु येशूजी ह्नोंसए को पिसि परमेश्वरए चर्च किब् ग। छ्तसि चए छैँ छेनाले लद्।

29 ड ह्याबै लिउँडँ डिहंन् इहाँबै प्याउँमैँ धों तबै म्हिमैँ कहेमैँए म्हाँजोरि खसि बिश्वासीमैँलाइ ल्हें दुःख पिँब्मु।

30 कहेमैँए न्होंउँडँलेन् स्योर ताँमैँ पोँबै म्हिमैँ रेसि चेलामैँ चमैँए लिलि बोयाब्मुँ।

31 छ्तसि चु ताँ मैँसि छेनाले टिद्! सोदिं समन् त्हिंयाँ म्हुँडँसा मिक्लि पिँदै ताँन् म्हिमैँने डइ लोमिँबै ताँ आम्लेद्।

32 “तारे डइ कहेमैँलाइ परमेश्वरए जिम्मार सुम्पिदिडँमुँ। खीए दयाम्हाँयाए बारेबैँ ताँडँ कहेमैँए सैँ भोब् लमिँल् खाँम्, झाइले खीए म्हिमैँए फिर पूरा आशिक पिँब्मुँ।





ताँन् किसि डि सहरए बैरु समन् सबर खइ । धै डि मा डचुँइए छेउर  
चिह तूसि प्राथना लइ, धै चमैने फ्रेसि

6 डि क्यु झाजर क्रेइ । चमै बिस्याँ खेमैए धिर एह्याइ ।

7 टुरोसउँइले मा डचुँइए घ्याँ क्हासि डि टोलेमाइसर फेखइ ।  
चर प्रभुए फिर बिश्वास लब्मैने त्होसि चमैने बालु तिरो टिइ ।

8 फ्हँहाँगधों डि चमैने फ्रेसि कैसरियार खइ, धै सैं तोंबै ताँ बिदै  
प्रबै फिलिपए धिर ह्यासि चर्न टिइ । फिलिप यरूशलेमर प्रभुए  
सेवा लबर त्हाँबै डिउलो न्होंबै म्हि घ्रि मुँल ।\*

9 चला ब्ह्या आलबै च्हमि प्लि मुँल । चमै या अगमबक्तामै  
मुँल ।

10 डि चर दे त्हिंड टिमा यहूदीयाउँइले अगाबस मिं मुँबै  
अगमबक्ता घ्रि खइ ।\*

11 चइ पावलए फगि किसि ह्हांसए यो पहले फैसि बिइ, “ चु  
फगिए क्त्हे यरूशलेमर ह्याइ बिस्याँ चर्बै यहूदीमैइ चलाइ  
छलेना फैसि अरू ह्हेमैए योर पिंवाब्मुँ, बिसि पबित्र प्लहजी  
बिइमुँ ।”

12 चु ताँ थेसि डि नेरो चर्बै म्हिमै किहसि पावलने “यरूशलेमर  
आह्याद् ओ!” बिसि यो छचुँ लइ ।

13 दिलेया खिइ बिइ, “क्हेमै छले क्रोसि डए सैं तले च्योब्  
लमुँ? प्रभु येशूए ल्हागिर ड जेलर फैब् मत्त्रे आडिं, यरूशलेमर  
सिल् त्हुनाबिलेया ड तयार मुँ ।”

14 डिइ बिब खिइ आडिंमा “प्रभुए सैर मैब् धों तरिगे,” बिसि  
डि तोइ आबिल्ले टिइ ।

15 च लिउँइ डिइ चैदिबै समानमै तोन्दोरि तौदु लसि  
यरूशलेमउँइ ह्याइ ।

16 डिने बालु कैसरियाबै को-कोइ चेलाभै या ह्याल। चमैइ डि-लाइ मनासोन बिबै साइप्रसथेण धिर बोइ। च ओंसोन प्रभुए फिर बिश्वास लबै म्हि मुँल। चए डाँन डि टिइ।

००००० ०००००००००० ००००००

17 झाइले डि यरूशलेमर फेनेमा, चबै प्रभुए फिर बिश्वास लबैइ सैं तोंसि डि बेल्ले मान लइ।

18 फ्हँहाँगधों पावल डिने याकूब डाँर ह्यामा चचबै तान् एल्डरमैं चर खागु तल।

19 चमैने जय मसीह लसि पावलइ “अरू हेंमैए म्हाँजोर सैं तोंबै ताँ बिप्रमा परमेश्वरजी डउँइले तो-तो केमै लइ,” बिसि तान् ताँमैं घ्रि-घ्रिले चमैने बिइ।

20 चु ताँ थेबै लिउँइ चमैइ परमेश्वरए मिं क्वेइ। धै च एल्डरमैंइ पावलने बिइ, “थेद् अलि, चुर यहूदीमैं न्हौरै या प्रभुए फिर बिश्वास लबै ल्हेन् मुँ। चमैइ मोशाइ पिबै टिममैं या छेनाले म्हाँदिम्।

21 दिलेया चमैइ किहए बारेर स्योलिबै ताँ थेइ। ‘भोशाइ पिबै टिम पिवाद, धै कोलोमैए ज्युर चिनु आलद, यहूदी रोस आम्हाँदिद्,’ बिसि किहइ अरू हेंमैए म्हाँजोर टिबै यहूदीमैलाइ लोमिँइमुँ रो।

22 तोगो किह खइमुँ बिब चमैइ खैले बिलेन् थेब्मुँ। तारे तो लब् जा?

23 छतसि डिइ बिब् धों लद। चोखो तले बिसि भक्कल् लबै म्हि प्लि डिने बालु मुँ।

24 चमैने बालु किह या चोखो तदु, चमैए खर्ज या किहइन फोमिन्। ☆ धै चमैइ क्र खोररिगे। छले किहइ टिम म्हाँदिब् प्रोंसि

क्विए वारेर ओंसों थेबै आछ्याँबै ताँ क्होंसेन् आडिंन बिसि ताँनइ सेब्मुँ ।

25 प्रभु येशूए फिर बिश्वास लबै अरू ह्रेंमैइ बिस्याँ, 'कुर खो पिबै सैमै नेरो को आचदु, खरि डिसि सैबै खेदोए से आचदु, धै व्यभिचार आलदु,' बिसि डिइ फ्हिछ्यार फ्हिइमुँ ।"<sup>☆</sup>

26 छबिमा पावलइ च भक्कल् लबै म्हि प्लि बोसि फ्हँन्हाँगधों चमैने बालु ह्रोंसै या चोखो तबै के लइ । धै खेमैए चोखो तबै त्तिहँइ खोंयो पूरा तब् इहे धै चमै घ्रि-घ्रिए ल्हागिर खो खोंयो पिंब्मुँ बिसि था पिंवर पावल मन्दिर न्होर होंइ ।

□□□□□□□□ □□□□□□□□ □□□□ □□□□□□

27 छले चमै चोखो तसि डिरो तबि छेमा एशिया ह्युलबै यहूदीमैइ मन्दिरर पावल मोमा चबै म्हिए हुललाइ सुरिदिवासि पावललाइ क्हाइ ।

28 "ओ इस्राएलबै म्हिमै, डि ल्होमिन्! तलेबिस्याँ चु खन्तोदोंबै म्हिमैने डचोए ह्रें, डचोए ठिम नेरो चु मन्दिरए विरोधर लोमिंदै प्रबै म्हि चुन् ग । च्हौ मत्त्रे आडिं, चुइ ग्रिकमै या चु मन्दिर न्होर पखसि डचोए पबित्र कल्ह्यो अशुद्ध लवाइमुँ," बिदै चमै ओरबर होंइ ।

29 तलेबिस्याँ ओंसों चमैइ एफिससथें त्रोफिमस बिबै म्हि घ्रि पावलने बालु सहरर मोबइले पावलइ च म्हि मन्दिर न्होर पखब ग इहाँइ ।

30 ताँन् सहरर खैला-बैला तमा ल्हें म्हि न्हेखसि पावल क्हाइ । चमैइ मन्दिरउँइले पावल बैरु चैं पखमा खेगिमैइ युन्ले मन्दिरबै म्रामै तोरावाइ ।

31 झाइले चमैइ पावल सैल् म्हेल । च त्हेर्न यरूशलेम तिगोंन् खैला-बैला तरिइमुँ बिबै ताँ रोमी पल्टनबै चिबए न्हर थेनेइ ।

☆ 21:25 21:25 □□□□□□ □□:२१; लेबी १८:६-२३; २०:१०-२१; व्य २२:१३-३०

32 चिबइ चु ताँ थेबै तोंदोंन् सिपाइमै नेरो कप्तानमै बोसि चमै डार न्हेयाइ । चमैइ पल्टनबै चिब नेरो सिपाइमै खरिब् ग्रोमा पावल धोंब पिवाइ ।

33 च पल्टनबै चिब खसि पावल कहासि सँउँलि डिहंड फैबर ल्हैदिइ । धै “चु म्हि खाब् जा? चुइ तो लइ?” बिसि चबै म्हिमैने डचोएइ ।

34 चबै म्हिमै न्होरि कोइ तिथो, कोइ अकोन् ताँ लसि ओरइ । छले चबै म्हिमैए हल्लाइ लमा चर तो तरिइमुँ बिसि कहोल् आखाँबइले पल्टनबै चिबइ सिपाइमैने “पावल ब्यारेकर बोयाद्!” बिइ ।

35 छले पावल ब्यारेकबै खटकटिर फेखमा म्हिमै झन् हिसइ बेल्ले ओरसि पावलए उँर कारग्यु तखइ । छतब् ग्रोसि सिपाइमैइ च क्वेबोइ ।

36 तलेबिस्याँ म्हिए हुल चए लिलि ल्हैदिसि “च सैलन् त्हुम्!” बिसि ओरदै खइ ।

*□□□□□ □□□□□□□□ □□□□□ □□□□□  
(□□□□□ □□□□□□□□□ □□□□□ □-□-□; □□-□-□□)*

37 ब्यारेक न्होर होंबि छेमा पावलइ पल्टनबै चिबने “चिब, डइ ताँ ग्नि कहिने बिल् योम् उ?” बिमा चिबइ बिइ, “क्हिइ ग्नि क्युइ पॉल् ह्रम्मा?

38 क्हि च मिश्रथें आडिं वा? चइ ओंसों फ्होंगि कैगि लसि हजार प्लि फ्होंगि लब्मै क्यु आयोंबै कल्ह्योर बोयाल ।”

39 छबिमा पावलइ बिइ, “आडिं चिब । डम् किलिकिया ह्यलबै टार्ससथें यहूदी ग । च टार्सस थेबै सहर ग । चु म्हिमैने डइ ताँ तिजी-डिहजो बिल् पिन् ओ ।”

40 पावलए ताँ थेसि चिबइ पॉल् पिंइ, धै पावल खटकटिर रासि म्हिमैने योइ हस्त लमा म्हिमै तोइ आबिल्ले च्याँ तबै लिउँइ चइ चमैने हिब्रू क्युइर पोंबर होंइ ।

## 22

1 “ओ आघें-अलि नेरो आबामैं, डइ क्हेमैंए उँडर बिल् त्हुबै ताँ तारे थेमिन् ।”

2 पावलइ हिब्रू क्युइर पोंब् थेसि चमैं ताँन् च्याँ तयाइ । छतमा चइ बिइ,

3 “ड किलिकिया ह्युलबैं टार्ससथें यहूदी ग, दिलेया ड चु यरूशलेमर गमलिएल बिबै डए गुरुए योउँडले फारब् ग । धै डचोए खेमैंइ म्हाँदिबै रोसमैं डइ छेनाले लोइमुँ । तिंयाँ क्हेमैंइ परमेश्वरलाइ सैं न्होंउँडले म्हाँदिब् धोले डज्यै या खीलाइ म्हाँदिदा ड्हाँडमुँ ।☆

4 येशूए घ्यार☆ प्रबै म्हिमैंलाइ डइ ह्रुगुदिसि सैल् म्हैमल, मुँयुंमैं नेरो च्हमिरिमैं डिहंना-डिहंन् फैसि झेलर च्युवामल ।☆

5 चु डइ बिबै ताँ क्ह्लोंसेन् ग बिसि खो पिंबै खेगि क्रथे नेरो ताँन् थेबै म्हि च्हां या ग्वाइ पिल् खाँम् । खेमैंउँडले डइ दमस्कस सहरबैं यहूदीमैंए मिरं फ्लिछ्या योइ । छले हग योंसि डइ दमस्कसर मुँबै प्रभुए फिर बिश्वास लब्मैं सजैं पिंबर फैसि यरूशलेमर पखबर दमस्कसर ह्याल ।

□□□□□□ □□□□□□□□ □□□ □□□ □□□□□□ □□□□□  
(□□□□□ □□□□□□□□□□ □□□□□□ □:□-□□; □□:□□-□□)

6 “ड ह्यामा-ह्याम् दमस्कस फेखबि छेमा त्हिंयाँ आधाजरे तिखेर्न स्वर्गउँडले थेबै ह्वे डए कारग्यु चारइ ।

7 छतमा ड सर क्हुरिह्याइ, धै ‘ओ शाऊल, शाऊल, किहइ तले ड ह्रुगुदिमुँ?’ बिबै कै घ्रि डइ थेइ ।

8 “छबिमा ‘ओ प्रभु, किह खाब् जा?’ बिसि डइ डचोएमा खीजी ‘किहइ ह्रुगुदिरिबै नासरतबैं येशू डन् ग,’ बिइ ।



क्व्हिसि चलाइ सैवाबै म्हिमैए क्वें रूसि टिल ।\*☆

21 छबिमा प्रभुजी डने ह्याद, तलेबिस्याँ हें-हेंगोबै अरू हेंमें डार डइ किह कुल्मिंभुँ, बिइ ।”

????? ?????????? ?

22 म्हि हुलइ पावलए ताँ च्हाँ समा छेनाले थेइ । दिलेया च लिउँई चमैइ “छाबै म्हि पृथ्वीउँईले स्योवाद । च सोबै लायकबै आरे,” बिदै ओरबर होइ ।

23 धै हिसइ खेमैए क्वें ट्होदै त्हुल् उडिदै चमैं झन् सारले ओरइ ।

24 छतमा रोमी पलटनबै चिबइ बिइ, “चलाइ ब्यारेक न्होर पखसि कोराइ प्रुद । चए बिरोधर म्हिमै तले छले कै तेसि ओररिइमुँ बिसि चने डयोएद ।”

25 झाइले सिपाइमैइ पावललाइ टिहबिए छोइ फैबर होंमा पावलइ चेंदो रारिबै कप्तानने “तोइ छ्याब् आरेबै रोमी नागरिकलाइ\* क्हेमैइ कोराइ प्रुब ठिक मुँ वा?” बिसि डचोएइ ।

26 चु ताँ थेसि कप्तानइ पलटनबै चिब डार ह्यासि “क्हिइ तो लल् म्हैल? चु म्हिम् रोमी नागरिक मुँन,” बिइ ।

27 झाइले पलटनबै चिब पावल डार खसि “डने बिद, किह रोमी नागरिक वा?” बिसि डचोएमा खिइ बिइ, “ओं, डिंबन् ग ।”

28 छबिमा चिबइ “डम् मुइ ल्हें फोसि रोमी नागरिक तब् ग,” बिमा पावलइ बिइ, “डम् फिब् ओंनोंन् रोमी नागरिक ग ।”

29 चु ताँ थेबै तोंदोंन् पवालने डचुलु-च्युलु लबै म्हिमै स्योयाइ । पावल रोमी नागरिक मुँन बिब् सेसि चिबै या डिहंयाँइ, तलेबिस्याँ चइ पावल फैबर ल्हैदिल ।

☆ 22:20 22:20 ०००००० ०:५८ \* 22:25 22:25 ०००० ०००००० ० ०००० ०००० ००००००००  
००-कोइ म्हि मत्वे रोमीथेंमै मुँल । खाबै या रोमीथें मुँस्याँ च म्हि तोनतोन धोंब नेबै थेबै सजैं पिल् आतमल ।





फरिसीन् ग । म्हि सिइरि धबै सोगों तब्मुं बिबै आशा डइ थेंबइले  
डए फिर चु मुद्दा ल्हैदिइमुं ।”☆

7 चइ छ बिबै लिउँइँ फरिसीमैँ नेरो सदुकीमैँए सैं खेलेयासि चमैँ  
आक्हि ।

8 तलेबिस्याँ सदुकीमैँइ म्हि सिइरि धबै सोगों आत, स्वर्गदूत  
नेरो प्ल्ह बिब तोइ या आत बिमल । दिलेया फरिसीमैँइ चु ताँन्  
सैमैँ तम् बिसि क्वेंमल ।☆

9 चर थेबै खैला-बैला तमा फरिसीमैँ न्होंबैँ को-कोइ शास्त्रिमैँइ  
रेसि “चु म्हिने डिइ तोइ दोष आयों । प्ल्ह नेरो स्वर्गदूतइ चुने पोंइ  
बिस्याँ तो तइ दि?” बिइ ।

10 छले चमैँए सैं खेलसि चर थेबै खैला-बैला तबइले “चमैँइ  
पावल लाछिवाम्दो!” बिब् मैँसि रोमी पल्टनबैँ चिबइ सिपाइमैँने  
“क्युरु ह्यासि चमैँए म्हाँजोउँइँले पावल पखसि ब्यारेक न्होंर  
बोद्,” बिसि ल्हैदिइ ।

11 चए प्हाँगाँधों म्हुँइँसर प्रभुजी पावल डाँर रासि बिइ,  
“आडिहंन्, तलेबिस्याँ किहइ यरूशलेमर डए बारेर ग्वाइ पिंब्  
धोंले रोम शहारैँ या ग्वाइ पिंल् त्हुम् ।”

□□□□□□□□ □□□□□ □□□□ □□

12 न्हाँगर मि म्रोंबैँ लिउँइँ यहूदीमैँइ खेंमैँए न्होंर मत फैसि  
“पावल आसैन् समन् डि तोइ आच तोइ आथुँ,” बिबै कसम चइ ।

13 छ्वाँबैँ जाल रोसि सैवाम् बिबै म्हिमैँ प्लिच्यु भन्दा ल्हें मुँल ।

14 च लिउँइँ चमैँ ख्रो पिंबैँ खेगि चिब्रैँ नेरो चिबनाँब्रैँ डाँर  
ह्यासि बिइ, “पावल आसैन् समा डि तोइ आच बिसि कसम  
चइमुँ ।

15 छतसि क्हेमैँ नेरो थेबैँ म्हि च्हाँ किहसि रोमी पल्टनबैँ चिब  
डाँर ह्यासि “पावलए फिर ल्हैदिबैँ मुद्दाए ताँर छेनाले फैसला

☆ 23:6 23:6 □□□□□□ □□:५; फिलि ३:५ ☆ 23:8 23:8 □□□□□ □□:२३; मर्क १२:१८;

लल् त्हुम्,' बिसि स्योर तेसि बिद्। धै 'चलाइ ब्यारकउडँले तेइ पउ,' बिद्। पावल चुर फेखउनो डिइ च सैम्।”

16 चमैइ छले जाल रोबै ताँ था योसि पावलए भान्जइ ब्यारेक न्होर ह्यासि चु ताँ पावलने बिइ।

17 झाइले पावलइ कप्तानमै न्होबै म्हि घ्रि हुइसि बिइ, “चु कोलो पल्टनबै चिब डार सथेमिन्, तलेबिस्याँ चुइ चिबने तोइ ताँ बिदा इहाँइमु रो।”

18 छुबिमा कप्तानइ च कोलो चिब डार बोसि बिइ, “ओ चिब, झेल न्होर मुँबै पावलइ ड हुइसि चु कोलो किह डार बोमिन् बिइ। चुइ किहने बिल् त्हुबै ताँ मुँ रो।”

19 चिबइ च कोलोए यो क्हासि तिराइ बोसि “किहइ डने बिल् त्हुबै ताँ तो जा?” बिसि ड्योएइ।

20 च कोलोइ बिइ, “पावलए बारेर छेनाले ताँमै ड्योएबै निउँ लसि 'चलाइ फँन्हाँग थेबै म्हि च्होर पखमिन्' बिसि किहने बिबर यहूदीमैइ मत लसि किहइमुँ।

21 दिलेया किहइ चमैए ताँ आडिन्, तलेबिस्याँ चमै न्होर म्हि प्लिच्यु भन्दा त्हेइ 'च आसैन् समा डि तोइ आच तोइ आथुँ!' बिबै कसम चसि च सैबर क्त्वेइ टिइमुँ। चमैइ किहइ तो बिबू इहे बिसि हेरिइमुँ।”

22 चु ताँ थेसि पल्टनबै चिबइ “किहइ डने बिबै चु ताँ खाबने या आबिद्,” बिसि च कोलोलाइ कुलइ।

□□□□□□□□ □□□□□□□□ □□□□□

23 च लिउँइ पल्टनबै चिबइ कप्तानमै न्होबै म्हि डिहं हुइसि बिइ, “तियाँ म्हुँइसबै कु ह्राबै त्हेजरे सिपाइमै डिहंब्रा, घोडा केभै डिच्यु, धै बर्षा छेभै डिहंब्रा कैसरियार ह्याबै ल्हागिर तयार लद्।”

24 झाइले पावलए ल्हागिरै या घोडा म्हैदु धै चलाइ छेनाले ऋथे फेलिक्स डार सने ।

25 च्हाँ बिल् खाँसि चइ छाबै फ्हिछ्या या फ्हिइः

26 “ओ चिब, ऋथे फेलिक्स, ड क्लौडियस लुसियसउँडले छ्याज्यालो मुँ!

27 यहूदीमैइ चु म्हि क्हासि सैबर म्हैल, दिलेया च रोमी नागारिक मुँन बिब डइ सेइ । छतसि ड सिपाइमै बोसि चलाइ जोगेमिँइ ।

28 चुमैइ तो तार चए फिर छ्याब् ल्हैदिगे बिसि क्होबर डइ चु म्हि यहूदीमैए थेबै म्हि च्हाँर बोइ ।

29 चमैइ खेमैए ठिमबै तार चए फिर छ्याब् ल्हैदिना, दिलेया म्हिन् सैल् त्हुब नेरो झेलर च्युल् त्हुब तोइ छ्याब् डइ आस्या ।

30 चु म्हिए बिरोधर जाल लसिन् मुँ बिबै ताँ डइ सेसि चलाइ किह डार कुल्मिँडमुँ । चए बिरोधर छ्याब् ल्हैदिबमै या किहए उँडर ताँ लद् बिसि डइ चुबै यहूदीमैने बिडमुँ ।”

31 पल्टनबै चिबइ बिब धोले सिपाइमैइ पावल म्हूँडसर्न एन्टिपाट्रिस बिबै नाँसर सनेइ ।

32 फ्हँह्हाँगधों फ्लेइ प्रयाबै सिपाइमैइ पावललाइ घोडा क्रेबै सिपाइमैए जिम्मर पिंथेसि यरूशलेमबै ब्यारेकर एखइ ।

33 घोडा क्रेबै सिपाइमै कैसरियार फेबै लिउँड रोमी ऋथे फेलिक्सने फ्हिछ्या पिंसि पावल या चए जिम्मर्न पिँइ ।

34 ऋथेइ फ्हिछ्या खेल् खाँसि पावलने “किह खाब् ह्युलबै जा?” बिसि ड्योएइ । धै पावलइ “ड किलिकिया ह्युलबै म्हि ग,” बिइ ।

35 छतमा ऋथेइ पावलने “किहए फिर छ्याब् ल्हैदिबमै खबै लिउँड किहए ताँ थेस्यो!” बिसि “चुलाइ बोसि हेरोदइ बनेबै दरबारर थेंनु,” बिसि सिपाइमैने ल्हैदिइ ।



ॐॐॐॐॐॐॐॐॐ ॐॐॐॐॐॐ ॐॐॐॐॐॐ ॐॐॐॐॐ ॐॐॐॐ

10 झाइले ऋथेइ चने पॉन् बिसि हस्त लबै लिउँइ पावलइ बिइः  
 “क्हिह ल्हें बर्ष ओंनोंन् चु यहूदी हेंबै नियाधिश् तइमुँ बिब डइ  
 था सेइमुँ। छतसि डइ ह्रोंसए ताँ क्हिहए उँइर पॉल् योमा ड सैं  
 तोंइमुँ।

11 ड यरूशलेमर परमेश्वरए मिं क्वेबर ह्याब च्युसे डिहं तिहंइ  
 भन्दा ल्हें आतइमुँ बिसि क्हिह ह्रोंसैन था सेल् खाँम्।

12 चुमैँइ ड खाब्ने या प्हांरिब आस्याइमुँ, धै मन्दिरर, च्हां  
 धिंजरे, नेरो सहरबैँ म्हिमैँलाज्यै या सुरेदिरिब चुमैँइ आस्याइमुँ,

13 तोगो डए फिर छ्याब् ल्हैदिरिबै तौरै या चुमैँइ प्रमाण पिल्  
 आखाँ।

14 ड क्हिहए उँइर चु ताँ बिमुँः चु मुक्ति पिंबै घ्याँने चुमैँइ स्योर्गु  
 घ्याँ बिम, दिलेया ड च घ्याँर प्रसि डए खेमैँए परमेश्वरए मिं  
 क्वेम्। धै मोशाइ पिंबै टिमर मुँबै ताँ नेरो स्योम्बै अगमबक्तामैँइ  
 प्फ़िबै कितबमैँर बिबै ताँन् ताँ डइ क्वेम्।

15 छ्याँब ने आछ्याँबै के लब्मैँ डिहंन-डिहंन् सिइरि सोगों  
 तम् बिसि चुमैँइ क्वेब् धोलेन् डज्यै या परमेश्वरए फिर आशा  
 थेंम्।

16 छतसि परमेश्वर नेरो म्हिमैँए उँइर खोंयोन् बिले डए सेंइ  
 लद् बिब् धोले ठिक के मत्त्रे डइ लबै भों लरिमुँ।

17 “ड दे बर्ष अरू ह्युलजरे टिबै लिउँइ ह्रोंसए हेंए ल्हागिर  
 दान पिंबर नेरो परमेश्वरए मिंर खो पिंबर यरूशलेमर खल।✧

18 चुमैँइ मन्दिरर डलाइ ल्होमा डइ चोखो तबै के ताँन् लल्  
 खाँल। चर म्हिहए हुल नेरो खैला-बैला तोइ आरेल, दिलेया  
 एशियाबैँ को-कोइ यहूदीमैँ चर मुँल।

19 चमैँ क्हिहए उँइर चुर मुल ल्हुमल। डए बिरोधर तोइ बिल्  
 ल्हुबै ताँ मुँस्याँ चमैँ क्हिहए डार युसि छ्याब् ल्हैदिल् खाँमल।

20 आस्याँ, थेबै म्हि च्छोंए उँडर ड रामा डने तो गल्लि स्याइ बिसि चुर मुँबै म्हिमैँइन बिरिगे ।

21 चु ताँ अ्रिर मत्त्रे चमैँड डए फिर छ्याब् ल्हैदिल् खाँम् । च तो जा बिस्याँ चमैँए उँडर रासि डइ थेबै कैले ओरसि 'म्हिमैँ सिइरि धबै सोगों तब्मुँ!' बिल, च ताँए बारेर्न तियाँ क्हेमैँए उँडर डए फिर चु मुद्दा तरिडमुँ ।"☆

22 दिलेया फेलिक्सइ मुक्ति योंबै घ्याँए बारेर छेनाले था सेल । छतसि चु ताँमैँ थेबै लिउँडँ बिइ, "पल्टनर्बै चिब लुसियस चुर युबै लिउँडँ डइ क्हेमैँए मुद्दा फैसला लमिंस्यो ।"

23 च लिउँडँ फेलिक्सइ कप्तानने "पावल छेनाले रूसि थेंन्, दिलेया ल्हें गार आलद् । चए थुमैँड चैदिबै सैमैँ चलाइ पिंबर खस्याँ खल् पिन्," बिइ ।

□□□□□□ □□□□ □□□□□□□□□□□□ □□□□□ □□□□ □□□

24 दे त्हिँड लिउँडँ फेलिक्स ह्रोंसए यहूदी प्हेँस्यो दृसिल्लाने बालु खसि पावललाइ हुइइ । धै ख्रीष्ट येशूए फिर बिश्वास लबै बारेर्बै ताँ चउँडँलेन् थेइ ।

25 दिलेया "ठिक के लल् त्हुम्, आछ्याँबै के आलबर ह्रोंसए सैं फैल् त्हुम्, तलेबिस्याँ परमेश्वरजी निसाफ लबै त्हिँड खसिन् मुँ," बिसि पावलइ बिरिमा फेलिक्स डिहंयाँड, धै "तोगो मुँरिगे । किह ह्याद् । मौका योंबै त्हेर डइ किह हुइस्यो," बिइ ।

26 चइ पावलउँडँले मुइ योंम् उ ड्हाँसि आशा या लल । छतसि चइ घरि-घरि ताँ लबर पावल हुइब्रें लमल ।

27 दिलेया डिहंदि लिउँडँ फेलिक्सए क्ल्हयोर पर्किअस फेस्तस बिबै ऋथे खइ । झाइले फेलिक्सइ यहूदीमैँ सैं तोंन् लबर पावल झेलर्न वाथेंसि ह्याइ ।

## 25

“? ???? ???? ???? ???? ???? ???? ????”  
 ???? ???? ? ? ???? ? ?

1 फेस्तस यहूदीया ह्युलबै कैसरियार खबै सोरो लिउँइ यरूशलेमउँइ ह्याइ ।

2 चर खो पिबै खेगि चिब्रै नेरो यहूदीमैए न्होंबै ऋथे मिथेमैइ पावलए फिर छ्याब् ल्हैदिइ ।

3 चमैइ पावल घ्याँन सैवाबै सैं लसि, “पावल यरूशलेमर कुल्मिन्,” बिसि फेस्तसने यो छ्युँ लइ ।

4 दिलेया फेस्तसइ चमैने बिइ, “पावल कैसरियार्न च्युथेंइमुँ, डै या युनन् चर ह्याइन मुँ ।

5 छत्तसि क्हेमैं न्होंबै चिब्रै डने चर ह्यारिगे, धै च म्हिने तोइ आछ्याँबै ताँमैं स्यास्याँ चए बिरोधर उजुर झोरिगे ।”

6 फेस्तस चमैने बालु प्रेरो च्युरो दे भन्दा ल्हें आटिल्ले कैसरियाउँइ एह्याइ । चर फेनेबै फ्हँन्हाँग्धोन् निसाफ लबै क्ल्ह्योर टिसि चइ सिपाइमैने “पावल चुर पखो!” बिइ ।

7 पावल फेखबै तोंदोंन् यरूशलेमउँइले युबै यहूदीमैं चए कारग्युले रासि चए बिरोधर बेल्ले आछ्याँबै छ्याब्रै ल्हैदिइ । दिलेया चमैइ खेमैइ ल्हैदिबै छ्याब्रैला तोइ प्रमाण पिल् आखाल ।

8 पावलइ ह्रोंसए बारेर पोंदै छ, बिइ, “डइ यहूदीमैए ठिमाए बिरोधर, मन्दिरए बिरोधर नेरो कैसरए\* बिरोधर तोइ आछ्याँबै के आलइमुँ ।”

9 दिलेया फेस्तसइ यहूदीमैं सैं तोंन् लबर पावलने बिइ, “यरूशलेमर ह्यासि चर्न डइ चु ताँए बारेर निसाफ लम् क्हिहए सैं तो मुँ? तम् उ आत?”

\* 25:8 25:8 □□□□ □□□□□□ □□□□ □□□□ □□□□□□



10 पावलइ बिइ, “ड कैसर मुँए निसाफ लबै कल्ह्योर्न रारिइमुँ, चुर्न डए निसाफ तल् त्हुम् । यहूदीमैला डइ तोइ न्होह्रोँ आलइमुँ । चु ताँ किहज्यै या छेनालेन् सेइमुँ ।

11 डइ परमेश्वरए ठिममै आम्हाँदिस्याँ, सिल् त्हुबै के या डइ लस्याँ, ड सिबरै या तयारन् मुँ । दिलेया यहूदीमैइ डए फिर ल्हैदिबै ताँन छ्याब्मै क्ह्रोँसेन् आडिंस्याँ ड चमैए योर खाबज्यै पिल् आखाँ । छत्तसि डए ताँ थेमिन् बिसि थेबै कैसर मुँनेन् ड यो छ्युँ लम् ।”

12 पावलए ताँ थेसि फेस्तसइ चिबनाँब्मैने सल्ला लसि पावलने बिइ, “किहइ कैसर मुँ डाँर ह्याम् बिबइले डइ किह कैसर डाँर कुलब्मँ ।”

□□□□ □□□□ □□□□□□ □□□□□□□ □□□□□□□□ □□□□□□□□

13 दे त्हिइ लिउँइ अग्रिपास मुँ नेरो चए अडाँ बरनिकि बिब फेस्तसने त्होबर कैसरियार खइ ।

14 चमै चर दे त्हिइ टिबै लिउँइ फेस्तसइ मुँने पावलए मुद्दाए बारेर छले ताँ लइ: “फेलिक्सइ च्युथेबै म्हि घि चुर मुँ ।

15 ड यरूशलेमर मुँमा, खो पिंबै खेगि चिबमै नेरो यहूदी चिबनाँब्मैइ चए बिरोधर छ्याब् ल्हैदिसि चलाइ दण्ड पिन् बिसि डने बिल ।

16 दिलेया डइ चमैने बिइ, ‘छ्याब् ल्हैदिबै म्हिमें नेरो छ्याब् योबै म्हि डिहंना-डिहंन्ने सुँने सुँ आतन् समा, धै ह्रोँसए फिर ल्हैदिबै छ्याब्मैए बारेर पोबै मौका आयोन् समा, खाबलाज्यै या छलेन् दण्ड पिंब रोमी सरकारए रोसर आरे ।’

17 “छत्तमा चमै खागु तसि चुर युमा डइ क्हेल् आलन्ते ष्हंन्हाँगधोँन् निसाफ लबै कल्ह्योर टिसि, ‘पावल चुर पखो,’ बिसि ल्हैदिइ ।

18 दिलेया डइ मैब धोले छ्याब ल्हैदिभ्मैइ पावलए मुद्दार आछ्याबै ताँ तोइ पखल् आखाल ।

19 चमैए आक्लिबै ताँ चमैए धर्मए बारेर नेरो सिल् खाँबै येशू बिबै म्हिए बारेर मुँन । पावलइ येशू अझै सोंगोन् मुँ बिसि बिमना ।

20 छतसि चु ताँमैए बारेर डइ छेनाले आक्होबइले चु ताँए बारेर 'निसाफ लबर यरूशलेमर ह्याबै सैँ मुँ उ?' बिसि डइ पावलने डचोएइ ।

21 दिलेया 'रोमी थेबै मुँइ फैसला आलन् समा डलाइ झेलर्न च्युथेन्,' बिसि पावलइ यो छ्युँ लइ । छतसि चलाइ कैसर मुँ डार आकुलन् समा छेनाले रून् बिसि डइ सिपाइमैने ल्हैदिइ ।"

22 चु ताँ थेसि अग्रिपासइ "चु म्हिए ताँ डज्यै या थेदा इहाँइमुँ," बिमा फेस्तसइ "फ्हन किहइ चए ताँ थेब्मुँ," बिइ ।

???? ???? ??????? ???? ???

23 फ्न्ह्हाँगधों अग्रिपास नेरो बरनिकि थेबै मानले खइ । धै रोमी पल्टनबै चिभ्मै नेरो कैसरिया सहरबै चिबनाँभ्मैने थेबै च्हां धिंन्होर होइ । धै फेस्तसइ "पावल चुर पउ!" ल्हैदिमा सिपाइमैइ च पखइ ।

24 च लिउँइ फेस्तसइ बिइ, "ओ अग्रिपास मुँ नेरो चुर मुँबै ताँन् चिबनाँभ्मै! क्हेमैइ चु म्हि प्रोँइमुँ । ताँन् यहूदीमैइ चु म्हि तारे सैवाल ल्हुम् बिसि यरूशलेमर नेरो चुरै या डने यो छ्युँ लइमुँ ।

25 दिलेया चु म्हि सैलन् ल्हुबै केमै डइ तोइ आयो । धै चज्यै या रोमी थेबै मुँ डार ह्याम् बिसि यो छ्युँ लबइले डइ चु कुलबर होँइमुँ ।

26 दिलेया चुए बारेर डइ रोमी थेबै मुँलाइ फ्लिबै ताँमै तोइ आरे । छतसि डइ चु म्हि क्हेमैए उँइर नेरो खास लइरि अग्रिपास मुँए उँइर पखइमुँ । डचोइ चने ताँमै डचुँलु-च्युलु लबै लिउँइ चुए बारेर डइ रोमी मुँलाइ ताँमै फ्लिल् योँब्मुँ ।

27 तलेबिस्याँ चए बारेर ल्हैदिबै छ्याबमैं तोइ आफ्हिल्ले चलाइ छलेन् कुलबर छ्याब आइहाँ ।”

## 26

□□□□□□ □□□□□□□□□□ □□□□□□ □□□□□□□□ □□□□□□ □□□□

1 च लिउँअँ अग्रिपासइ पावलने बिइ, “तारे किहइ ह्रोंसए ताँ बिद् ।”

छबिमा पावलइ यो स्योंसि ह्रोंसलाइ जोगेबै ताँ छले बिबर होंइ,

2 “ओ अग्रिपास मुँ! यहूदीमैंइ डए फिर ल्हैदिबै ताँन् छ्याबए बारेबैं ताँमैंउँइले ह्रोंसलाइ जोगेबर तियाँ डइ किहए उँइर बिल् योंमा ड बेल्ले इहो सब मुँन इहाइमुँ!

3 यहूदीमैंए ताँन् रोसमैं नेरो छलफल लबै ताँमैं किहइ छेनाले सेइमुँ । छतसि गार आम्हाँदिल्ले डए ताँ थेमिन् बिसि ड यो छ्युँ लमुँ ।

4 “डए ह्युलर नेरो यरूशलेमर ड फ्रेंसि तब् ओनोंन् डइ खैले छह थोइ, तो-तो लइ, बिबै ताँमैं ताँन् यहूदीमैंइ सेइमुँ ।

5 डचोए यहूदीमैंए धर्म न्होरि फरिसीमैं ताँन् भन्दा कट्टर टोलि मुँ । डै या फरिसी तसि छह थोमल बिसि ओसों ओनोंन् चमैंइ सेइमुँ । चमैंइ बिदा इहाँस्याँ चु ग्वाइ पिल् खाँम् ।\*

6 परमेश्वरजी डचोए स्योंम्बै खेमैंने फैबै बाछार डइ आशा थेंबइले तियाँ ड क्हेमैंए उँइर राल् त्हुइमुँ ।

7 परमेश्वरजी फैबै बाछा योंबर डचोए च्युसे डिहं कुलमैंइ त्हिंयाँ, म्हुँइँस सैं भ्रिले खीए मिं क्वेरिम् । ओ मुँ, छले डज्यै या चु आशा थेंबइले डए फिर यहूदीमैंइ छ्याब ल्हैदिइमुँ ।

\* 26:5 26:5 □□□□□□ □□:६; फिलि ३:५

8 परमेश्वरजी सियाब्रै धबै सोगों लमिंभुँ बिबै ताँ कहेमै तले क्वेल् आखाँ?

9 “ओंसों डज्यै या नासरतबै येशूए मिंर खाँन् समा या बिरोध लल् त्हुम् बिसि मैमल ।

10 डइ यरूशलेमर छान् लइ । खो पिंबै खेगि चिब्रैउँइले हग योंसि प्रभुए म्हिमै झेलर झोब् मत्त्रे आडिं, चमै सैवामा डै या चमैने त्हुँल ।

11 ल्है खे डइ चमैने ‘तारेसेरो नासरतबै येशूए फिर बिश्वास आलद्’ बिसि च्हों धिंजरे सजै पिंबर ल्हैदिइ, धै चमै म्रोंसि ड बेल्ले हिस खसि अरू ह्युलबै सहरजरे या ह्यासि चमैलाइ ह्नुगुदिइ ।✧

ॐॐॐॐॐ ॐॐॐॐॐॐॐ ॐॐॐ ॐॐॐ ॐॐॐॐॐ ॐॐॐ  
(ॐॐॐॐ ॐॐॐॐॐॐॐॐ ॐॐॐॐॐ ॐ:ॐ-ॐॐ; ॐॐ:ॐ-ॐॐ)

12 “प्रभु येशूए फिर बिश्वास लबै म्हिमै ह्नुगुदिबर खो पिंबै खेगि चिब्रैउँइले हग योंसि ड दमस्कस शहारउँइ ह्याइ ।

13 ओ अग्रिपास भुँ, च त्हिंइ आधार डि घ्यार ह्यारिमा त्हिंयाँ भन्दा चारबै ह्वे डइ स्वर्गउँइले युब म्रोंइ । च ह्वे ड नेरो डने ह्याब्रैए कारग्युले चाररिल ।

14 च ह्वेइ लमा डि ताँन् सर क्हरियाइ । धै हिब्रू क्युइर डने, ‘ओ शाऊल, शाऊल, किहइ तले ड छले ह्नुगुदिरिल? किहए फ्लेइ म्हु छु तबै फ़रेर ल्हिमा किहलाइन नभुँ, छ बिरिबै कै डइ थेइ ।

15 झाइले डइ ‘ओ प्रभु किह खाब् जा?’ बिसि डचोएमा प्रभुजी बिइ, ‘ड किहइ ह्नुगुदिरिबै येशू ग ।

16 तारे रेद् । किह डए सेवा लबर नेरो डए ग्वाइ पिंबर त्हाँइमुँ । छतइरि ड किह डार म्रोंयुइमुँ । तिंयाँ किहइ ड म्रोंबै ताँ नेरो तारे पिरु डइ किहने उँइमिंबै ताँमै या किहइ ग्वाइ पिल् त्हुम् ।

✧ 26:11 26:9-11 ॐॐॐॐॐ ॐ:३; २२:४,५

17 कहिए हेंमै नेरो अरू हेंमै डार्र डइ कहिलाइ कुल्मिंभुँ।  
चमैउँइले डइ कहिलाइ जोगेमिंभुँ।

18 चमै मिछु खैबाउँइले चारबै व्हेर खरिगे धै दुष्टए  
शक्तिउँइले फ्रेसि परमेश्वरउँइ एरिगे बिसि कहिइ चमैए मि  
थोमिन्। छले चमैइ पापए क्षमा योंभुँ धै डए फिर बिश्वास लसि  
पबित्र तबै म्हिमै टिबै कल्हयोर चमै टिल योंभुँ।'

□□□□□□ □□□□ □□□□□□□□ □□□□□□□□ □□□□□□ □□□□

19 “छतसि, ओ अग्रिपास भुँ, स्वर्गउँइले बिबै ताँ डइ डिंइ।

20 ड ओंसो डमस्कस नेरो यरूशलेम सहरजरे, यहूदीमैए ताँन्  
ह्युलरि, झाइले अरू हेंमैए ह्युलरै या ह्यासि पाप केमै पिसि  
परमेश्वरउँइ सैं एद् धै ह्योसइ सैं एइ बिब उँइबर छयाँबै केमै लल्  
तहुम् बिसि लोमिंइ।\*

21 छविमा यहूदीमैइ मन्दिरर डलाइ कहासि सैल् म्हैइ।

22 दिलेया तियाँबै त्हिंइ समा परमेश्वरजी डलाइ जोगेमिंइमुँ।  
छतसि तियाँ चुर मुँबै थेब, च्योब, ताँनए उँइर चु ताँमैए ग्वाइ पिंदै  
ड चुर राल् योँइमुँ। अगमबक्तामै नेरो मोशाइ लिउँइ तखभुँ बिबै  
ताँमै बाहेक अरू डइ तोइ आबिइमुँ।

23 तो ताँमै जा बिस्याँ, परमेश्वरजी कुल्मिंभै मुँ ख्रीष्टजी  
दुःख योसि सिल् तहुभुँ, धै सिसि धबै सोगोँ तभमैए न्होर ताँन्  
भन्दा ओंसो खी सोगोँ तसि ह्योसए यहूदी हें नेरो अरू हेंमैने या  
परमेश्वरए ह्वे सेल् पिंभुँ बिसि चमैइ बिल।”\*

24 पावलइ बिबै चु ताँ थेसि फेस्तसइ थेबै कै तेसि बिइ, “ओ  
पावल, किह सोबाल् तयाना! ल्हें ह्रब सेबइ किह सोबाल् लवाना!”

25 दिलेया पावलइ बिइ, “ओ चिब फेस्तस, ड सोबाल् तब्  
आडिं। डइ क्होँसेन्बै नेरो च्हेँसि मैसि ताँमै पोँमुँ।

☆ 26:20 26:20 □□□□□□ □:२०,२८,२९ ☆ 26:23 26:23 □ □□□ 15:20; यशै 42:6;  
49:6

26 अग्रिपास मुँइ चु ताँए बारेर सेइमुँ। छतसि चए उँइर ड आडिहंन्ले पोंइँनमुँ। खिइ चु तोन्दोरि ताँ सेइमुँ, तलेबिस्याँ चु ताँ खाबज्यै आसेल्ले लबै ताँ आडिं।

27 ओ अग्रिपास मुँ, किहइ अगमबक्तामैँइ फ्लिबै ताँ क्वेम्मा? किहइ क्वेम् बिब डइ सेइमुँ।”

28 अग्रिपासइ पावलने बिइ, “तिस्यार्न किहइ ड खीष्टियान लल् म्हेल् वा?”

29 पावलइ बिइ, “तिस्यार्न मुरिद् उ ल्हें ल्हेर्न मुरिद्, चु सँउँलिमें पिसि, किह मत्त्रे आडिं, तियाँ डए ताँ थेब्लै ताँन् ड धोबन् तरिगे बिसि ड परमेश्वरने प्राथना लम्।”

30 पावलइ चु ताँ बिमा चबै अग्रिपास मुँ, ऋथे फेसतुस, बरनिकि, नेरो चर टिब्लै ताँन् रेयाइ।

31 झाइले चमैँ त्हांह्याबै लिउँइँ, “चु म्हिइ झेलर च्युल् त्हुब नेरो सैल् त्हुबै के तोइ आलइमुँ,” बिसि खेँ-खेँमैँए न्होर्न ताँ लइ।

32 धबै अग्रिपास मुँइ फेस्तसने बिइ, “चइ कैसर मुँ डारं चए मुद्दा फैसला लरिगे बिसि यो छ्युँ आलस्याँ पिवालै खाँमल।”

## 27

□□□□□ □□□□ □□□□□ □□□□□

1 झाइले डि इटालिया ह्युलर ह्याल् त्हुम् बिसि ऋथे फेस्तसइ निर्नय लइ। छतमा चमैँइ पावल नेरो अरू कैदिमें युलियस मिं मुँबै कप्तानए जिम्मार पिंइ। च “आगस्ट थेबै मुँ” बिबै फौजबै कप्तान घ्रि मुँल।

2 डि एड्रामिटेनोस सहरउँइँले एशिया ह्युलए रे-रेबै क्ल्ह्यो ततै ह्याबै क्यु झाजर क्रेइ। छले ह्यामा माकेडोनिया ह्युलबै थेसलोनिकाथेँ अरिस्तार्खस बिबै म्हि घ्रि या डिने बालु मुँल।

3 फ्हँन्हाँगधों डि सिदोन बिबै सहरर फेनेइ। चर कप्तान युलियसइ पावलए फिर ल्हयो खसि चने “क्हिलाइ तोइ सैमैँ

खाँचो तस्याँ क्हाए थुमै डार ह्यासि चैदिवै सैमै किल् खाँम्,”  
बिइ ।

4 च कल्ह्योउँडले डि क्रेवै क्यु झाज धवै मा डचुँडउँड ह्यारिमा  
मा डचुँडर थेवै खें खबइले डि खेंउँडले जोगेरिगे बिसि साइप्रस  
बिबै टापू लिउँड ततै ह्याइ ।

5 झाइले किलिकिया नेरो पामफिलियाए क्योजउँडवै मा  
डचुँडर फेसि डि लुकिया ह्युलबै माइरा बिबै सहरर फेखइ ।

6 चर इटालिया ह्युलर ह्यावै अलेक्जेन्ड्रिया सहरबै क्यु झाज  
घ्रि स्यासि कप्तानइ डि चर क्रेमिंड ।

7 खेंइ लमा क्यु झाज क्हेनाँले प्रबइले ल्हें त्हेइ छ्युसि गाले  
डि किनडस बिबै कल्ह्योर फेखइ । खेंइ क्यु झाज ओसाँ ह्याल्  
आपिंबइले डि क्रेट बिबै टापूए पूर्व नेरो दक्षिण हारउँड ह्याइ,  
तलेबिस्याँ चर खें ल्हें आचल्दिमल । चर ह्यामा सालोमोन बिबै  
क्ल्हो म्रोंइ ।

8 बेल्ले गाले टापूए रे-रे ततै डि “क्यु झाज न्हवर छ्याँब” बिबै  
क्ल्ह्योर फेखइ । च कल्ह्योउँडले लासिया बिबै सहर चेंदोन् मुँल ।

9 डि चर फेवर ल्हें त्हे ह्याल् खाँल, धै पछुत लसि बर्त टिवै  
चाड\* या ह्याल् खाँल । धै मा डचुँडर ह्यावै या डिहंन् इहान्  
तल । छतसि पावलइ म्हिमैने छले बिइ,

10 “ओ थुमै, डए सैर छुइले डचो ह्याइ बिस्याँ क्यु झाज नेरो  
समनए नोक्सन् मत्त्रे आडिं, डचोए ज्यु या ह्यालै इहॉइमुँ ।”

11 दिलेया कप्तानइ पावलए ताँ आथेल्ले क्यु झाज ओलेबै म्हि  
नेरो क्यु झाजए कल्हेए ताँ क्वेइ ।

12 च क्यु झाज न्हवै कल्ह्योर सर्ख थोब गारो तबइले खैलसे  
या फोनिक्सर्न फेनेसि सर्ख थोल् त्हुम् बिसि चर मुँबे ल्हें म्हिइ  
क्यु झाज ओलेद् बिइ । फोनिक्स क्रेट ह्युलबै क्यु झाज न्हवै

\* 27:9 27:9 ०००० ०००० ००० ० ००० ०००००० ०००००००० (लेबी १६:२९-३१) ।

क्ल्ह्यो घि ग, च ल्हुउँइं न्हुउँइं (दक्षिण-पश्चिमउँइं) नेरो ताइ न्हुउँइं (उत्तर-पश्चिमउँइं) ह्वेब मुं ।

ॐॐ ॐॐॐॐॐॐॐ ॐॐॐॐ ॐॐॐ-ॐॐॐ ॐॐ

13 च त्हेर ल्हुउँइंले (दक्षिणउँइंले) खें च्युगु च्युगु खबर होंमा चमैइ सैर मैब धोन् तइ इहाँसि क्यु झाज फैथेबै अँगुसि† तेवासि चमै क्रेट बिबै टापूए रे-रे ततै ह्याबर होंइ ।

14 छले ह्यारिबै तिस्या दे लिउँइं च टापू पट्टिउँइंले बेल्ले थेबै उत्तर-पूर्व बिबै खें खइ ।

15 छले थेबै खें खमा डिइ क्यु झाज ओलेल् आखाँसि क्यु झाज खनि ह्यालै ह्यारिगे बिसि पिवाइ ।

16 छले क्यु झाज ह्यामा क्लौडा बिबै च्युथिरि टापू डार फेनेबै लिउँइं डिइ बेल्ले गार्ले क्यु झाजबै डुँङ्गा जोगेल् खाँइ ।

17 च डुङ्गा कैडो क्वेबै लिउँइं क्यु झाज ओलेबमैइ क्यु झाज तोइ आतरिगे बिसि क्यु झाज छोमैइ भोन्ले फैइ । धै सिरटिस् बिबै क्यु न्होबै बालुवाए खादर कहोयाम् उ बिब् डिहंसि चमैइ पालमै खारवाइ । छतमा क्यु झाज क्युए फिर्न ल्हाइ टिइ ।

18 थेबै नाँ-खैइ लमा क्यु झाजर डि छ्वाइ खैने माइ खै तबर होंइ, छतमा फ्हँहाँगधों चमैइ क्यु झाज योरिगे बिसि क्यु झाजबै समनमै भ्योबर होंइ ।

19 झाइले सोरोर चमैइ खेमैए योइन झाज ओलेबर चैदिबै सैमै नेरो छोमै या भ्योवाइ ।

20 ल्हें ल्हिइ समा डिइ ल्हिया नेरो मुसारामै तोइ म्रोल आयों । नाँ-खै खबै-खब तरिमा सोबै आशा या डिंला म्हायल ।

21 ल्हें ल्हिइ समा म्हिमैइ तोइ चल आयोल । छतमा पावलइ चमै डार खसि बिइ, “ओ थुमै, क्हेमैइ डए ताँ डिंसि क्रेटउँइंले

† 27:13 27:13 ॐॐॐॐ ॐॐॐ ॐॐ ॐॐॐॐॐ ॐॐॐॐ ॐॐ - नेपालि: लङ्गर





32 चु ताँ थेसि सिपाइमैइ डुङ्गा फैबै छोमै क्ह्याँसि डुङ्गा क्युर भ्योवाइ ।

33 मि मोवि छेमा पावलइ चमैने बिइ, “क्हेमै न्हुँ लसि तोइ आचल्ले टिब तियाँ च्युसे प्लि त्तिंइ तल् खाँइ ।

34 छतसि डः क्हेमैने विमुँ, चबै सै चद् । चब् चस्याँ क्हेमैइ भों योँब्मुँ, धै क्हेमै खाबलै या ऋफ्हो ग्नि या खाररिब् आरे ।”

35 छबिसि पावलइ क्हे किंसि ताँनए उँइर परमेश्वरलाइ धन्यबाद पिंइ, धै क्हे लुँसि चबर होंइ ।

36 चमै सैं भोल् योँसि सैं तोँदै चब् चइ ।

37 (क्यु झाजर डि ताँन् लसि डिहंब्बासे डिच्युसे ट्हु म्हिमै मुँल ।)

38 धै प्रेनाले चब् चबै लिउँइँ, चमैइ क्यु झाज योरिगे बिसि गहुँए बोराँमै मा डच्युँइर भ्योवाइ ।

???? ???? ???? ???? ?

39 मि मोयाबै लिउँइँ क्यु झाज ओलेब्मैइ माँ डच्युँइँए छेउ मोइ, दिलेया खनर फेखइ बिब आसे । दिलेया चमैइ क्यु झाज टिल् खाँब् धों ब्योँब बलुवा मुँबै क्त्हयो ग्नि मोइ । धै खाँन् समा क्यु झाज चाए रेर बोबै सैं लइ ।

40 छतसि चमैइ क्यु झाज फैबै सँउँलिमै खारवासि क्युर पिवाइ । धै क्यु झाज ओलेबै सैमै फैथेँबै छोमै प्न्हवासि ओँसोँबै पाल क्वेसि खैँ खबै हाराइ तोमिँमा क्यु झाज माँ डच्युँइँए छेउउँइँ चैं बोइ ।

41 क्यु झाज छले ह्यारिमा क्यु न्होँबै बालुवाए रासर थुरसि चर्न क्होयाइ, धै क्यु झाजए ओँसोँबै भाग क्होयासि ओलेल् आखाँ । छतमा लिउँइँबै भाग क्युए भेल्गाइ चोवाबर होंइ ।

42 च त्हेर कैदिमै क्युर क्योवालसि न्हेह्याम् उ बिब् मैसि सिपाइमैइ चमै सैबै सैं लइ ।

43 दिलेया कप्तानइ पावल जोगेबै सैं लसि चमैलाइ छ लल् आपिं । बरु “क्योवालल् खाँम्मैं ताँन् क्यु झाजउँईले ओसों फाल् न्हेसि छेउउँई त्हांन् ।

44 धै अरू चर मुँब्मैं फालेजरे नेरो क्यु झाजए टुक्कजरे क्हासि क्योँजा ह्याद,” कप्तानइ बिइ । छले डि ताँन् छेनाले नें आम्योँल्ले मा डचुँइए छेउर फेइ ।

## 28

□□□□□□ □□□□ □□□□□ □□□□□ □□□ □□□ □□□

1 डि मा डचुँइए छेउर खबै लिउँई च टापूए मिं माल्टा मुँन बिसि डिइ था योँइ ।

2 चबै म्हिमैँइ डि फिर बेल्ले ल्हयो खइ । च त्हेर नाँ युसि बेल्ले खुँल । छतसि चमैँइ मि फुइसि डि मि त्हेबर हुइसि मान लइ ।

3 पावलज्यै या फ्हेँ घि सिं खुसि मिर झोँइ । मिए राबाइ लमा फ्फुरि घि त्हांखसि पावलए योर बेर्दियाइ ।

4 पावलए योर फ्फुरि बेर्दिब् प्रोँसि चबै म्हिमैँइ, “चु म्हि क्होँसेन्ले म्हि सैबै म्हि तल् त्हुम्! च मा डचुँइउँईले सोइ खलेना निसाफउँईले चु स्योरल् आखाँ,” बिसि खेमैँए न्होर बिबर होँइ ।

5 दिलेया पावलइ च फ्फुरि मिर खारवामा फ्फुरिइ पावललाइ तोइ न्होह्रोँ आल ।

6 दिलेया “तिस्याँदे लिउँई बिख ल्हेदिसि चए ज्यु रोँलै, सर क्हुरह्यासि सियालै,” बिसि चर मुँबै म्हिमैँइ मैँरिल । ल्हेँ त्हे समा च तोइ आतब् प्रोँसि चमैँइ अरू सैन् मैँसि “चुम् देवता ग मुँन!” बिइ ।

7 च टापूबै क्होँ पब्लियसए क्ल्हयो-न्हें च क्ल्हयोए चेंदो मुँल । चइ डि चए धिंर हुइसि मान लइ । धै सोँरो समा फ्हेँ तसि डि चर्न टिइ ।

8 च त्हेर पब्लियसाए आबा जर खब नेरो फो नब तल। छत्तसि पावल च नबै म्हिलाइ इह्योबर ह्यासि चए ल्हागिर प्राथना लइ, धै चए फिर यो थेंसि च नबै म्हि सल् लमिंइ।

9 छत्तसि च टापूर टिबै अरू नबै म्हिमै या पावल डार खमा चमै या सइ।

10 चमैइ डि ल्हें मान लसि ल्हें क्होल्सैमै पिंइ। धै डि माल्टाउँइले ह्याब् बिसि क्यु झाजर क्रेबि छेमा चमैइ ध्यार डि-लाइ चैदिवै सैमै या क्यु झाजर झोमिंइ।

□□□□ □□□□□□□□□□□□□□ □□□□ □□□□ □□□□□□

11 म्हैन सोल् लिउँइ डि अलेक्जेन्ड्रियारबै क्यु झाजर क्रेइ। चु क्यु झाजर सर्खर माल्टबै टापूरन मुँल। चु क्यु झाजए ओसों जौले देवतामैए\* मूर्ति कुन्दिल।

12 डि सुराकुसाइ बिबै सहरर फेनेसि सोंरो समा चर्न टिइ।

13 सुराकुसाइउँइले डि मा ड्युँइए छेउ-छेउउँइले रेगियन सहरर फेखइ। चए फ्हंहांग्धों ल्हूँउँइले (दक्षिणउँइले) खें खइ, धै नुयुँम्धों डि पटिओलि बिबै सहरर फेखइ।

14 चर डिइ प्रभुए फिर विश्वास लबै अलि-अडामैं त्होइ। चमैइ “सद घि समा डिने टिमिन्” बिइ। छत्तसि डि डिरो चमैनेन् टिबै लिउँइ डि रोम बिबै सहरर फेखइ।

15 रोमबै प्रभुए फिर विश्वास लबै अलि-अडामैंइ डि खसिन् मुँ बिबै ताँ थेसि को-कोइ म्हिमै डिने त्होबर अप्पियस बिबै बजार नेरो सो पाटि बिबै क्त्ह्यो† समा खइ। चमै म्रोसि पावलइ भों योसि परमेश्वरलाइ धन्यवाद पिंइ।

\* 28:11 28:11 □□□□ □□□□□□ □□□□□□ □□□□□□ □□ □□□□□ □□ □□□□ □□□□ □□□□ † 28:15 28:15 “□□□-पाटि” बिबै क्त्ह्यो रोमउँइले डिहंगैबै ध्यौं, इहच्यु किलोमिटर हेंगो मुँल। “अप्पियस” बजार बिस्याँ, रोमउँइले सांगैबै ध्यौं, डिच्यु किलोमिटर हेंगो मुँल।

16 डिः रोम खबै लिउँइँ पावल रूँबै सिपाइ घिने बालो च घिन् टिल् पिंड।

२२२२ २२२ २२२२ २२२

17 सोरो लिउँइँ पावलइ चर्बै यहूदीमैए चिबनाँब्मै हुइसि खागु लइ। चमै खागु तबै लिउँइँ पावलइ चमैने बिइ, “ओ अलिमै, डचोए ह्युलबै म्हिमै नेरो डचोए खेमैए रोसमैए बिरोधर डइ तोइ आछ्याँब के आलल। दिलेया म्हिमैइ ड यरूशलेमर कहासि रोमीमैए योर पिंवाइमुँ।

18 रोमीमैइ डलाइ डच्युलु च्युलु लमा सैल् त्हुबै छ्याब् तोइ आस्यासि ड पिवाबै सैं लल।

19 दिलेया यहूदीमैइ बिरोध लबइले डइ कैसर मुँ डार ह्याल् योरिगे बिसि यो छ्युँ ललन् त्हुइ। छ्यान् तलेया डए हेंए बिरोधर तोइ छ्याब् पिंबै ताँ डने आरेल।✧

20 छ्तसि डइ कहेमैने त्होसि चु ताँमै क्होमिंबर कहेमैलाइ हुइब् ग। तलेबिस्याँ ‘परमेश्वरजी मुक्ति पिंबै मुँ ख्रीष्ट कुल्मिंब्मुँ,’ बिसि डचो इस्राएलीमैइ आशा थेंइमुँ। झाइले च मुँ युल् खाँइ बिसि डइ विप्रबइले ड चु सँउँलिइ फैथेंइमुँ।”

21 पावलए ताँ थेसि चमैइ बिइ, “डिइमि किहए बारेर यहूदीया ह्युलउँइँले तोइ फ्ह्रछ्या आयोँइँमुँ। धै अलि-अडाँमै खाबै खसि किहए बिरोधर आछ्याँब ताँ तोइ आपोँइँमुँ।

22 दिलेया किहए सैर मैबै ताँमै डिइ किहउँइँलेन् थेदा इहाँइँमुँ, तलेबिस्याँ खन्तोदोन् म्हिमैइ किहए टोलिमैए बारेर बिरोध लसि पोरिब डिइ थेइमुँ।”

23 च लिउँइँ चमैइ पावलए ताँ थेबर त्हिंइ घि तोक्दिइ। छ्तमा त्हेँ म्हि पावल टिबै क्त्ह्योर खइ। धै चइ न्हाँगउँइँले डेसा समा परमेश्वरए ग्याल्सबै ताँमै लोमिंइ। चइ मोशाइ पिंबै ठिम नेरो

अगमबक्तामैए कितबमैँउँडले पावलइ परमेश्वरए ग्याल्सबैँ ग्वाइ  
पिसि यशूए बारेबैँ ताँमैँ कहोमिंबैँ भों लरिल ।

24 चइ बिबैँ ताँ थेसि को-कोइइ क्वेँइ, को-कोइइ आक्वेँ ।

25 छतसि चमैँ खेँ-खेँमैँन् ताँ आक्हिहसि ह्यावि छेमा  
पावलइ चमैँने बिइ, “परमेश्वरए प्न्हजी क्हेमैँए खेँमैँने यशैया  
अगमबक्ताउँडले बिमिंबैँ चु ताँ ठिकन् मुँल,

26 चु म्हिमैँ डार ह्यासि बिद,

‘क्हेमैँइ थेबम् थेब्मुँ, दिलेया खोंयोन् बिलैँ आक्हो;

इह्योबम् इह्योब्मुँ, दिलेया खोंयोन् बिलैँ आम्रों ।’

27 तलेबिस्याँ चमैँए खों सारो तइमुँ,

चमैँए न्ह थेल् आखाँब् तइमुँ,

धै चमैँइ मि च्युँल्ले टिइमु ।

आस्याँ चमैँए मिइ म्रोंब्मुँ,

चमैँए न्हइ थेब्मुँ,

चमैँए खाँइ क्होब्मुँ,

धै चमैँ सैँ एसि ड डार खब्मुँ,

डइ चमैँलाइ सल् लमिँब्मुँ

बिसि परमेश्वरजी बिइमुँ ।☆

28 छतसि ‘परमेश्वरजी म्हिमैँ जोगेमिँब्मुँ,’ बिबैँ सैँ तोबैँ ताँ अरू  
हेंबैँ म्हिमैँए ल्हागिर खीजी पिमिँइँमुँ, धै चमैँज्यैँ थेब्मुँ, बिसि क्हेमैँ  
था सेल् त्हुम् ।”

29 [पावलइ चु ताँ बिबैँ लिउँड, यहूदीमैँ खेँ-खेँमैँन् आक्हिहसि  
ठटा ठुटु तसि ह्याइ ]‡

30 पावल डिहंदि समा ह्रोंसए खर्जन रोमर टिइ, धै च डार  
खब्मैँ ताँनलाइ खिइ मान लमल ।

☆ 28:27 28:26-27 □□ □:१-१० ‡ 28:29 28:29 □□□□ □□□□□□ □□ □□□□□□

□□□□□□ □□ □□□□□□ □□□□□□□□ □□□□□□□□ □□□□□□□□



**Gurung Central Adapt It Study Bible**  
**Gurung: Gurung Central Adapt It Study Bible (New**  
**Testament+)**

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

---

PDF generated using Haiola and XeLaTeX on 2 May 2025 from source files  
dated 3 May 2025

54ead5f0-09ac-5893-ab7c-505713abe514